

漢書卷之十
二
卷之十

光緒十三年十
月廣雅書局刊

DS
748
P24
C5
v.1
兩漢書辨疑序

兩漢書刊誤劉原父與其弟貢父其子仲馮同撰今已不傳惟載於前明監板中此所載者宋元人所採耶明人所採耶從足本全行收入耶抑僅摘若干條而其餘尙多刪棄者耶不可知也然宋史藝文志稱劉氏書凡四卷趙希弁讀書附志云東西漢各一卷則其書大約無多監本所採之遺亦無幾矣外有吳斗南補遺秀水朱氏稱其博洽以予攷之亦醇疵互見援引多而裁斷少又以諸經解說糾纏於史學未免失之支離耳錢君可廬出示所撰兩漢書辨疑四十二卷卷帙之富已十倍於劉氏五倍於吳氏而校譌補闕精淡確當披卻導窾闡幽決滯生於幾千百年以下追及幾千百年以上之事恍如掌上羅文一

一皆可指按視劉氏吳氏不可同年而語矣兩漢文字近古與五經相出入不識字不通古學者固難與語此可廬精於說文深通古訓穿穴經史傳記墓銘碑碣善求其閒識純而心細實事求是不屑爲支蔓語故能折衷羣疑而於官制地理所得尤多洵班范之功臣史家之指南也予向因專力治經未遑究心乙部然於讀史之道固亦略識其梗概異日拙著尙書後案成當研攷諸史庶幾與可廬共相析疑矣乾隆四十四年春三月

王鳴盛序

漢書辨疑卷一

嘉定錢大昭撰

目錄

第三卷韓王信

福建本信下注子積當孫增五字汲古閣本

脫福建本者明按察司按察使周采提學副使周琬巡海副使何喬等所刊

第二十五卷衛青霍去病李息公孫敖李沮張次公趙信趙食其郭昌路博德趙破奴
福建本李息等九人分注於去病之下

高帝紀

母媼

說文解字媼女老稱也讀若奧

夢與神遇 爾雅釋言遇偶也對偶之義戰國策盼子復整其士卒以與王遇高誘注遇敵也此與神遇亦對偶之意小顏以爲不期而會失之

常從主媼武負貫酒注蓮勺音酌 酌當作輦監本閩本皆誤常折券棄責 券當从刀从力者古倦字責南雍本閩本竝作負尋注文義負字爲是惟史記作責

鄉者夫人兒子皆以君注如淳曰以或作似顏監以如說爲非案史記及論衡骨相篇竝作皆似君如說爲是蓋言相之大貴皆似君耳非謂呂后之貌有類高祖也漢書凡以字皆作已此獨作以以卽似字說文侶象也已用也隸書以不成字故加人于左

芒碭山澤間 碭當从易

高祖怪問之呂后曰 閩本作高祖怪問呂后后曰

秦二世元年 閩本連上不提行二年三年放此

合置將不善 令南雍本閩本及史記竝作今

願吏擇可者 吏南雍本閩本及史記竝作更

注割廬山發而出水 割閩本作葛

秦泗川監平注師古曰川或爲水 案地理志作泗水則作水

者是

周勃傳作泗水

走至戚師古曰東海縣 胡梅磧曰沛郡與東海相去頗遠壯

兵敗而走未必能至東海之戚班志沛郡有廣戚縣恐是走

至廣戚

章邯破殺魏王咎齊王田儋於臨濟 田儋魏豹傳荀悅漢紀

皆作臨濟惟項籍傳作臨菑疑誤

至城陽 城當作成此濟陰之成陽縣與濮陽相近

乃道碭至陽城與杠里 胡梅磧曰自碭取道而西也陽城史

記作成陽韋昭曰在潁川則是謂陽城也索隱曰在濟陰則

是謂成陽也杠里孟康服虔皆以爲縣名而班志無之予案

沛公之兵自碭而攻秦道成陽與杠里而後破東郡尉於成

武成陽縣屬濟陰成武縣屬山陽濟陰唐爲曹州成武屬焉

若取道潁川之陽城當自此西趨洛陝安得復至成武邪當

從史記成陽爲是杠里之地蓋在成陽成武之間

與魏將皇欣武滿軍 滿閭本及史記俱作蒲

又戰曲遇東 郡國志河南中牟有曲遇聚

從輶輶 薛綜注東京賦曰輶輶阪十二曲道將去復還故曰

輶輶

與南陽守齟 齟漢紀作呂齟

封陳恢千戶 漢紀作千戶侯李賡芸曰封恢千戶猶陳餘在

南皮而環封三縣不必侯也漢紀侯字或衍高紀十一年封薛公千戶亦非

侯

往說秦將啗呂利 啗與囁同史記樂毅傳令趙囁秦以伐齊

之利徐廣曰囁進說之

漢元年傷人及盜抵罪注李奇曰 裴駙集解作李斐說

毋內諸侯軍 內讀若納

會羽季父左尹項伯 左尹官名

臣與將軍戮力攻秦 戮闕本作勦注同說文勦并力也戮殺也其義迥別書湯誥聿求元聖與之勦力左氏昭廿五年石經勦力壹心戰國策勦力同憂高誘曰勦力勉力也其字皆從力惟成十三年左傳有戮力同心然唐石經及宋本皆作勦

籍何以生此 生南雍本閩本皆作至

噲因譙讓羽 方言譙讓也齊楚宋衛荆陳之間曰譙自關而西秦晉之間凡言相責讓曰譙讓

與樊噲靳彊滕公紀成 滕公夏侯嬰也紀成索隱曰漢書作紀通通紀成之子與今本不同

收巴蜀租給軍食 軍下南雍本閩本俱有糧字

二年河南王申陽降 河南故秦三川郡

新城三老董公 此與武五子傳壺關三老茂皆縣三老也隋

文帝改新城爲伊闕取山爲名

以魏地萬戶封生 貢禹傳天子報禹曰朕以生有伯夷之廉

史魚之直師古曰生謂先生與此同義

漢王以韓信爲左丞相 李贇芸曰曹參以假左丞相定魏齊

以右丞相侯酈商遷右丞相賜爵列侯後復以右丞相擊陳
孫樊噲亦嘗遷左丞相皆係空名不居其職故公卿表不載

三年十月甲戌晦日有食之 在斗二十度燕地

十一月癸卯晦日有食之 在虛三度齊地

良發八難

八難見良本傳

轅生說漢王 漢國三老袁良碑云厥先舜苗世爲封君周之
興虞闕父典陶正嗣滿爲陳侯至元孫濤塗初氏父字立姓
曰袁魯僖公四年爲大夫哀十四年頗作司徒其末或適齊
楚而袁生獨留陳當秦之亂隱居河洛高祖破項實從其策
案今本左氏傳及石經皆作轅陸氏釋文本作袁穀梁傳法
言竝作袁不从車有唐宰相世系表袁生元孫榦榦八世孫
良則良卽袁生之後裔也

八月臨河南鄉注師古曰鄉讀曰嚮 鄉當讀爲嚮荀悅漢紀
作王嚮師河南

四年割洪溝呂西爲漢 洪當爲鴻注作鴻

乃封侯公爲平國將 荀紀作平國君

五年深塹而守 塹南雍本閩本竝作塹

隨劉賈皆會 閩本隨下有何字南雍本亦脫

封項伯等四人爲列侯賜姓劉氏 四人謂射陽侯劉纏

徐廣曰項

伯名纏字伯

平皋侯劉它桃安侯劉襄也其一人漢表未聞史記

作元武侯

大王陛下注應劭曰陞者升堂之陞 升閩本作外南雍本亦

誤

七大夫公乘呂上皆高爵也 賈誼傳雖有長爵不輕得復張

晏曰長爵高爵也雖受高爵之賞猶將禦寇不得復除逸豫

也

高起王陵對曰注張晏曰詔使高官者起故陵先對孟康曰姓高名起臣瓚曰魏相邴吉高帝時奏事有將軍臣陵臣起案瓚說非也魏相傳述高帝時受詔長樂宮者但有將軍臣陵無臣起荀悅漢紀亦無高起二字張孟說皆不了當是衍文

徙諸侯子關中 諸侯子猶言諸侯人也上文云楚子諸侯人之慕從者數萬人文穎曰楚子猶言楚人也諸侯人猶諸侯國人

六年令天下縣邑城 荀紀作命復天下縣邑

今上尊太公曰太上皇 案秦始皇本紀云追尊莊襄王爲太上皇高帝用秦制也

七年擊韓王信於銅鞮斬其將 其將王喜也

蕭何治未央宮 太平御覽引關中記云未央宮蕭何所造周

迴二十三里疏龍首山土爲殿基殿基出長安城上

注蓋蕭何初立未央宮 立閭本作治

置宗正宮 宮當作官宗正本秦官是時始置

八年上東擊韓信餘寇於東垣 此韓信韓王信也

賈人毋得衣錦繡綺縠絺紵罽 縠釋名云粟也其形足足而

蹶視之如粟也又謂沙縠亦取蹶蹶如沙也罽當作縠說文

罽魚網也縠西胡毳布也

九年詔敢有隨王罪三族 案周官小宗伯掌三族之別以辨

親疏鄭注三族謂父子孫人屬之正名婚禮請期辭曰惟是

三族之不虞欲及今三族未有不億度之事而迎婦也如此所云三族不當有異姓異姓其服皆總麻不禁嫁女娶妻惟尙書歐陽家以九族爲父族四母族三妻族二其實非也爾雅釋親父之親爲宗族母之親爲母黨妻之親爲妻黨是族與黨秩然有辨若合異姓爲族則名不正矣如淳以三族爲父族母族妻族者失之張晏以爲父母兄弟妻子亦未爲得也

十年五月太上皇后崩七月太上皇崩葬萬年

案盧綰傳云

十年秋太上皇崩史記七月太上皇崩櫟陽宮楚王梁王皆來送葬則晉灼以爲長夏五月太上皇后崩八字者是也注家說皆不了荀悅漢紀五月太上皇崩七月太上皇葬於萬

年雖較漢書明晰然以盧綰傳及史記證之晉灼說爲優
常山二十五城 地理志常山郡縣止十八蓋後又改隸或分
析耳

注購設賞募也 募也下南雍本閩本俱有音構二字

相國鄼侯注臣鄼曰鄼音贊 予族子玷曰地理志南陽沛二
郡並有鄼縣以說文解字攷之南陽縣作鄼沛縣作鄼實不
同也何封在沛故班固十八侯銘云文昌四友漢有蕭何序
功第一受封於鄼應劭謂其字音嗟故與何爲韻也其作泗
水亭碑亦然惟臣瓚據茂陵書以爲何封在南陽不知封南
陽鄼者乃何曾孫慶非何也水經注沔水下亦謂何封在南
陽蓋又因臣瓚而誤

其有意稱明德者

三史拾遺曰

唐事兄所撰廿二史攷異史漢及後漢書已先付劄刷復

有所得者名曰拾遺

文選注引漢書意作懿懿稱者美稱也與明德對

文則懿義爲長古文懿與意通書金縢噫公命馬融本噫作懿云懿猶億也詩大雅抑篇國語作懿戒小雅抑此皇父箋抑之言噫論語抑與之與蔡邕石經抑作意是懿抑意噫四文可通用也小顏於意稱闕而不解由於未識古音

上見公 南雍本閩本竝作上召見

此聞帝崩 閩本此作比

惠帝紀

有罪當盜械者皆頌繫

漢紀頌作容案古容字作頌詩序曰

頌者美盛德之形容儒林傳魯徐生善爲頌師古曰頌讀與

容同漢楊統碑攷庶斯之頌儀義亦作容

及内外公孫耳孫 耳孫元孫之曾孫也爾雅釋親及平紀諸
侯王表甚明當從晉灼說應劭李斐皆誤

二年正月癸酉有兩龍見蘭陵家人井中 家人漢紀作人家
案五行志癸酉有兩龍見於蘭陵廷東里溫陵井中則作人
家者是

郃陽侯仲薨 侯薨不書此何以書以高帝親兄且故代王也
三年立閩越君搖爲東海王 搖漢紀作繇案搖與繇同漢書
徭役字皆作繇

注在吳郡東南濱海云 閩本無云字

四年七月乙亥未央宮凌室災 五行志作十月漢紀作三月

注其有加愚者 愚問本作異

江水漢水溢流萬餘家 五行志漢中南郡水復出流六千餘家沔水流萬餘家

過其姑呂頹 呂頹樊噲妻也說文頹女字也賈侍中說楚人謂姊爲頹離騷女頹之嬋娟王逸曰屈原姊也詩正義引鄭注周易歸妹以須亦云屈原之姊名女須是須與頹古字通 呂頹爲呂后姊也

迺令持節矯內勃北軍 內讀爲納下母內相國產殿門殿門弗內竝同

文帝紀

母曰薄姬注如淳曰姬音怡眾妾之總稱 如說是也六朝人

稱妾母爲姨卽此意但不知姬有怡音因變文爲姨此俗聞之謬耳攷爾雅釋親妻之姊妹同出爲姨豈可以稱眾妾小顏謂姬不當音怡失之

丞相臣平太尉臣勃大將軍臣武御史大夫臣蒼注服虔曰武柴武大昭案服說非也若柴武爲大將軍位又在御史大夫之上則權貴無比公卿表不應失書攷高五王傳漢聞齊王舉兵相國呂產等遣大將軍潁陰侯灌嬰將兵擊之嬰至滎陽乃謀曰諸呂舉兵關中欲危劉氏而自立今我破齊還報是益呂氏資也乃畱兵屯滎陽使人諭齊王及諸侯與連和以待呂氏之變而共誅之又灌嬰傳云呂后崩呂祿等欲爲亂齊哀王聞之舉兵西呂祿等以嬰爲大將軍往擊之嬰

至滎陽乃與絳侯等謀風齊王以兵誅諸呂齊兵不前絳侯
既誅諸呂嬰自滎陽還與絳侯陳平共立文帝於是益封嬰
三千戶爲太尉觀本紀元年詔書益封戶邑者止有太尉勃
丞相平將軍嬰而無名武之大將軍則其爲灌嬰何疑嬰之
大將軍是呂祿等所置故公卿表不載至棘蒲侯柴武爲大
將軍其事在三年國濟北王反遣武擊之事已卽罷故表亦
不載服氏謂文帝卽位之初卽有大將軍柴武失之遠矣

宗正臣郢注文穎曰劉郢 案百官表高后二年上邳侯劉郢

客爲宗正又王子侯諸侯王表竝作郢客而史記表與此紀
俱作郢

臣謹請陰安侯注蘇林曰高帝兄伯妻 案漢書婦人封侯者

四陰安之外蕭何夫人爲鄼侯呂頌爲臨光侯

文紀注作奚林光誤

涓母底爲重平侯

遂卽天子位

他帝皆云卽皇帝位此獨云天子者孝文謙讓

再三而後踐阼不敢以美稱自居史家著其謙德

元年詔曰天下人民未有慝志

史記慝作慝荀子榮辱篇臭

之而無慝於鼻楊倞注慝當爲慝蓋義與慝同

或阼於死亡

說文阼壁危也

二年十月丞相陳平薨

丞相薨例書曰不書姓惟陳平灌嬰

書姓不書曰申屠嘉不書曰翟方進書姓仍書曰

爲吏及詔所止者遣太子

謂遣列侯太子之國

注憫猶介然也

史記集解引漢書音義憫下有然字

初與郡守爲銅虎符 說文琥發兵瑞玉爲虎文蓋用兵取其
威武故玉與銅皆用虎也

三年其爲遂率列侯之國 遂南雍本閩本作朕字

註誤吏民 說文註誤也史記張儀傳夫不顧社稷之長利而
聽須臾之說註誤人主無過此者

四年九月封齊悼惠王子七人爲列侯 案王子侯表悼惠王
子十人皆以五月甲寅封此作七人又作九月皆誤

十四年建成侯董赫內史欒布皆爲將軍 建成侯董赫史記

孝文紀作成侯赤徐廣曰赤姓董漢書匈奴傳作成侯董赤
功臣表及漢紀俱無建成侯董赫但有成敬侯董深孝惠元
年康侯赤嗣是建成侯衍建字赫赤古字通又攷百官表文

十四年有內史董赤而無欒布布傳又不言曾爲內史竊意內史二字當在成侯之上

後元年無有所隱 閩本隱下有也字

二年結徹於道 徹古轍字南雍本閩本作轍

四年四月丙寅晦日有蝕之 五行志作丙辰

六年己中大夫令免爲車騎將軍 漢紀令免作李勉今作令

免字之誤也徐廣以爲中大夫令是官名小顏以爲文帝時尙無此官其人姓令名免二說皆誤

故楚相蘇意爲將軍 漢紀意作隱案意隱古字通春秋季孫意如公羊傳作隱如

七年夏六月 案五行志及荀悅漢紀是年正月辛未朔日有

食之本紀失載

姪帶無過三寸

姪當爲姪南雍本閩本及漢紀竝作姪

景帝紀

高廟酎奏武德文始五行之舞

鄭司農注春官大胥云漢大

樂律曰卑者之子不得舞宗廟之酎除吏二千石到六百石
及關內侯到五大夫子先取適子高七尺已上年二十到三十
十顏色和順身體脩治者以爲舞人

減耆欲不受獻罪人不帑不誅亡罪不私其利也

案不私其

利也五字當從閩本在不受獻之下耆古嗜字孟子耆秦人
之炙孫奭音義云耆本亦作嗜小顏曰帑讀與孥同攷毛詩
禮記漢書皆作帑尙書孟子作孥俗字也起於呂忱字林見

張參五經文字

遣御史大夫青翟至代下 案翟字衍百官表作陶青

廷尉信謹與丞相議 信廷尉名百官表孝文後元年有廷尉

信

二年十二月有星孛於西南 漢紀作十一月

封故相國蕭何孫係爲列侯 功臣表孝景二年侯嘉以則弟

紹封二千戶本傳與表及漢紀皆同係當作嘉

三年二月壬子晦日有蝕之 五行志作壬午晦漢紀作辛巳

朔

四年十月戊戌晦日有蝕之 五行志漢紀皆不載

七年正月廢皇太子榮爲臨江王 表作十一月己酉

中元年封故御史大夫周苛周昌孫子爲列侯注師古曰封苛之孫及昌之子也 案顏說非是功臣表高景侯周成以父

苛功爲侯孝文時有罪國除孝景中元年侯應以成孫紹封

史記同則應乃苛之曾孫不得謂之孫矣又云汾陰悼侯周

昌再傳至孝文時有罪國除孝景中元年

俗本作中二年誤

侯左車

以昌孫紹封爲安陽侯

昌傳亦以左車爲昌孫

則左車乃昌孫非昌子

也孫子二字當有關誤小顏未之攷耳

二年九月封故楚趙傅相內史前死事者四人子 功臣表皆

云四月丁巳封

三年春正月皇太后崩

予謂此七字衍史記及漢紀俱無此

事

九月立皇子乘爲清河王 表云三月丁酉立

四年起德陽宮 閩本作陽德宮注竝同

五年立皇子舜爲常山王 表云三月丁巳立

六年四月梁王薨 梁王武不書名疑轉寫者脫之

後二年詔曰奸法與盜盜甚無謂也 謂閩本作異

今訾算十以上乃得宦 董仲舒傳云選郎吏又以富訾未必

賢也

贊罔密文峻 罔古網字

漢書辨疑卷一終 南海潘乃成番禺黎永椿林國贊章琮校字

漢書辨疑卷二

嘉定錢大昭撰

武帝紀

封皇太后同母弟田蚡勝 說文蚡地行鼠伯勞所作也一曰
偃鼠重文作蚡

建元二年注本槐里之縣茂鄉 之縣二字南雍本閭本竝倒
轉

廢遷防陵 表傳竝作房陵

五年春罷三銖錢 五行志及漢紀是年正月己巳朔日有蝕
之紀失載

注王王后之母武帝然祖母 王后當作皇后然當作外

六年春二月乙未遼東高廟災 五行志作六月丁酉疑誤

八月有星孛於東方長竟天 此卽蚩尤旗也五行志云長星

出於東方長終天三十日去

遣大行王恢將兵出豫章大司農韓安國出會稽擊之 案大

行當作大行令百官表云典客秦官景帝中六年更名大行

令表中建元五年有大行令王恢大司農當作大農令百官

表云治粟內史景帝後元年更名大農令武帝太初元年更

名大司農表中建元三年北地都尉韓安國爲大農令故太

初以前表所載惠殷鄭當時顏異正夫孔僅劉安國張成等

皆大農令至桑羊以後乃稱大司農然則建元時不當有大

司農無疑也

越人殺郢降 越上當有閩字

元光元年注以三星見 三當作長

夏四月 案五行志及漢紀二月丙辰晦日有食之本紀不載

海外肅眚 古文慎作眚不从目

欲刷恥改行 貨殖傳刷會稽之恥師古曰謂拭除之

元朔元年匈奴入遼西殺太守入漁陽雁門敗都尉 敗閩本

作殺

二年三月乙亥晦日有蝕之 五行志作二月乙巳晦

六年 五行志是年十一月癸丑晦日有蝕之漢紀作癸酉此
不載

元狩元年恍於邪說 恍讀若誑說文誑誘也食貨志云善人

怵而爲姦邪李奇曰怵誘也動心於姦邪也

注應劭曰狃怵也 陳景雲曰狃怵二字當乙應氏本蓋以怵

爲怵也

景雲字少章長洲人有兩漢訂誤四卷

元鼎二年夏大水關東餓死者以千數 據魏相傳是時平原

勃海太山東郡溥被災害

四年立后土祠於汾陰雕上 說文鄴河東臨汾地卽漢之所

祭后土處从邑癸聲鄴正字雕借用字漢舊儀又作葵司馬

貞曰蓋河東呼誰與葵同耳酈道元分鄴丘與雕爲二失之

注此於觀爲衛公 此閩本作封建武十三年封姬常爲衛公

郡國志衛公國本觀

注利長先作土人持勒鞞於水旁 作疑當作使

獲祭於廟

祭南雍本閩本竝作薦

拜況于郊

況古貺字僖十五年左右氏傳女承筐亦無貺也釋

文本亦作況子虛賦來況齊國爾雅釋詁貺賜也

遣伏波將軍路博德出桂陽下湟水 湟水小顏無注當作涯

水音相近而誤水經涯水出桂陽縣盧聚東南過含涯縣南

出涯浦關爲桂水地理志南海郡中宿縣有涯浦關此正伐

南越之道若是湟水則出金城臨羌塞外與此不相涉

歸義越侯嚴爲戈船將軍

嚴漢紀作嚴助非是嚴助未嘗封

侯依張晏說以爲故越人降爲歸義侯則越字當在歸義之

上如下文越馳義侯遣之例矣功臣表亦無此侯

甲爲下瀨將軍

不知其名謂之甲也甲漢紀作祖廣明

六年郎中令一自爲征西羌 一當作徐百官表元狩六年有

郎中令徐自爲

珠崖儋耳郡 賈捐之傳云二郡皆在南方海中洲居廣袤可
千里合十六縣戶二萬三千餘始元五年罷儋耳郡并屬珠
崖初元三年并罷珠崖

元封元年親登嵩高 嵩閩本作崇案嵩字說文新附韋昭注
國語云嵩古通用崇郊祀志作密高

注比古制也 比南雍本閩本皆作此

秋有星孛于東井又孛于三台 五行志作五月

三年作角抵戲 刑法志云戰國稍增講武之禮以爲戲樂用

相夸視而秦更名角抵蓋古有此戲今復作之

五年舳舻千里 說文舳舻也漢律名船方長爲舳舻一曰舟
尾舳舻也一曰船頭

故馬或奔蹏而致千里 李善曰言馬不良或奔或蹏御之以
道而致千里之塗越絕書曰有高世之材者必有負俗之累
也

夫泛駕之馬 應劭曰泛覆也馬有餘氣力乃能敗駕

太初二年臘五日 諸家以臘爲緇臘緇臘者立秋時行之後
漢書劉聖公傳欲以立秋曰緇臘時其却更始是也此臘行
於三月恐非其義說文解字臘楚俗以二月祭飲食也一曰
祈穀食新曰離臘繫傳本無離字其說近之

注卽得所築城 得聞本作徐

注則搜索踰侈者也 閩本無則搜二字

天漢四年 據後漢書西南夷傳是年省沈黎郡并蜀爲西部
太始元年徙郡國吏民豪桀于茂陵雲陵 小顏以爲當言雲
陽其說是也荀紀云陵在雲陽

夏六月 五行志及漢紀是年正月乙巳晦日有蝕之

二年九月募死罪人贖錢五十萬減死一等 顧炎武曰此與

天漢四年一事重見又同是九月案漢紀亦重載蕭望之傳
望之所引止言天漢四年不云太始二年復有詔也

征和二年更節加黃旄 劉屈氂傳云初漢節純赤以太子持
赤節故更爲黃旄加上以別之

立趙敬肅王子偃爲平王 平下脫干字南雍本閩本皆有之

孟康曰平干今廣平

後二年注帝年十七卽位 漢紀云年十六

昭帝紀

孝昭皇帝注荀悅曰諱弗之字曰不 案昭帝初名弗陵武帝

後元二年立皇子弗陵爲皇太子是也後但名弗故諱弗不

諱陵

母曰趙婕妤 說文婕女字也嫗女字也讀若余二字連文知

許氏以婕嫗爲婦官名史記外戚世家尹婕妤好韋昭曰婕承

好助也一曰美好也

始元元年益州廉頭姑繒牂柯談指同竝二十四邑皆反 談

指同竝二縣屬牂柯廉頭姑繒益州郡無此二縣

遣水衡都尉呂破胡募吏民 案西南夷傳百官表竝作呂辟

胡師古音辟爲璧

齊孝王孫劉澤謀反 劉澤書姓以其謀反外之使若異姓然

皆以前捕斬反虜重合侯馬通功 討馬通事在武帝後元元

年

五年軍正王平擊益州 此卽上文故廷尉王平也

元鳳元年龍頤侯韓增 增表作曾頤宣紀作雒竝誤

丞相少史王壽 下文封廷年倉宮壽則其人名壽功臣表作

王山壽補史記作王山

四年帝加元服 惠帝紀云皇帝冠與此書法不同博物記孝

昭皇帝冠辭曰陛下摘顯先帝之光曜以承皇天之嘉祿欽

奉仲春之吉辰普尊大道之郊域秉率百福之休靈始加昭明之元服推遠沖孺之幼志蘊積文武之就德肅勤高祖之清廟六合之內靡不蒙德永永與天無極

孝文廟正殿火太常坐大不敬會赦太常轅陽侯德免爲庶人
注文穎曰轅音料德江德也轅陽在魏郡清淵 案百官表
始元六年轅陽侯江德爲太常四年坐廟夜郎飲失火免與
本紀同水經淇水注云昭帝封太常江德爲榆陽侯攷史記
補表作遼陽侯江德田廣明傳廢嗇夫江德封轅陽侯田延
年傳上封德轅陽侯而功臣表止有轅陽侯江喜又不言其
有罪免官或疑別是一人然江喜不見史傳而江德則確鑿
可據其爲名德無疑變文爲喜者傳寫之誤不言有罪免官

漢書卷一百一
者免官而不免侯也郊祀志有轅陽侯師古曰江仁也元帝
時坐使家丞上印綬隨宗學仙免官江仁卽江德之子也
贊亦有燕盞上官逆亂之謀 盞與蓋同卽長公主

宣帝紀

孝宣皇帝注荀悅曰詢之字曰謀 帝初名病已元康二年改

名詢

每買餅所從買家輒大讎 古售字作讎史記高祖本紀每酤

畱飲酒讎數倍索隱曰樂彥云借讎爲售蓋古字少段借耳

今亦依字讀

就齊宗正府 齊讀爲齋

本始元年車騎將軍光祿勳富平侯安世萬戶注李斐曰居光

祿位以車騎官號尊之無車騎官屬 案李說非也百官表
元鳳元年光祿勳張安世爲右將軍光祿勳六年遷元平元
年右將軍安世爲車騎將軍光祿勳七年遷是安世初爲右
將軍光祿勳故表云光祿勳并右將軍也追改官車騎仍兼
光祿勳車騎本非加銜安得謂之無官屬乎

杜侯屠耆堂 堂字衍功臣表但云屠耆本紀五鳳三年匈奴
虛閼權渠單于死右賢王屠耆堂代立非杜侯也霍光傳亦
誤作屠耆堂說者乃謂功臣表脫堂字誤矣

注成帝侍內郡舉方正 侍南雍本閼本竝作時
賜天下人爵各一級 人當作民

四年廣川王吉有罪廢 坐烹姬不道吉表傳及漢紀皆作去

地節元年有星孛於西方 五行志云去太白二丈所

二年光祿大夫平丘侯王遷有罪下獄死 坐平尚書聽請受

臧六百萬

五日一聽事曰下各奉職奏事 聽事下南雍本閭本竝有自

丞相三字

清河王年有罪廢 坐鳥獸行

元康元年底不允諧 不南雍本閭本竝作尹

骨肉之親粲而不殊 漢紀作放而不誅案昭公元年左氏傳

周公殺管叔而蔡蔡叔注云蔡放也陸氏釋文云上蔡字音

素葛反說文作粲从殺下米此作粲字粲之誤也漢書多古

字故作粲

神爵二年屢獲天福 屢漢書皆作婁此獨不然誤

五鳳元年左馮翊韓延壽有罪棄市 坐誣愬典法大臣欲以

解罪

二年匈奴呼遼累單于帥眾來降 卽義陽侯厲溫敦

平通侯陽暉 陽南雍本作楊閩本作揚

甘露元年二月丁巳大司馬車騎將軍延壽薨 表與漢紀俱

作三月

太上皇廟火 五行志作中山太上皇廟災

二年遣護軍都尉祿將兵擊珠崖 祿漢紀作張祿

行幸萑陽宮注應劭曰宮在鄠秦文王所起 東方朔傳作倍

陽李斐音萑爲倍故字又作倍負倍古通用夏本紀負尾地

理志橫尾山古文以爲倍尾月令云王荳生呂覽作王菩穆
天子傳注云荳今菩字皆其證也說文鄴右扶風鄠鄉讀若
陪鄠鄉卽荳鄉宮在其鄉故以名焉鄴正字荳倍竝段借用
耳

詩云率禮不越 毛詩禮作履古禮與履通蕭望之傳及韓詩
外傳說苑竝引作率禮

三年單于罷歸之長樂衛尉高昌侯忠 之當作遣南雍本閭
本竝不誤

詔諸儒講論五經同異太子太傅蕭望之等平奏其議上親稱
制臨決焉 案是時與議石渠者易家博士沛施雠黃門郎

東萊梁丘臨書家博士千乘歐陽地餘博士濟南林尊譯官

令齊周堪博士扶風張山拊謁者陳畱假倉詩家淮陽中尉
魯韋元成博士山陽張長安沛薛廣德禮家梁戴聖太子舍
人沛聞人通漢公羊家博士嚴彭祖侍郎申輓伊推宋顯許
廣穀梁家議郎汝南尹更始待詔劉向梁周慶丁姓中郎王
亥其可考者凡二十三人議奏之見於藝文志者書四十二
篇禮三十八篇春秋三十九篇論語十八篇五經雜議十八
篇凡一百六十五篇易詩二經獨無議奏班氏失載之耳
迺立梁丘易大小夏侯尚書穀梁春秋博士 漢紀有公羊春
秋左氏傳七字蓋誤也劉歆傳可證

四年廣川王海陽有罪廢 坐殺人

元帝紀

大臣楊惲盍寬饒等 盍南雍本閩本作蓋

奈何純佳德教 住當作任

初元二年嚴籞池田假與貧民 嚴古籞字說文籞雉射所蔽

者也籞禁苑也應劭曰籞在池水上作室可用棲鳥鳥入則

捕之

應說見
文選注

乃二月戊午地震於隴西郡 地震事見詔書故於二月不書

避重出

毀落太上皇廟殿壁木飾 案高帝紀十年八月令諸侯王皆

立太上皇廟于國都隴西郡非諸侯王都何以有此廟所未

解也又攷惠帝紀令郡諸侯王立高廟此所毀落者或是高

廟歟

注師古曰煬音供養之養也 師古南雍本閩本皆作鄭氏說

令從官給事宮司馬中者注應劭曰司馬中者宮內門也 案

漢舊儀皇帝起居儀宮司馬內百官案籍出入營衛周廬晝

夜誰何殿外門署屬衛尉殿內郎署屬光祿勳黃門鉤盾署

屬少府

十二月丁未御史大夫貢禹卒 案是年御史大夫陳萬年先

卒不知何以不書

注雍讀曰 曰下脫壅字

注稼或作臧 臧南雍本閩本竝作桑

永光二年吏六百石以上爵五夫夫勤事吏各二級 爵自五

大夫以上爲官爵故必六百石以上乃賜之其勤事吏之二

級民爵也

四年六月甲戌孝宣園東闕災 五行志作孝宣杜陵園東闕

南方災

注永上有職事者 事南雍本閩本竝作字

家有不妄之意 不安閩本作不自安

五年秋潁川水出流殺人民 五行志是年夏及秋大水潁川

汝南淮陽廬江兩壤鄉聚民舍及水流殺人

注蛾若今之蠶蛾類也 閩本若字上有成羣二字

建昭元年冬河閒王元有罪廢 坐殺人

二年益三河郡太守秩 漢紀云益秩中二千石

竟寧元年注應劭曰虜韓邪單于願保塞邊竟得以安寧故曰

冠元也 案應說是也說文無境字竟卽境也且其詔曰邊垂長無兵革之事意義顯然小顏拘泥詔中長字故以竟爲終極之言果如其說在漢人文義必曰永寧矣

御史大夫延壽卒 延壽不書姓疑脫

注帝年二十七卽位 漢紀元帝卽位年二十六據本紀云年一二歲宣帝卽位則荀紀是

贊元帝多材藝善史書注應劭曰周宣王太史史籀所作大篆三史拾遺曰應說非也漢律太史試學童能諷書九千以上乃得爲史貢禹傳武帝時盜賊起郡國擇便巧史書者以爲右職俗皆曰何以禮義爲史書而仕宦蓋史書者令史所習之書猶言隸書也善史書者謂能識字作隸書耳豈皆盡

通史籀十五篇乎外戚傳許皇后聰慧善史書西域傳楚主侍者馮嫪能史書王尊傳少善史書後漢書安帝紀年十歲好學史書皇后紀鄧皇后六歲能史書梁皇后少好史書章八王傳安帝所生母左姬善史書齊武王傳北海敬王睦善史書當世以爲楷則明八王傳樂成靖王黨善史學喜正文字諸書所稱善史書者無過諸王后妃嬪御之流略知隸楷已足成名非真精通篆籀也魏史管寧傳潁川胡昭善史書與鍾繇邯鄲淳衛顗韋誕竝有尺牘之迹動見楷則史書之卽隸書明矣

有古之風烈 閩本風烈下有也字

成帝紀

六月己未太子卽皇帝 己未誤荀紀作乙未

建始元年皇曾祖悼考廟災 五行志作皇考廟災

有星孛于營室 五行志青白色長六七丈廣尺餘

二年三輔長無共張繇役之勞

張晏曰張帷帳也

文選東都賦注引

小顏以爲供具張設故不取其說

三年秋關內大水 五行志是年夏大水三輔霖雨三十餘日

郡國十九雨山谷水出凡殺四千餘人

七月虎上小女陳持弓 五行志作十月丁未

十二月戊申朔日有蝕之 谷永傳云日食嫫女之分

四年罷中書宦官注臣瓚曰漢初中人有中謁者令孝武加中

謁者令爲中書謁者令置僕射 案瓚說非也百官公卿表

少府有中書謁者黃門鉤盾尚方御府永巷內者宦者七官
令丞諸僕射署長中黃門皆屬焉又曰成帝建始四年更名
中書謁者令爲中謁者令然則漢初但有中書謁者令成帝
罷中書之名改爲中謁者令耳豈得謂武帝所加乎僕射亦
非孝武始置

初置尚書員五人

漢官儀云尚書四員武帝置成帝加一爲

五有侍曹尚書戶曹尚書主客尚書二千石尚書成帝加三

公尚書主斷獄事

見後漢書
光武紀注

中謁者丞陳臨 百官表有中書謁者令丞是時令已改爲中
謁者則丞亦改矣故有中謁者丞

注言令陳農爲使而吏反下使使之求遺書也上使音所讀如

本字 吏反下使四字當在音所二字之下

河平四年遣光祿大夫博士嘉等十一人 嘉漢紀作孟嘉

行舉潁河之郡 潁與穎同俗作濱

困乏不能自存者財振貸 古財與裁通泰卦象曰后以財成

天地之道荀爽本財作裁荀子非十二子篇一天下財萬物

楊倞注云財與裁同史記封禪書民里各自財以祠漢書作

自裁

陽朔二年黎民於蕃時雍 蕃當音薄河切蕃變聲相近

三年潁川鐵官徒申屠聖等 案潁川陽城有鐵官

四年先帝劭農 爾雅釋詁劭勉也說文亦云劭勉也讀若舜

樂韶

服田力耆 耆古穡字詩伐檀云不稼不穡石經魯詩殘碑作
耆書無逸云先知稼穡之艱難蔡邕石經作耆商書舍我穡
事史記作耆

鴻嘉元年以新豐戲鄉爲昌陵縣奉初陵 郡國志新豐有戲

亭三輔舊事云成帝作延陵及起廟竇將軍有青竹田在廟

南恐犯蹈之言作陵不便乃徙作昌陵取土十餘里土與粟

同價

御覽三十七

永始元年詔曰作治五年客土疏惡正謂此也

二年博士行飲酒禮

漢紀作行鄉飲酒禮

三年孝景廟闕災

五行志作北闕

廣漢男子鄭躬 男子五行志作鉗子師古曰鉗徒也

永始元年戾后園闕火 五行志作南闕

其罷昌陵及故陵 陳景雲曰及當作反先是劉向諫昌陵事
有宜還復故陵之請而次年詔言侍中衛尉長數白宜早止
徙家反故處故處卽故陵也反故陵謂仍還渭城延陵

三年殺陳畱太守 太守嚴普也見天文志

四年霸陵園闕災 五行志作孝文霸陵園東闕南方災

元延元年昭儀趙氏害後宮皇子 書之爲後宮專寵者戒

綏和元年封中山王舅諫大夫馮參爲宜卿侯 卿當作鄉

贊升車正立不內顧不疾言不親指注師古曰不內顧者謂儼

然端嚴不迴眄也此三句者本論語鄉黨篇今論語云車中

不內顧不疾言不親指內顧者說者以爲前視不過衡軔旁

視不過轡較與此不同 如小顏說則古本論語是車中內

顧也前視不過衡軛旁視不過轎較非漢儒不能有此精確
詰訓唐本尙不誤注中今論語不內顧衍不字贊中不字疑
亦是後人所加師古不能舉正之耳

哀帝紀

追尊傅父爲崇祖侯丁父爲褒德侯 追尊之侯表例不載
曲陽侯王根成都侯王況皆有罪 坐山陵未成置酒歌舞
建平二年時詔夏賀良等建言改元易號 時當作待

三年帝太后所居桂宮正殿火 正殿五行志作鴻盛殿
平帝紀

少府董恭等皆免官爵 案公卿表建平四年光祿大夫董恭

爲少府元壽元年遷衛尉二月爲光祿大夫此仍云少府者

蓋是時官職遷徙無常恭是董賢之父當哀帝時不應致仕
或以光祿大夫仍爲少府也

性者有司多舉奏赦前事 性當作往

元始元年追諡孔子曰褒成宣尼公 宣尼之號始見於此晉

劉琨詩宣尼悲獲麟

二年賜故曲周侯酈商等後元孫酈明友等爵關內侯 案功
臣表明友是商元孫之孫此誤

罷安定呼池苑以爲安民縣注師古曰中山之安定也池音大
河反 案顏說非也中山無安定縣若以爲近於虜池河亦
當在河間國之樂成弓高閒矣

三年鄉曰庠聚曰序 韋昭曰小於鄉曰聚

見文選東都賦注

此顏注

所本

注以陸高祖元孫之親 陸閩本作睦

注故爲之傳 爲當作謂

注因到獵日 獵當作臘

五年 五行志是年七月己亥高皇帝原廟殿門災盡本紀不

書

葬康陵 孝平爲莽所鴆不書弑者春秋諱內大惡之意惟於

葬不書日以示變例

注媵之言送 送下南雍本閩本有也字此誤刻于又音孕之

下

漢書辨疑卷二終 南海潘乃成番禺黎永椿林國贊章琮校字

漢書辨疑卷三

嘉定錢大昭撰

異姓諸侯王表

殷周之王乃繇禹稷 說文僕高辛氏之子堯司徒殷之先从
人契聲又曰禹蟲也从公象形讀與僕同繇古文禹是禹卽
契也

呂德若彼用力如此其艱難也 尋顏注則艱當作囍說文艱
土難治也籀文艱从喜

漢元年 是年歲在乙未十月受秦王子嬰降

一月注應劭曰十八王同時稱一月 此一月據本紀是乙未
歲之第五月漢都南鄭獨不載所以別於十八王

五年王韓信始都下邳

五年芮徙長沙 本紀王長沙豫章象郡桂林南海等郡

子尉嗣爲王 尉史記作謹

王趙歇始下云二十七 歇以二世二年正月立爲趙王至項

羽改封歇爲代王凡二十七月也膠東之二十遼東之三十

一 漢書作三十 魏之二十二竝放此 誤今從史記

王田市始故齊將 項羽傳徙齊王田市爲膠東王此當云故

齊王

綰反降匈奴 本紀在十二年表在十一年誤

漢元年十月王韓信始漢立之 項羽誅韓王成後羽以故吳

令鄭昌爲韓王距漢至是時鄭昌降漢漢乃立韓太尉爲韓

王言漢立之者別於楚所立

信徙太原 本紀六年以太原郡三十一縣爲韓國徙韓王信都晉陽

王彭越始 都定陶

王鄭昌始項王立之 誤下一格

初置魯國 當在高后元年下今在七年下誤也初置淮陽國復置常山國初置呂國其誤同

高后六年嘉坐驕廢王呂產始 誤下一格

高后二年共王若嗣 若傳作右非

孝文二年靖王產嗣 產傳作差史記作著皆形相似而訛

諸侯王表

有逃責之臺注劉德曰洛陽南宮謠臺是也 說文謠離別也

周景王作洛陽謠臺

姍笑三代 說文姍誹也

武帝施主父之冊 冊與策同

漢諸侯王厥角韻首 說文瞞下省也瞞古稽字

楚元王交 傳云王薛郡東海彭城三十六縣本紀云以碭郡

薛郡郯郡三十六縣立弟文信君交爲楚王史記世家云王

淮西三十六城惟吳王傳則云元王王楚四十城其數與諸

篇不合傳云東海紀作郯郡郯郡卽東海也碭卽梁國高帝

五年旣以梁封彭越元王何由得之本紀誤

文王禮三年薨 傳作四年

襄王注嗣 注史記世家作經

十二年薨 傳及世家作十四年

代王喜 喜傳作仲漢紀云次兄曰喜字仲本紀以雲中雁門

代郡五十三縣立兄宜信侯喜爲代王表不云以宜信侯立
猶楚元王之不言文信君也

七年爲匈奴所攻棄國 史記作九年誤

吳王濞 傳云王三郡五十三城當是吳會稽鄣三郡

伍被傳云王四

郡之眾

齊悼惠王肥 本紀云王膠東膠西臨菑濟北博陽城陽七十

三縣吳王傳云孽子悼惠王王齊七十二城漢紀云王七十
縣攷曹參傳定齊郡凡得七十縣又云參之相齊齊七十城

漢紀是 孝惠二年獻城陽郡爲魯元公主湯沐邑高后元年割濟南郡予呂王七年割琅邪郡立劉澤爲琅邪王文帝元年復以城陽琅邪濟南予齊

正月壬子立 高五王傳但云正月立史記作正月甲子證以本紀則壬子是甲子非也

孝文十六年孝王將閼以悼惠王子楊虛侯紹封 案高五王傳齊濟北菑川膠東膠西濟南六王同日俱立此表於五王之封皆云四月丙寅而齊孝王獨闕蓋紹封之王例不書月日也六王之封文帝紀皆作五月

城陽惠王武十二年薨 閼本及傳作十一年

荒王順 順史記作賀

王儼以雲弟紹封 傳作雲兄

菑川考王尙六年薨 傳作五年

懷王友 閩本及傳作交此友字誤

濟南王辟光以悼王子勃侯立 悼下脫惠字師古曰勃音力

案服虔音勃劫平原縣

膠西王卬 景帝時有罪削六縣見吳王傳

膠東王熊渠 高五王傳作雄渠

荆王賈 王東陽郡鄣郡吳郡五十三縣見本紀世家云王淮東

五十二城

高帝從父弟 傳作從父兄

淮南厲王長十一年十月庚午立 史記作十二月

淮南王安衡山王賜濟北王勃表皆云四月丙寅封 本紀作

五月

濟北成王胡 成傳作式史記作武

王寬謀反自殺 案本傳寬坐與父式王后光姬孝兒姦諄人
倫自殺非謀反也

趙隱王如意九年四月立 案本紀七年十二月辛卯立爲代
王九年正月徙趙紀云正月表云四月蓋本紀猶用秦正作
表者追改之也表傳俱不言其自代徙封失之略矣

代王高后八年爲皇帝 漢書之例凡皇帝初封之國表中皆
不書名尊君之意也如膠東王陽武侯皆是

趙王遂孝文元年以幽王子紹封 元年十二月封

燕靈王建十二年二月甲午立 史記作三月誤

梁懷王揖 賈誼傳作小子勝史記亦作勝

十年薨亡後 本紀十一年六月薨表數其在位之年紀載其
薨之年故不同

孝王薨孝景後元年恭王買嗣 案景帝紀中六年夏四月梁
王薨分梁爲五國立孝王子五人皆爲王文三王傳同則恭
王嗣立當亦在中六年五月丙戌若作後元年則止有濟川
濟東山陽濟陰四國不得爲五人且不應先封所分之四王
而恭王之嗣反在第二年也傳寫之誤顯然

貞王毋傷 傳作頃王

濟川王明以孝王子桓邑侯立 桓邑傳作垣邑其陳畱之長

垣歟

坐殺中傅廢遷房陵 案文三王傳坐殺其中尉史記同武帝紀坐殺太傅中傅應劭曰中傅宦者也攷百官表諸侯但有太傅輔王中尉掌武職別無中傅之職應仲遠以爲宦者亦以意揣之爾傳作中尉是

濟陰哀王不識七年薨 七年當作一年

代孝王參七年薨 傳作十七年表脫十字

河間共王不周 傳及史記竝作不害周字誤

剛王基 基傳及史記作堪

頃王綏 綏傳及史記作授

孝王慶四十七年薨 傳作四十三年是

惠王良 綏和二年益封萬戶

魯共王餘二十八年薨 紀作元朔元年史記作元光六年

頃王封 封傳作勁

江都易王非高帝子 高當作景

廣世王宮 紀作廣川傳作廣陵案水經注陰溝水下渦水又

東逕廣鄉城北圜稱曰襄邑有蚘丘亭故廣鄉矣改曰廣世

趙哀王高以頃王子紹封 案哀王高當與懷王尊同行此誤

下一格

長沙戴王庸 史記作康王

中山懷王脩 脩傳作循

廣平王漢 傳云哀王復立雲客弟廣漢爲廣平王是其人名

同封賢之封在三年此亦宜然本紀作三年是

夷王祿十四年薨 四字衍傳作十年

繆王定二十三年薨 傳作二十二年是

眞定孝王由 由閩本作申

共王普 共後漢書郭后紀作恭

泗水思王商十五年薨 五字衍傳及史記竝作十年

勤王綜 綜當從紀傳作煖

廣陽王嘉王莽篡位貶爲公 案武五子傳王莽時皆廢漢藩

王爲家人獨嘉以獻符命封扶美侯賜姓王氏

廣陵共王意十三年薨 十字衍傳作三年

哀王護 閩本作護人

昌邑哀王躋天漢四年六月乙丑立 本紀作四月

元始元年王賀嗣 元始當作始元

隨父兄八人 兄當作凡

東平思王宇甘露二年十月乙亥立 本紀作九月

王匡 是東平王開明之兄誤下一格

中山王成都 此當在中山孝王興之下班氏所以附於東平

思王下者天子至尊不可與藩王竝列也定陶王景附于楚

孝王下亦此意

獻書言莽德封列侯 烈當作列

楚孝王躋十月乙亥立爲定陶王 本紀作正月

懷王芳 芳傳作文

思王衍以孝王子紹封 故平陸侯

十一年薨 傳作二十一年是

王紆王莽篡位貶爲公子 子字衍

定陶共王康王欣嗣綏和元年爲皇太子 案宣元六王傳成

帝無子徵欣爲皇太子上以太子奉大宗後不得顧私親乃

立楚思王子景爲定陶王奉共王後此表已于楚孝王下載

之故不重出猶中山王箕子爲成帝後更立東平思王孫桃

鄉頃侯子成都爲中山王奉孝王後已載在東平思王下故

中山下不再見非闕文也

漢書辨疑卷三終 南海潘乃成番禺黎永椿林國璽章琮校字

漢書辨疑卷四

嘉定錢大昭撰

王子侯表上

或替差失軌 替師古以爲古僭字則字當作替

羹頡侯信 漢紀作刮羹侯括地志羹頡山在嬀州懷戎縣東南十五里

合陽侯喜 喜史記作仲合陽惠帝紀作郃陽誤高紀及吳王濞傳與此俱作合陽下雖不注郡名當是平原縣

八年九月丙午封 本紀七年十二月赦喜爲合陽侯

沛侯濞十一年十二月癸巳封 史記作二月癸巳封沛沛郡縣

德哀侯廣下注泰山 廣代頃王子湣之弟也德功臣表屬濟南此注泰山疑是平原安德縣

以兄子侯 依例當于第二格書帝兄子

百二十 此位次也功臣表中軌侯黎朱蒼亦是百二十汲古閣本作百一十誤閩本作百二十表中凡言功比某侯者皆以後比前黎朱蒼百二十劉它百二十一故劉它功比軌侯表缺一百二十七廣之位次也上邳侯郢客一百二十八朱虛侯章一百二十九廣同是宗室位次必聯屬矣

頃侯通 孝景三年爲宗正

康侯齕二十四年薨 閩本作二十八年亦誤自孝景六年至元鼎四年當云三十八年

上邳侯郢客 說文邳奚仲之後湯左相仲虺所封國在魯薛縣與地理志同是上邳卽薛縣東海有下邳故此云上邳客高后二年爲宗正

朱虛侯章 朱虛琅邪縣表不言初封戶數攷文帝紀元年以首先捕斬呂產益封二千戶

東牟侯興居 東牟東萊縣

管共侯罷軍 管地理志水經注竝作管濟南縣也共史記作

恭

四年五月甲寅封 本紀作九月

侯戎奴孝景二年反誅 二當爲三

氏丘共侯甯國 氏丘史記作瓜丘俱誤應是斥丘魏郡縣甯

史記作寧說文甯所願也从用寧省聲寧願詞也从万寧聲甯與寧同故甯陵夷侯呂臣史記作寧陵今借爲安寧之寧俗作甯誤从冉

營平侯信都 族子玷曰功臣表有營平侯疑此亦以營平爲地名然史記只作營水經注澗水出營城東西北流逕營城北文帝封劉信都爲侯國是引證明確矣

楊丘共侯安 地理志作楊丘濟南縣

楊虛侯將閭 平原縣地理志作樓虛非是史記作恭侯將廬

衍恭字

枋侯辟光 枋平原縣史記世家作勒

十二年爲齊南王 齊當作濟

安都侯志 正義曰安都故城在瀛州高陽縣西南三十九里
平昌侯印 平原縣世家作昌平誤地理志琅邪亦有平昌郡
國志屬北海非印所封地

武成侯賢 郡國志泰山郡南城劉昭注左傳襄十九年城武
城杜預曰泰山南武城縣是矣南城漢書屬東海其字作成
白石侯雄渠 正義曰白石故城在德州安德縣北二十里司
馬貞以爲金城縣誤矣

阜陵侯安 九江縣

安陽侯勃 汝南有安陽縣司馬貞以爲馮翊疑誤

陽周侯賜 上郡縣括地志寧州羅川縣在州東南七十里漢
陽周縣

東城哀侯良 九江縣良當作良

平陸侯禮 孝景元年禮爲宗正地理志東平陸屬東平國封
國例有戶數王子侯表上卷惟載山原五百五十戶安郭五
百二十戶下卷惟載富陽八百戶新利四百戶成鄉九百戶
成陵四百一十戶祚陽九百一十戶陽興千三百五十戶合
陽千一百六十戶承鄉二千七百戶藉陽六百戶膠鄉七百
四十戶庸九百一十戶式三百戶釐鄉四百七十二戶故史
記所載之平陸侯禮三千二百六十七戶休侯富千七百五
十戶沈猶侯歲千三百八十戶棘樂侯調千二百一十三戶
皆未之及非無籍可攷卽轉寫漏落也

休侯富更封紅侯 紅沛郡縣地理志作埵郡國志作紅春秋

昭八年蒐於紅杜預曰沛國蕭縣西有紅亭休紅二地故云更封劉歆封紅休侯蓋兼有之

諡曰懿 史記作莊侯表例諡當在封地下

紅懷侯澄 史記作悼侯澄

敬侯嘉 嘉史記作發

沈猷夷侯歲 歲史記作穢猷傳作猶同司馬貞曰漢表在高

宛高宛千乘縣也楚元王傳注晉灼曰表屬千乘今表脫注

高宛孟子書有沈猶氏蓋以地爲氏者

宛胸侯執 濟陰縣兩漢志作冤句盧綰傳作宛句水經注作

冤胸字異地同執景帝紀作執

棘樂敬侯調 左傳昭四年吳伐楚入棘杜預曰譙國鄆縣東

北有棘亭

乘氏侯買 濟陰縣

安城思侯蒼 長沙縣地理志作安成古字通下注豫章當在

宜春侯成下誤移于此

句容哀侯黨 丹陽縣下注會稽誤

容陵侯福 長沙縣史記作句陵誤

杏山侯成 族子坵曰後漢書岑彭傳許邯起杏注南陽復陽

縣有杏聚郡國志同太平寰宇記光州仙居縣有杏山仙居

于漢爲軌縣屬江夏郡

浮丘節侯不害 史記作不審疑誤

廣戚節侯將 沛郡縣將史記作擇

丹陽哀侯敢

丹陽縣下注無湖無與蕪同亦丹陽縣名

盱台侯蒙之

臨淮縣地理志作盱眙同蒙之史記作象之

胡孰頃侯胥行

丹陽縣史記作湖孰同胥行史記無行字

秣陵終侯纏

丹陽縣史記作秩陽纏史記作漣

淮陵侯定國

史記作睢陵淮陵睢陵竝臨淮縣傳作淮陽非

也水經注睢水又東逕睢陵縣故城北武帝封江都易王子

劉楚爲侯國名雖不同當以睢陵爲正

張梁哀侯仁梁共王子龍丘侯代菑川懿王子

史記皆作江

都易王子

劇原侯錯

甯川縣

九月乙巳封

史記作五月

懷昌夷侯高遂

史記作壤夷侯遂

胡侯延年

史記無年字

平望夷侯賞

北海縣李賢曰今青州北海縣西北平望臺是

也一名望海臺

葛魁侯戚坐縛家吏恐獨受賕棄市

史記坐殺人

益都敬侯胡

北海有益縣水經注巨洋水又東北逕益縣故

城東又東北積而爲潭枝津出焉西北流逕故益都城武帝

封劉胡爲侯國是益都與益縣不遠

平酌戴侯強

北海縣史記作平酌誤

劇魁夷侯黑

北海縣史記黑作墨

五年乙巳封

年當作月

思侯招 史記名昭

孝侯利親 與平的釐侯同名且同是菑川懿王之後疑有譌字

壽梁侯守下注壽樂 或說壽梁卽壽良也東郡縣名壽樂亦卽壽良之異稱

平度康侯行 東萊縣行史記作衍

宜成康侯偃 濟南縣下注平原疑誤

臨朐夷侯奴下注東海 地理志臨朐縣兩見一屬東萊一屬

齊郡此云東海當是東萊之譌也屬東海者是朐縣非臨朐

雷侯稀城陽共王弟下注東海 案地理志昌慮屬東海慮屬

城陽此國分自城陽則雷當作慮若從東海之說當爲昌慮

矣弟史記作子

東莞侯吉 琅邪縣

辟土節侯壯 辟土史記作辟水經注葛陂水出三柱山西南
流逕辟土城南世謂之辟陽城武帝封劉壯爲侯國

侯明 史記明作朋

尉文節侯丙 史記趙世家以尉文封相國廉頗爲信平君正
義曰尉文蔚州地

封斯戴侯胡傷 常山縣史記作共侯胡陽

榆丘侯受福 史記受作壽

邯鄲侯仁 魏郡縣

東城侯遺爲孺子所殺 史記遺有罪國除

廣望節侯忠 涿郡縣史記作望廣誤忠史記作安中案節侯之子名中則其父必不名安中亦誤

將梁侯朝平

水經注博水又北逕清涼城東卽將梁也應與

中山之望都相近

薪館侯未央

史記作新館

陸城侯貞

中山縣地理志作陸成古字通史記作陘城誤蜀

志先主諱備漢景帝子中山靖王勝後也勝子貞元狩六年封涿縣陸城亭侯坐酎金失侯案亭侯之制至建武時始有蜀志衍亭字遂與此不合以陸城爲涿縣亦誤

薪處侯嘉

中山縣史記及地理志作新處

蒲領侯嘉下注東海

勃海縣東海當作勃海

棗強侯晏

清河縣

畢梁侯嬰

閩本作卑梁

高密頃王子都亦封卑梁

荀光侯殷

史記作房光形相似而譌

距陽憲侯句侯淩嗣

史記句作白淩作渡

婁節侯退

後漢書馮異傳有無婁亭注云在今饒陽縣東北

卽其地矣退史記作邈

阿武戴侯豫

涿郡縣

參戶節侯免

勃海縣免史記作勉

州鄉節侯禁

涿郡縣

平城侯禮

當依史記作成平勃海縣也索隱曰漢表在南皮

今脫

廣侯順 齊郡縣

陰安康侯不害 魏郡縣史記作陪安疑誤

哀侯秦容 閩本作秦客猶言郢客

榮關侯騫下注荏平 荏平東郡縣續漢志屬北國

周望康侯何 史記作周堅

陪繆侯則 則史記作明

前侯信 史記作叢索隱曰漢表作鼓

安陽侯樂 安平原縣陽當爲煬史記樂作桀

五據侯臞 史記作臞以下五侯表云濟北式王子史記

俱作濟北貞王子 表無濟北貞王但有成王胡成與式相似

富侯龍 泰山有富陽縣

平侯遂 或以爲河南縣濟北封地不能遠至河南

羽康侯成 平原縣

胡母侯楚 族子姑曰風俗通胡母姓本陳胡公之後公子完奔齊遂有齊國齊宣王母弟別封母鄉遠本胡公近取母邑故曰胡母氏據此則爲齊地何疑

離石侯綰 西河縣

邵侯順 索隱曰漢表在山陽今脫然代共王子所封屬於西河者多唯臨河屬朔方以邵爲山陽猶以皋琅爲臨淮以千章爲平原與代地毫不相關也順史記作慎

藺侯罷車 西河縣

臨河侯賢 朔方縣

濕成侯忠 西河縣

土軍侯郢客 西河縣

皋琅侯遷 西河縣

千章侯遇 西河縣

博陽頃侯就 田儋傳田橫走博史記作博陽卽此

寧陽節侯恬 太山縣索隱曰漢表在濟南今脫夏侯勝傳初

魯共王分魯西寧鄉以封子節侯別屬大河此寧陽卽西寧

鄉

瑕丘節侯政 山陽縣

公丘夷侯順 沛郡縣

陸地侯義下注辛處 史城作陘城誤辛處卽新處中山縣

武始侯昌

魏郡縣

烏氏節侯賀

鉅鹿縣

易安侯平下注部

易涿郡縣部常山縣

路陵侯童

史記作洛陵疑昭陵之誤昭陵長沙縣

攸輿侯則

攸長沙縣輿字未詳水經注攸水逕攸縣北縣北

帶攸溪蓋卽溪以名縣也武帝封長沙定王子劉則爲侯國

荼陵節侯訢

長沙縣

建成侯拾

豫章縣索隱曰漢表在豫章今脫

安眾侯欬

南陽縣故宛西鄉說文無欬字疑當作款音苦管

反

葉平侯喜

南陽縣史記喜作嘉嘉與喜字近易訛下高平侯

喜功臣表涉都侯喜史記亦竝作嘉

利鄉侯嬰

東海縣水經注游水北逕東海利成縣故城東故

利鄉也

東平侯慶

卽元鼎元年爲大河郡者甘露二年爲王國

運平侯記

左氏傳成十六年公還待於鄆京相璠曰公羊作

運字今東郡廩丘縣東八十里有故運城卽此城也

山州侯齒坐酎金免

案齒于元鼎六年擊閭越坐畏懦誅

海常侯福坐酎金免

案功臣表繚嬰侯劉福以校尉從橫海

將軍擊南越元封元年正月乙卯封二年有罪免蓋初以王

子封後以有功封

騶丘敬侯寬

史記騶作鈞寬作憲

原侯報德

史記作執德

南城節侯貞

東海縣

廣陵虎侯裘

廣陵縣徐廣曰一作廣陽非也史記作常侯表

杜原侯皋

史記作莊原

臨樂敦侯光

勃海縣

高平侯喜

史記喜作嘉嘉是中山靖王子也元鳳五年又封

中山康王子喜爲成侯嘉爲喜之父行不應同名當從史記

廣川侯頗

信都縣

重侯擔下注平原

勃海縣史記作千鍾侯搖水經注作千童

侯陰陰與搖聲相近擔與搖形相似酈元說是也平原有重

丘非擔所封地

被陽敬侯燕 千乘縣史記作披陽李賢曰被陽故城在今淄州高苑縣西南

定敷侯越 勃海縣史記敷作敬下柳康侯子亦諡敷

定侯乘王莽篡位絕 三史拾遺曰按侯乘絕于王莽之世不得有諡且定爲國名豈當更以定爲諡乎定侯之定其爲衍文無疑

稻夷侯定 琅邪縣

山原侯國 山地名原諡也說文邑部邶地名从邑山聲疑卽此矣

繁安夷侯忠 千乘縣

柳康侯陽已 勃海縣陽已史記及水經注只作陽

雲夷侯信 琅邪縣水經注云富平縣西有東方朔冢冢側有祠祠側有雲城武帝封劉信爲侯國

牟平共侯渫齊孝王子 東萊縣史記渫作緹後漢書劉寵傳吳志劉繇傳竝云孝王少子

柴原侯代 泰山縣

柏暢戴侯終古 史記作柏陽

敞安侯延年 常山縣史記敞作鄣

乘丘節侯將夜 乘丘史記作桑丘中山王子封地不能遠至

泰山郡之乘丘史記趙世家趙肅侯二十三年與齊魏戰於

桑丘括地志桑丘故城在易州遂城縣界索隱曰漢表在深

澤今脫深澤中山縣

柳宿夷侯蓋 索隱曰漢表在涿郡今脫外戚傳嘗之柳宿蘇

林曰聚邑名也在中山盧奴東北三十里

樊輿節侯脩 涿郡縣脩史記及水經注竝作條案脩與條古

字通周勃傳迺封爲條侯地理志作脩應劭曰音條

曲成侯萬歲下云涿 此非東萊之曲成也

安郭于侯傳富 水經注漉水東南逕安郭亭東

安險侯應 中山縣

安道侯恢 史記作安遙

夫夷敬侯義 零陵縣

舂陵節侯買 南陽縣後漢書宗室四王傳云節侯買封于零

道之舂陵鄉至考侯仁以舂陵地執下涇山林毒氣上書求

減邑內徙元帝初元四年徙封南陽之白水鄉猶以舂陵爲國名

戴侯熊渠 後漢書同惟景十三王傳只作庸

孝侯仁 後漢書城陽共王祉傳文選南都賦注引東觀記竝作考侯

都梁敬侯定 零陵縣史記定作遂

洮陽靖侯狩燕 零陵縣史記狩燕作狗彘索隱曰漢表名將

燕狩字誤

眾陵節侯賢 零陵縣史記作泉陵是

終弋侯廣置衡山賜王子 史記作衡山王賜子陳景雲曰衡

山賜王疑是衡山王賜之誤但賜坐謀反國除事在元狩元

年若有子爲列侯雖不與逆謀亦應奪爵不應至元鼎中始以酎金免矣則衡山賜三字恐皆有誤

昌侯差 琅邪縣

黃侯方 索隱曰漢表在琅邪今脫

厚葭康侯澤 琅邪縣地理志作雩段

原洛侯敬 史記作石洛侯敬

挾術侯昆景 史記作扶滯侯昆吾李廣芸曰昆吾雙聲得以

命名作昆景誤談泰曰昆景雙聲昆吾非雙聲漢書較長

釐侯霸 挾史記作校

枊節侯讓 平原縣

文成侯光 史記作父成下注東海非潁川之父成矣

庸侯餘 史記餘作譚

鮑侯應下注襄賁 襄賁東海縣

彭侯強 史記強作偃族子坵曰彭卽朐郡國志泰山費縣有
朐亭者是費前屬東海後改屬泰山說文朐亦作縈案本表
劉屈釐封彭侯彭卽縈字之誤然則彭卽縈也功臣表彭簡
侯秦同其元孫壽王爲費公士正在其處

瓠節侯息 北海縣

虛水康侯禹 琅邪縣

東淮侯類下注北海 索隱曰漢表在東海北當作東

拘侯賢 史記作枸侯買

涓侯不疑 史記作涓侯

陸元侯何元鼎元年七月辛卯封下注壽光 史記作元狩元
年四月封壽光北海縣

廣饒康侯國七年辛卯封 齊郡縣年當作月以下三侯表皆
云七月封史記皆作十月表中世次宣帝以後略而不書案
王莽傳有廣饒侯劉京奏符命

鉗敬侯成 琅邪縣

俞閭煬侯毋害 史記作不害

甘井侯光 史記光作元

襄隄侯聖始元二年聖子倫以曾祖廣川惠王曾孫爲廣德王
襄隄史記作襄陵始元當作元始曾祖二字疑衍

皋虞煬侯建 琅邪縣

頌侯顯 頌非謚疑頌之謬

魏其煬侯昌 琅邪縣

祝茲侯延年 史記無年字水經注膠水逕祝茲縣故城東

高樂康侯 勃海縣

參議侯則 郡國志濟陰定陶有三謚亭

南鄉侯佗 鉅鹿縣

鄯侯卬 常山縣南雍本閩本於第一格有師古曰鄯音呼各

反八字今脫

爰威侯當 山陽縣

栗節侯樂 沛郡縣

浹夷侯周舍 沛郡縣

獠節侯起 濟南縣


擲裴戴侯道 魏郡縣說文解字亦作擲裴地理志作卽裴鄭


德音卽非


澎侯屈釐 屈釐傳及百官表竝作屈釐古字通功臣表歷侯


程釐史記釐作釐傳云以澎戶二千二百封表脫戶數

漢書辨疑卷四終 南海潘乃成番禺黎永椿林國贊章琮校字









漢書辨疑卷五

嘉定錢大昭撰

王子侯表下

松茲戴侯霸 廬江縣

頃侯縵 縵不成字閩本作縵

蘭旗頃侯臨朝 東海縣地理志作蘭祺

容丘戴侯方山 東海縣

良成頃侯文德 東海縣

蒲領煬侯祿 勃海縣

南曲煬侯遷 廣平縣

高城節侯梁 南郡縣

成獻侯喜 涿郡縣

新市康侯吉下注堂陽 鉅鹿縣堂陽亦屬鉅鹿益分置

朝陽荒侯聖 濟南縣武五子傳云宣帝卽位封胥四子聖曾
寶昌皆爲列侯表獨缺寶

平曲節侯曾 東海縣

南利侯昌 水經注汝水別溝又東逕西門城卽南利也縣北
三十里有孰城曰北利傳云後胥子南利侯寶坐殺人奪爵
此云南利侯昌未知孰是

安定侯賢 鉅鹿縣

東襄侯使親 使當作便便親猶利親也表中參戶侯平的侯
劇魁侯皆名利親

脩市原侯寅 勃海縣

東昌趨侯成 信都縣說文趨疾也故晉灼音躁疾

新鄉侯豹四月乙丑封 清河縣地理志作信鄉新信古字通

王莽傳新鄉侯佟卽信鄉後漢書新陽侯陰就亦作信陽乙

丑當作己丑下脩故侯下乙丑亦誤

東陽節侯弘 清河縣

新昌節侯慶 涿郡縣

釐侯嫺 說文嫺姆也姆弱長兒

邯鄲節侯偃 魏郡縣地理志作邯滿

樂陽繆侯說 常山縣

桑中戴侯廣漢 常山縣

張侯嵩 廣平縣

景成原侯雍 勃海縣

平隄嚴侯招 信都縣

樂鄉憲侯佟 信都縣

高郭節侯噬 涿郡縣

樂望孝侯光 北海縣

成康侯饒 族子站曰地理志有饒縣侯國此與樂望柳泉同

曰封亦同屬北海疑是也或應云饒康侯成歟

柳泉節侯強 北海縣下注南陽涉下而誤

復陽嚴侯延年 南陽縣志云故湖陽樂鄉

注復音力目反 力南雍本閩本竝作方

鍾武節侯度 江夏縣後漢書劉聖公傳云前鍾武侯劉望起

兵略汝南遂自立爲天子未知度幾世孫表未載

高城節侯梁 此侯孝昭始元六年六月乙未封已見前矣且

號諡名及子孫曾皆同惟始封年月不同其爲重出無疑然
始元所封長沙頃王子唯有一侯而元康元年則與復陽鍾
武同日封似宜去彼存此

海昏侯賀四月壬子封 豫章縣

侯會邑建武後封 傳云今見爲疑脫今見

曲梁安侯敬 廣平縣

遼鄉侯宣 族子坵曰後漢書杜茂傳茂封脩侯坐事削戶邑
定封遼鄉侯攻茂歷封樂鄉苦陘廣武脩等地竝近常山然

則遠鄉卽遠鄉歟

樂信頃侯強 鉅鹿縣

昌成節侯元 信都縣

廣鄉孝侯明 廣平縣

成鄉質侯慶 廣平縣地理志作城鄉古通用

平利節侯世 廣平縣

平鄉孝侯王 廣平縣文獻通攷作平陽誤王通攷作任

西梁節侯闢兵 信都縣

歷鄉康侯必勝 鉅鹿縣

武陶節侯朝 鉅鹿縣

利鄉孝侯安 涿郡縣

都鄉孝侯景

常山縣下注東海誤

昌慮康侯弘

東海縣

山鄉節侯綰

東海縣

建陵靖侯遂

東海縣

東安孝侯強

東海縣水經注時密水逕東安城南漢封劉強

爲侯國

承鄉節侯當

地理志東海有承縣

建陽節侯咸

東海縣

高鄉節侯休

琅邪縣

茲鄉孝侯弘

琅邪縣

都平愛侯仁

東海縣

箕原侯文 琅邪縣

侯欽 欽問本作襄文獻通攷作襄

高廣節侯勳 琅邪縣

卽來節侯佼 琅邪縣

右孝宣 案楚元王傳云地節中以楚元王曾孫德親親行謹厚封爲陽城侯立十一年薨謚繆侯子安成嗣薨子慶忌嗣薨子岑嗣薨傳子王莽敗乃絕表失載

膠鄉敬侯漢 北海縣

桃煬侯良 信都縣

安平釐侯習 豫章縣地理志安平兩兒一屬豫章一屬涿郡

長沙王子封國不能遠至涿郡下注鉅鹿亦誤以爲涿郡之

安平

陽山節侯宗 桂陽縣

昆山節侯光 琅邪縣

折泉節侯根 琅邪縣

博石頃侯淵 琅邪縣

要安節侯勝 案後漢書劉盆子傳云求軍中城陽景王後得

七十餘人惟盆子與前西安侯劉孝最爲近屬表中城陽景

王之後有要安無西安疑卽此侯西安齊郡縣

房山侯勇 琅邪縣

式節侯憲 泰山縣

侯萌十九年免 案後漢書劉盆子傳云王莽篡位國除

臨鄉頃侯雲

涿郡縣

西鄉頃侯容

涿郡縣三國志容作弘劉放傳云廣陽頃王子

西鄉侯弘後也

陽鄉思侯發

涿郡縣

益昌頃侯嬰

涿郡縣

羊石頃侯回

北海縣

石鄉煬侯理

北海縣

新城節侯根

北海縣

上鄉侯歙

北海縣

于鄉節侯定

東海縣

石山釐侯嘉

琅邪縣陳景雲曰嘉既免爵不當有諡釐字衍

都陽節侯音 東海縣

參封侯嗣 琅邪縣陳景雲曰參封侯爵再傳始奪則嗣以善

終法當有謚今脫

伊鄉頃侯遷 琅邪縣

襄平侯豐 臨淮縣

貫鄉侯平 臨淮有射陽縣射亦作貫

中鄉侯延年 山陽縣

鄭頃侯罷軍 山陽縣

黃節侯順 山陽縣

平樂節侯遷 山陽縣

苗鄉釐侯就 山陽縣

東鄉節侯方 沛郡縣

潁陽侯欽 沛郡縣欽當有謚今脫

高柴節侯發 沛郡縣

臨都節侯未央 沛郡縣

高質侯舜 沛郡縣

北鄉侯譚 齊郡縣

蘭陵節侯宜 臨淮縣地理志作蘭陽是

廣平節侯德侯德嗣 臨淮縣父子同名必有一誤

博鄉節侯交 九江縣

柏鄉戴侯買 鉅鹿縣

安鄉孝侯喜 鉅鹿縣

廣釐侯便 齊郡縣

樂陽侯獲 地理志東萊郡有陽樂侯國卽此

平城釐侯邑 北海縣

密鄉頃侯林 北海縣

樂都煬侯訢 北海縣

武鄉侯慶 琅邪縣慶當有謚今脫

成鄉釐侯安 北海縣

廣戚陽侯勳 沛郡縣陽當作煬傳云謚曰煬傳載戶數四千

三百此亦不書

外黃侯圉 陳畱縣

平陸侯寵 水經注尉氏縣有平陸縣故城建武元年以戶不

滿干罷爲尉氏縣之陵樹鄉故陳畱風俗傳云陵樹鄉故平
陸縣也寵爲淮陽王之孫其所封者是矣酈元以此爲劉禮
封國誤矣

鄆鄉侯閔 東海縣

建鄉釐侯康 東海縣

安丘侯常 琅邪縣

栗鄉頃侯護 山陽縣

西安侯漢 齊郡縣

重鄉侯少柏 水經注菏水東逕重鄉城南左傳所謂臧文仲

宿于重館也

尹鄉侯開 琅邪縣北與湖鄉侯並是東平思王孫而又同日

受封不應同名

就鄉侯不害 此與金鄉侯皆思王孫而同時受封亦不應同

名

樂安侯禹 千乘縣

桃鄉頃侯宣 太山縣

新陽頃侯永 東海縣

富陽侯萌 太山縣

曲鄉頃侯鳳 山陽縣

桃山侯欽 太山縣

昌陽侯霸 臨淮縣

臨安侯閔 琅邪縣

徐鄉侯煥 東萊縣煥王莽傳荀悅漢紀竝作煥

臺鄉侯畛 齊郡縣

西陽頃侯竝 山陽縣

廣昌侯賀 代郡縣

方鄉侯常得廣陽惠王子 惠文獻通攷作思是

右孝成 案楚孝王傳成帝立楚懷王文弟平陸侯衍爲王是
爲思王表無此侯諸侯王表但云衍以孝王子紹封不言其
爲平陸侯亦太略也

嚴鄉侯信 案信有二子穀鄉侯章德廣侯鮪見翟義傳當是
王莽居攝時所封故表弗錄

武安侯受 魏郡縣

湘鄉侯昌長沙王子 郡國志湘鄉屬零陵班志無此縣文獻
通攷作長沙孝王子此脫孝字

右孝哀 案燕王澤傳云哀帝時繼絕世乃封敬王澤玄孫之
孫無終公士歸生爲營陵侯表失載

陶鄉侯恢八年 案八年下脫免字南雍本閩本皆有之

安陸侯平 江夏縣後漢書劉般傳作原鄉侯蓋析安陸之原
鄉爲國

梧安侯譽 案後漢書馬嚴傳注引東觀記建武三年右扶風
曹貢爲梧安侯相則光武初其國尙存也

扶鄉侯普 王莽傳有扶恩侯劉貴小顏謂不知誰子孫予謂
貴與普形相近疑卽此侯表傳封地微有不同必有一誤

方城侯宣 廣陽縣

廣城侯連師古曰連音竹二反 連不成字岡本作連注同依

小顏音當是寔字之譌

昭陽侯賞 郡國志昭陽屬零陵

承陽侯景 長沙縣

莫書侯延卷五冬 番禺侯永春黃壽允桌和允寶區交字

漢書辨疑卷六

嘉定錢大昭撰

高惠高后文功臣表

注唯作元功蕭曹等十八人位次耳 閩本曹作何

隕命亡國云子孫 閩本無云字作或亡子孫南雍本有或字
亡譌爲云閩本是

注庸功庸也 南雍本閩本功上俱有賣字

注黎萌於變時雍 萌古與氓同楚元王傳民萌何以勸勉師
古曰萌與眊同孟子書皆悅而願爲之氓孫奭音義云氓或
作萌

注三聖謂堯舜禹也 閩本禹下有三人二字

以昭元功之侯籍云 閩本無云字

平陽懿侯曹參 河東縣

以中涓從起沛 如淳曰春秋傳曰涓人疇漢儀注天子有中涓如黃門

萬六百戶 傳云萬六百三十戶

位次格脫二字 蕭何傳上以鄂千秋言令何第一曹參次之靖侯留 高后四年爲御史大夫

侯宗坐與中人姦闚入宮掖門入財贖完爲城旦 案史記世家宗坐太子死國除五行志征和二年四月巫蠱事興平陽侯曹宗下獄死與此異

參之孫之孫杜陵公乘喜 杜陵京兆縣自平陽徙居之公乘

第八爵

以參玄孫之玄孫杜陵公士紹封 之字下玄孫二字不應

大字公士第一爵

以本治子舉兵佐軍 當作本始

信武肅侯靳歙 地理志無信武

別定江漢 史記作江陵傳亦云別定江陵身得江陵王致雒

陽師古曰江陵王謂共敖之子共尉也此作江漢誤

侯五千三百戶 傳云定食四千六百戶

九年薨 自高帝六年封至高后五年薨凡十九年脫十字

汝陰文侯夏侯嬰 汝南縣

共侯賜四十一年薨 四當從閩本作三

侯頗坐尚公主與父御姦自殺 公主景帝女平陽公主也景

十三王傳云武帝姊御妾御

嬰玄孫之子長安大夫信 長安京兆縣大夫第五爵

清河定侯王吸 史記表作清陽楚漢春秋作清陽侯王隆表

中周昌功比清陽侯亦謂吸也地理志清陽屬清河郡

二十三年薨 三當從閩本作二

詔賜吸代後爵關內侯不言世 爲吸之後者故云代後不知

其世次故不言世

陽陵景侯傅寬 左馮翊陽陵景帝始更名漢初未有也楚漢

春秋作陰陵是九江縣

頃侯清 清史記作靖

其侯明 明史記作則形相涉而譌王子侯表陪繆侯則史記作明

長陵士伍景 如淳曰律有罪失官爵稱士伍

廣嚴侯召歐 齊郡縣

廣平敬侯薛歐 廣平縣或以爲臨淮縣非是觀孝景改封常山之縣可知此當屬廣平也高帝五年歐爲典客

平棘侯澤 常山縣

博陽嚴侯陳滂 汝南縣滂楚漢春秋作隤

堂邑安侯陳嬰 臨淮縣

侯午 午以善終法當有諡史記作夷侯

尚館陶公主 文帝女名嫫

侯季須 外戚傳作須無季字

隆慮侯融 河內縣融史記作嶠融是公主子故得別封當與

季須並列此誤高一格

曲逆侯陳平 中山縣初封戶牖後徙封

五千戶 本紀孝文元年以謀奪呂產等軍益封三千戶

長安簪褭莫 簪褭第三爵

畱文成侯張良 楚國縣

注傳天下由張良 傳當作得

坐與門大夫殺故楚內史 傳作坐不敬

射陽侯劉纏 臨淮縣 纏與酈跖張越棘丘侯襄鄧弱趙堯

等六人皆無位次蓋呂后時陳平等上位次簿纏等或以罪

免或已身死故不得與其數至陽夏淮陰早以反誅更無有位次之理

鄧文終侯蕭何 沛郡縣說詳高紀

筑陽侯延 南陽縣

武陽侯嘉 東海縣封武陽者嘉也俗本以武陽繫于蕭則之格誤矣嘉應有諡史記作幽侯

鄧其侯慶 南陽縣

安侯建世以何玄孫紹封 宣帝紀作曾孫非是

釐侯喜永始元年七月紹封 本紀作元延元年封案表云三年薨永始四年質侯尊嗣其事更爲明晰本紀誤也

絳武侯周勃 河東縣

八千一百戶 傳及世家作八千一百八十戶本紀文帝元年
以謀呂產等軍益封邑萬戶

脩侯亞夫 信都縣

平曲共侯堅 東海縣

侯共以勃玄孫紹封千戶 以傳證之則其所紹封者絳侯非

平曲侯也當注絳字平帝紀亦云玄孫傳以共爲勃玄孫之
子與此小異

舞陽武侯樊噲 潁川縣

五千戶 傳云五千四百戶

長陵不更勝客 不更第四爵

曲周景侯酈商 廣平縣

四千八百戶 傳作五千一百戶

繆懷侯世宗 懷侯上史記有元朔三年是世宗史記只作宗

詔賜商代後者猛友爵關內侯 平帝紀作明友明孟古通用

孟諸亦作盟諸

潁陰懿侯灌嬰 潁川縣

定齊淮南及八邑 八邑史記作下邑

五千戶 文帝元年以合謀誅呂氏益封三千戶

汾陰悼侯周昌 河東縣

比清陽侯 卽清河侯王吸也比之者言其功相埒吸位次十

四昌十六

哀侯開方 史記云開方嗣侯建平有罪是徙封建平也表脫

建平

安陽侯左車

汝南縣

沃侯國士伍明

沃疑是涇沃千乘縣

梁鄒孝侯武虎

濟南縣史記作武儒

比博陽侯

陳潁也潁位次十九虎二十

夫夷侯國公乘充竟

夫夷零陵縣

成敬侯董濞

涿郡縣

比厭次侯

爰類也類位次廿四濞廿五

康侯赤

文帝紀建成侯董赤爲將軍擊匈奴匈奴傳成侯董

赫爲將軍赫赤古字通本紀建字羨文

蓼夷侯孔聚

六安縣聚史記作燕索隱曰姚氏案孔子家語

云子武生子魚及子文子文生最字子產說文以最爲積聚字此作藪不同

侯臧嗣 司馬貞曰按孔叢云臧歷位九卿爲御史大夫辭曰臣經學乞爲太常典禮臣業以安國綱紀古訓武帝難違其意遂拜太常典禮賜如三公臧子琳位至諸吏琳子璜失侯爵此云臧國除則當更封其子也

費侯陳賀 東海縣史記賀諡圉徐廣曰圉或作幽

定會稽浙江湖陵侯 湖陵史記作湖陽

巢侯最 地理志廬江有居巢縣

陽夏侯陳稀 淮陽縣

隆慮克侯周竈 河內縣克史記作哀

陽陵公乘 史逸其名

陽都敬侯丁復 城陽縣

趣侯甯 古有以趣爲諡者王子侯表有東昌趣侯成甯史記作實

孝文十年 史記作元年是

陽信胡侯呂青 陽信史記作新陽汝南縣若是勃海之陽信則孝文元年其國尚存不得復以封劉揭矣青史記作清

功比堂邑侯 陳嬰也嬰位次八十六青八十七

東武貞侯郭蒙 琅邪縣

四十一 案位次四十一已有丙猜矣表無二十一疑四當作

汁防肅侯雍齒 廣漢縣史記表地理志作汁邢畱侯世家作
什方郡國志水經注作什邢此表又作汁防應劭音汁爲十
如淳音汁爲什其字當從說文作什邢

功比平定侯 齊受也受位次五十四齒五十七

汁防終侯桓不得年 史記作孝景中三年

棘蒲剛侯陳武 史記趙世家敬侯六年伐魏取棘蒲張守節

曰今趙州平棘縣古棘蒲邑也又靳歙傳云從攻安陽以東
至棘蒲是其地矣高五王傳云使棘蒲侯柴將軍擊濟北王
張曼以爲柴武表云孝文後元年薨子奇反誅不代攻淮南
王傳奇亦作柴武子賈誼傳亦作柴奇後漢隗囂傳云昔柴
將軍與韓信書注云柴將軍柴武也今表及史記竝作陳武

則此人有兩姓也

都昌嚴侯朱軫 北海縣

軫玄孫昌侯國公士先 族子坵曰昌侯國當是都昌侯國南
安侯宣虎曾孫南安簪褭肥如侯蔡寅曾孫肥如大夫皆其
例也

武彊嚴侯嚴不職 臣瓚曰武彊城在陽武縣不職史記作不
識

坐爲丞相建御史大夫陽不直自殺 陳景雲曰陽當作湯謂
張湯也建下疑脫治字建議劾治謂之建治見谷永傳

貫齊合侯傅胡害 史記作貫齊侯呂徐廣曰呂一作台水經
濁漳水又東南逕貫城西漢高帝六年封呂博爲侯國南雍

本閩本合侯作侯合

功比臺侯 戴野也野位次三十五此三十六

共侯方山二十年薨 閩本作二十九年是

元壽一年 一當作二

海陽齊信侯搖毋餘 遼西縣

南安嚴侯宣虎 犍爲縣

肥如敬侯蔡寅 遼西縣

六十六 表中位次六十六者已有酈疥矣疑當作六十八表

尚有紀通亦六十六則五十六之譌也

嚴侯戎 戎史記作成

曲成圉侯蟲達 東萊縣史記作曲城圉侯蟲達

以西城戶將三十七人從 史記作曲城達由曲成起故以曲成封之達爲曲成戶將猶傳胡害爲越戶將也

至霸上爲執金吾 案百官表武帝太初元年更名中尉爲執金吾高帝初尙未有此名史記作執珪是

位次曰夜侯 夜古掖字亦東萊縣

恆侯捷 恆當從史記表作垣河東縣

河陽嚴侯陳涓 河內縣

淮陰侯韓信 臨淮縣

爲連敖票客 史記作典客司馬貞曰漢表作票客大昭案信傳云信爲治粟都尉則票客近之小顏謂以其票疾而客禮

之恐是臆說

芒侯彤跖 沛郡縣史記作芒侯昭此以昭爲跖子

爲定武君 史記作武定君

張侯昭 廣平縣

敬市侯閻澤赤 史記作故市故市河南縣

功比平定侯 齊受也受五十四此五十五

柳上齊侯戎賜 勃海有柳縣非柳上司馬貞以爲屬勃海非也

以三隊將入漢 史記作二隊將案蟲達陳涓皆嘗爲此官史記是

八千戶 史記無八字

侯安國 表脫謚史記謚曰定

魏其嚴侯周止 琅邪縣史記作周定

以爲騎郎將破項籍東城 閩本將作從如閩本則以騎郎爲

官名非也王吸嘗爲騎郎將

祁穀侯繒賀 太原縣

賀擊楚追騎 迫史記作追

漢王願謂賀祁王 王史記作子

坐射擅罷免 徐廣曰射一作耐

平悼侯工師喜 河南縣工師喜史記作沛嘉廣韻一東作公

師壹

比費侯賀 陳賀也賀位次三十一喜三十二他處比某侯不

書名此獨小異

位次曰聊城侯 東郡縣

魯侯奚涓 魯國縣

功比舞陽侯 樊噲也會位次五涓七

重平侯底 勃海縣

城父嚴侯尹恢 沛郡縣

功比厭次侯頃侯諸莊 厭次侯爰類也類位次二十四恢二

十六頃侯諸莊未詳閩本頃作項史記無此四字

任侯張越 廣平縣

棘三侯襄 晉灼曰棘原在鉅鹿南

河陵頃侯郭亭 史記作阿陵涿郡縣

勝侯客嗣 侯以罪免法不得有諡勝亦非諡名史記作侯勝

客

昌武靖信侯單究 膠東縣究史記作甯

侯賈成 表脫謚史記作康侯

高宛制侯丙猜 千乘縣史記作高苑猜史記作倩

比斥丘侯 唐厲也厲位次四十猜四十一凡言比者皆以後

比前名次相連卽不聯屬亦不甚遠猜次于厲則猜之四十

一無疑矣郭蒙亦云四十一疑是二十一也

平侯武 平史記作孝

坐出入屬車閒免 今之衝突儀仗也

宣曲齊侯丁義 史記貨殖傳有宣曲任氏

終陵齊侯華毋害 終陵史記作絳陽族子玷曰水經注云絳

陽在絳澮之陽酈元證引侯國多從史記故云以義推之當是於字譌爲終也蓋當時分封侯國子孫多處于其地如猗氏侯陳遯曾孫猗氏大夫明涅陽侯呂騰之孫之子涅陽不更忠高宛侯丙猜之孫高宛大夫齕南安侯宣虎曾孫南安簪裹護皆是毋害封于於陵其子孫卽爲於陵大夫亦其例矣

其侯勃 史記作勃齊

曾孫於陵大夫告 曾孫上脫毋害

東萊敬侯劉到 郡國志東平有茅鄉城

以二隊入漢 疑亦是二隊將說見前

四十八 位次內劉釗張平皆四十八而三十八無人疑當作

三十八

侯告 告史記作吉案吉告相似轉寫易譌周禮大宗伯以吉
禮事邦國之鬼神肅注云故書吉或爲告杜子春云書或爲
告禮者非是當爲吉禮緇衣尹吉曰注云吉當爲告古文誥
字之誤也說文禧禮吉也爾雅釋詁禧告也郭璞未詳禮吉
亦禮告之譌也易姤象曰后以施命誥四方鄭康成作誥云
止也

斥丘懿侯唐厲 魏郡縣

臺定侯戴野 濟南縣

用隊率入漢 申屠嘉嘗爲隊率亦作隊帥朱軫爲隊帥是也

率帥古通用

侯午 午史記作才

安國武侯王陵 中山縣

樂成節侯丁禮 河間縣

辟陽幽侯審食其 信都縣

酈成制侯周緤 史記作蒯城服虔音管蒯之蒯則是汝南地
說文所云酈汝南安陽鄉是也羅泌曰酈春秋蒯得之邑譌
爲蒯括地志河南縣西四十里有酈亭今有酈鄉又攷說文
酈右扶風郿鄉又曰沛城父有酈鄉讀若陪蓋陪與憑聲相
近故楚漢春秋又作憑城蘇林亦音酈爲薄催反也以字或
作憑證之則酈是而蒯非特以形相似而誤耳竊意緤是沛
人當以城父鄉爲正觀其紹封之酈仍屬沛郡必非右扶風

之鄉明矣下注長沙二字非是制侯傳作貞侯

鄆康侯應 沛郡縣

安平敬侯鄂秋 涿郡縣蕭何傳作鄂千秋此脫千字史記表

作鄂千秋案世家列傳俱作鄂知作鄂者非

坐與淮南王安通 史記作與淮南王安陵通

北平文侯張蒼 中山縣孝文四年蒼爲丞相

以客從起武陽 武陽據傳及史記當作陽武

高胡侯陳夫乞以都尉擊籍將軍定燕千戶 以都尉擊項籍

又以將軍定燕地一說以都尉擊項籍之將軍而又定燕地

亦通定燕下疑脫侯字

厭次侯爰類 東方朔傳云平原厭次人則本平原縣也明帝

改富平爲厭次因舊名耳爰類不書諡史闕文

侯嗣 表脫名馬氏通攷以嗣爲侯名謬矣史記名賀

平皋煬侯劉它 河內縣

功比軼侯 黎朱蒼也朱蒼位次百廿它百廿一史記作功比

戴侯彭祖非是凡言比者皆以位次前者比之彭祖乃百廿

六

復陽剛侯陳胥 清河縣

陽河齊侯其石 疑卽上黨之陽阿

功比高湖侯 陳夫乞也夫乞位次八十二石八十三

柏至靖侯許益 史記作許溫

侯昌 孝景後三年爲太常表脫諡史記諡曰哀

侯安如 表脫諡史記諡曰恭

中水嚴侯呂馬童 涿郡縣

杜衍嚴侯王翳 南陽縣項籍傳及史記竝作王翳

侯郢人 表脫諡史記諡曰彊徐廣曰彊一作景

赤泉嚴侯楊喜 喜後漢楊震碑作熹司馬貞曰南陽有丹水

疑是赤泉後改

朝陽齊侯華寄 南陽縣

棘陽嚴侯杜得臣 南陽縣

侯但 表脫諡

涅陽嚴侯呂騰 南陽縣騰項籍傳史記表竝作勝

平棘懿侯林摯 常山縣摯史記表作執不載姓

深澤齊侯趙將夕 中山縣將夕史記表水經注竝作將夜

史夷胡侯 胡侯二字當乙史記作夷侯胡夷是胡之封國馬氏通攷以爲頭子名失之矣

挈頃侯溫疥 挈史記作恂案此疑卽周文王子所封之郇國也左氏傳僖廿四年軍于郇服虔曰郇國在解縣東郇瑕氏之墟詩地理攷引春秋釋地曰解縣西北有郇城水經注涑水西逕郇城郇伯故國也今解故城東北二十里有故城在猗氏故城西北俗名爲郇城

歷簡侯程黑 信都縣

九十二 案位次九十二已有王虞人矣此當是九十七史記作九十三非是

武原靖侯衛肱

楚國縣

功比高陵侯

王虞人也虞人位次九十二肱九十三史記作

九十二非是

侯不害坐葬過律免

潛夫論景帝時原侯衛不害坐葬過律

奪國卽其事也惟少一武字不同耳

橐祖侯陳錯

山陽縣地理志橐莽曰高平臣瓚音拓郡國志

高平侯國故橐章帝更名橐高同聲故莽改高平而章帝因

之或爲橐者字之誤耳臣瓚讀爲拓失之矣永平元年以橐

益東平東平王傳作橐又隸釋有橐長蔡湛頌益可信橐之

誤矣史記表祖作祗錯作錯

侯千秋

史記云不得千秋父徐廣曰千秋父以元朔元年立

此則竟以安爲千秋之父中間又不闕一代未知孰是

宋子惠侯許癰 鉅鹿縣

用趙石林將 史記右作羽

功比歷侯 程黑也黑位次九十七 表作九十二誤 癰九十九

其侯 留史記作不疑

猗氏敬侯陳遯 河東縣

清簡侯室中同 東郡縣史記室作空徐廣曰空一作室案室

室古字通論語惡果敢而室者釋文魯讀室爲室鄭康成從

古韓勅脩孔廟碑庫室字原云義作庫室索隱室中姓見風

俗通而此表及廣韻皆作室中

比彭侯 秦同也秦同位次七十室中同七十一

彊圉侯畱盼 史記圉作簡盼作勝

比彭侯 秦同也同位次七十一盼七十二

戴侯章復 案其子亦名復豈有父子同名者史記只作章侯復 史記復作服

彭簡侯秦同 索隱曰漢表在東海今脫王子侯表城陽頃王子彭侯強下注東海二字又澎侯劉屈釐晉灼曰東海縣然東海無彭縣族子姑曰王子侯表彭屬東海同玄孫爲費公士費縣亦屬東海然則彭爲費縣地矣郡國志費縣有祊亭古祊彭字通用此彭卽祊

吳房嚴侯楊武 汝南縣史記項羽紀作吳防

三月辛卯封 史記作二月辛巳

甯嚴侯魏邀 甯水經注以爲卽脩武是也郡國志河內郡脩武縣有小脩武聚春秋曰甯左傳定公元年魏獻子卒于甯杜預曰甯今汲郡脩武縣近吳澤光武紀注云本殷之甯邑韓詩外傳曰武王伐紂勒兵于甯改曰脩武索隱以爲甯陽屬濟南非也甯陽卽寧陽屬泰山郡國志屬東平濟南無此縣

昌圉侯旅卿 琅邪縣旅匈奴傳及史記表竝作盧案旅盧古今字禹貢蔡蒙旅平韋昭音盧士冠禮旅占鄭注古文旅作臚班固述贊云大夫臚岱鄭德云臚岱季氏旅于泰山是也本表共嚴侯旅罷師史記旅作盧

共嚴侯旅罷師 河內縣

關氏節侯馮解散 司馬貞曰屬安定卽烏氏也

安丘懿侯張說 北海縣

以執盾入漢 史記作執鉞案孔聚閭澤赤繒賀襄失其姓皆嘗

爲執盾

陽陵上造舜詔復 復下閩本有家字

襄平侯紀通 臨淮縣水經注以爲遼東之襄平誤表不言初

封戶數孝文元年通以誅諸呂定策益封二千戶

功比平定侯 齊受也受位次五十四通當是五十六

六十六 表中位次內六十六有蔡寅紀通酈疥三人蔡寅之

六十六是六十八之譌而五十六尙闕且通又功比平定必

是五十六也

孝景中三年康侯相夫嗣 案景紀三年詔曰襄平侯嘉子恢
說不孝謀反欲以殺嘉大逆無道其赦嘉爲襄平侯及妻子
當坐者復故爵論恢說及妻子如法晉灼曰紀通子也孝景
三年康侯相夫嗣推其封薨正與此合豈更名嘉乎大昭謂
晉說非也本表紀通受封在高帝八年閏五十二年而薨正
孝景中三年豈得刪去三年上中字以遷就已說更可疑者
相夫嗣侯在中三年而三年詔書已稱嘉爲襄平侯則嘉之
嗣封又在相夫之前矣以嘉爲通之別名則可以嘉爲相夫
之別名則大不可

龍陽敬侯陳署 龍陽史記作龍

平嚴侯張瞻師 平史記作繁蜀郡縣說文亏部云古文平作

系又云米辨別也讀若辨古文作𦵏番字从米米與平相似
番與繁同音故繁爲平耳

侯安國嗣不得年 史記作中三年

敏上造連城 古繁字作𦵏故譌爲敏

陸量侯須無詔以爲列諸侯 量史記作梁無諸字

高景侯周成 周昌傳同史記作高京

功比辟陽侯 審食其也食其位次五十九成六十

四月戊寅封 此五字當下一格

楚漢春秋亦闕 楚漢以下二十二字疑是注文脫師古曰三

字

成帝時光祿大夫滑堪日旁占驗 藝文志天文家有漢日旁

氣行事占驗三卷又有漢日旁氣行占驗十三卷

義陵侯吳郢 武陵縣

宣平武侯張敖

楚漢春秋作南宮侯張耳非也耳乃敖父未

嘗爲南宮侯

侯偃爲魯王孝文元年復爲侯

張耳傳云復封故魯王偃爲

南宮侯表云復爲侯者復爲南宮侯也表脫南宮二字

六年哀侯歐嗣十七年薨

此六年上脫十字是孝文之十六

年也表承上文故不重言孝文耳十七年薨者正當孝景中

二年公卿表元光四年爲太常之宣平侯張歐別是一人非

張偃之子歐所嗣者是南宮侯非宣平侯且元光四年南宮

侯歐之薨已十五年矣安得有爲太常之事傳中闕此哀侯

一世竟以生爲偃子誤矣

雖陵侯廣孫元光三年以王弟紹封 臨淮縣廣孫本傳及公

卿表作廣國王史記作生

侯慶忌以敖玄孫紹封 據本傳是紹封宣平表脫宣平二字

信都侯侈 信都縣

以非正免 據本傳侈與受皆敖前婦子故云非正

樂昌侯受 受傳作壽

東陽武侯張相如 臨淮縣

慎陽侯樂說 汝南縣表逸諡樂史記作樂

開封侯陶舍 河南縣

比共侯 旅罷師也罷師位次百十四舍百十五

夷侯青 孝文後二年陶青爲御史大夫

元狩五年坐酎金免 元狩當作元鼎

禾成孝侯公孫昔 昔史記作耳

堂陽哀侯孫赤 鉅鹿縣

祝阿孝侯高色 平原縣色史記水經注竝作邑

長脩平侯杜恬 河東縣

以內史擊諸侯攻項昌以廷尉死事侯 史記作以內史擊諸

侯功比須呂侯以廷尉死事此處當有誤字漢書云攻項昌

則無其地史記功比須呂則無此侯若云死事則其子當侯

無自侯之理以意度之當是以內史擊諸侯侯功比須昌侯

須昌侯趙衍也衍位次百七恬百八故云比耳功譌爲攻須

譌爲項脫落比字又移侯字于死事之下以致不可句讀後
讀震澤王氏本史記正作須昌始信予言之不謬恬爲廷尉
在孝惠三年

侯意 史記意作喜

陽平侯相夫 東郡縣

江邑侯趙堯十一月封 史記作正月辛未

營陵侯劉澤 北海縣孝惠元年澤爲衛尉

萬一千戶 一史記作三

土軍式侯宣義 西河縣式史記及水經注作武

廣阿懿侯任敖 鉅鹿縣

須昌貞侯趙衍 東郡縣

臨轅堅侯戚鯁以都尉守鄆城 鄆閩本作蘄

汲紹侯公上不害 河內縣索隱曰汲漢表作伋伋與汲竝縣名屬河內據此似唐本史記作波漢書作汲也當從水經注作波紹史記作終

甯陵夷侯呂臣 陳畱縣地理志及史記作甯陵古字通說詳王子侯表

戴侯謝 謝史記作射吳射慈亦作謝慈古字通也摯虞三輔決錄注云漢末大鴻臚射咸本姓謝名服天子以爲將軍出征姓謝名服不祥改爲射氏名咸載見廣韻晉人不識古文故勑爲此說

汾陽嚴侯靳彊 太原縣

江鄒侯石封嗣 江鄒百官公卿表作江都石封公卿表及史記俱無封字按靳彊之孫胡于孝景時已中絕至元鼎中有二十餘年矣蓋石以彊曾孫紹封故有封字非其名也石既是紹封不得云嗣疑有脫誤

戴敬侯祕彭祖 地理志梁國菑縣故戴國史記無祕字廣韻祕密也又姓西秦錄有僕射祕宜

安侯軫 史記作侯安期

衍簡侯翟盱爲燕令以都尉下楚九城堅守燕 按堅守燕三字似當在爲燕令下轉寫倒誤

平州戴侯昭涉種 本表平州侯王映元封三年封下云梁父蓋昭涉昧于元狩中免侯故復封映彼云梁父此亦是也左

傳宣元年會于平州杜預曰齊地在泰山牟縣西史記種作福

中牟其侯單右車 河內縣單右車史記作單父聖索隱曰漢表作單父左車與今本異古有以左車爲名者周昌之孫亦名左車

卽嚴侯黃極忠 南郡縣

博陽節侯周聚 汝南縣索隱以爲屬彭城則字當作傅地理

志屬楚國

陽羨定侯靈常 吳郡縣

下相嚴侯洽耳 臨淮縣

高陵圉侯王虞人 琅邪縣史記作王周

九十二 案表中九十二有程黑王虞人二人依史記則衛肱
是九十二程黑是九十三然表內位次皆以後比前從未有
以前比後者既云衛肱九十功比高陵九十則王虞人之爲
九十二無疑矣表闕九十七其程黑歟

侯弄弓 史記作惠侯并弓此脫謚

期思康侯賁赫 汝南縣

戚圉侯季必 東海縣灌嬰傳云重泉人李必水經注亦作李
必必之曾孫信成爲太常公卿表作李信成

穀陽定侯馮谿 沛郡縣

以卒前二年起拓 拓閭本作柘

嚴敬侯許猜 嚴史記作壯一作莊猜作倩

元光五年節侯周嗣三年薨元朔二年侯廣宗嗣 史記元光

五年下卽云侯廣宗嗣闕節侯周一代

成陽定侯奚意 濟陰縣史記逸其姓

桃安侯劉襄 信都縣襄子舍爲太僕公卿表書爲桃丘侯

高粱共侯酈疥 郡國志河東郡楊縣有高粱亭左傳僖二十

三年有高粱杜預曰高粱在楊縣西南

侯勃 酈食其傳勃作遂

侯平 史記作武遂侯平

紀信侯煬 煬史記作陽

景嚴侯王競 景史記作甘泉篆文相似耳競史記作敬

戴侯真粘 真粘史記作莫搖

侯嫫師古曰音許孕反 案師古音非也史記嫫作嫫嫫古文

作嫫从女嬰聲漢書多用古文故爲嫫傳寫者譌爲嫫耳當

音匹昭反

張劭侯毛釋之 廣平縣史記作毛澤

侯鹿 表脫謚鹿史記作慶篆文慶从鹿今作鹿壞字也

蕞棗端侯革朱 史記蘇秦說魏襄王曰大王之地東有淮潁

蕞棗郡國志濟陰郡冤句有蕞棗城

侯昌 公卿表孝景中三年蕞棗侯乘昌爲奉常乘與革相似

而譌

僞陵嚴侯朱濞 潁川縣

五十一 當從史記作五十二因五十一已有繒賀也

藏鹵侯張平 閩本作鹵嚴侯史記鹵作茵字之譌漢書莊作
藏音之譌也閩本是

右高祖百四十七人 總計之實百三十七人四當作三宣帝
紀元康元年復高皇帝功臣絳侯周勃等百三十六家子孫
六當是七也

二人在外戚四人在王子凡百五十三人 此用史記原數也
序云侯者百四十三人荀紀同則五當作四

便頃侯吳淺 桂陽縣淺吳芮庶子

淺玄孫長陵上造長樂 末格注編字或以便侯兼食南郡之
編縣地歟馬氏通攷以編爲淺玄孫名非也淺玄孫旣名長
樂安得又名編此貴與肱說

軼侯黎朱蒼

江夏縣黎朱蒼史記作利蒼

百一十

閩本作百二十案王子侯表德哀侯廣位次亦是百

二十是傳寫之誤廣實百二十七說詳王子侯表閩本是

彭祖嗣

彭祖上脫某侯二字

平都孝侯劉到

上郡縣前有東茅敬侯劉到彼到字史記作

釗非同時之侯有兩劉到也

百一十

列侯位次前後其可攷者一百三十七人間有傳寫

譌者予已攷訂明確說詳功臣表及王子侯表中矣惟百十

表中有成陽侯奚意軼侯黎朱蒼平都侯劉到三人其黎朱

蒼之百十則百二十之譌已有閩本可證至劉到亦云百十

疑有譌字矣攷位次簿高后二年陳平等所上是時身死代

絕及削爵者固不得與而高后元年所封之南宮侯張買博
成侯馮無擇何以不在位次之列或疑張買馮無擇是百三
十八九而劉到是四十然文獻無徵未敢臆斷今將各本及
史記校定位次前後具于左方

蕭何

曹參

張敖

周勃

樊噲

酈商

奚涓

夏侯嬰

灌嬰

傅寬

靳歙

王陵

陳武

王吸

薛歐

周昌

丁復

蟲達

陳滂

武虎

郭蒙

周緤

朱軫

爰類

董濞

尹恢

郭亭

召歐

陳涓

孔聚

陳賀

工師喜

嚴不職

周龜

戴野

傅胡害

搖毋餘

劉釗

戎賜

唐厲

丙猜

丁禮

丁義

周止

單究

華毋害

陳平

張平

陳胥

陳遯

繒賀

朱鼻

周聚

齊受

閻澤赤

紀通

雍齒

許益

審食其

周成

鄂秋

張良

宣虎

林摯

張蒼

酈疥

張說

蔡寅

華寄

秦同

室中同

留盼

呂臣

高色

革朱

陽城延

孫赤

魏邀

毛釋之

陳倉

杜得臣

陳夫乞

其石

陳署

洽耳

陳嬰

呂青

劉澤

任敖

季必

溫疥

王虞人

衛肱

楊武

張瞻師

靳彊

程黑

趙將夕

許慙

馮解散

呂馬童

王翦

楊喜

呂騰

馮谿

王競

趙衍

杜恬

旅卿

奚意

昭涉掉尾

許猜

黃極忠

旅罷師

陶舍

戚鯁

公孫昔

張相如

靈常

黎朱蒼

劉它

宣義

公上不害

陳錯

單右車

祕彭祖

劉廣

劉郢客

劉章

翟旰

樂說

賁赫

吳淺

吳郢

劉襄

吳陽

須無

南宮侯張買

信都縣下注北海疑誤

元年四月丙寅封

表不言其薨免之事史記云高后八年侯

買坐呂氏事誅國除蓋其國已除故孝文元年復以南宮封

張偃爲侯其事甚明表乃云侯生嗣孝武初有罪爲隸臣萬

六千六百戶攷張生是南宮侯張偃之孫孝武初正爲南宮

侯是時張買國絕已久安得復有子名生者爲南宮侯乎且生罷侯時其戶萬六千六百必是張敖之後封國本大故有此戶數若是尋常之侯必不能享此大國當是傳寫者因其姓及封地皆同誤移于此

楮齊侯陽城延 楚國縣城史記作成陽城姓延名廣韻複姓高祖功臣有陽成延李善注文選云陽城人名延

平定敬侯齊受 西河縣

博成敬侯馮無擇 張守節曰括地志兗州博城本漢博城縣

城

沅陵頃侯吳陽 武陵縣陽亦吳芮庶子

中邑貞侯朱進 勃海縣進史記作通

樂成簡侯衛毋擇 南陽縣閩本及史記作樂平

侯侈 侈閩本作後

有請賊吏 史記有作又賊作求

山都貞侯王恬啟 南陽縣

漢五年爲郎中柱下令 公卿表五年有郎中令王恬啟

祝茲夷侯徐厲 史記作松茲廬江縣形相似而譌

十一年薨孝文七年康侯悼嗣 本紀孝文後六年以祝茲侯

徐厲爲將軍自高后四年封至後六年已二十七年此云十

一年誤下云孝文七年亦誤七 years 上當有後字

成陰夷侯周信 成陰史記作成陶

俞侯呂它 清河縣地理志說文解字竝作郇

功比朝陽侯 華寄也呂它受封在高后四年故不入位次內

醴陵侯越 長沙縣

陽信夷侯劉揭 勃海縣

十一月辛丑 本紀作十月辛亥

壯武侯宋昌 膠東縣

樊侯蔡兼 東平縣表脫謚

用常山相侯 相本紀作丞相

沛陵康侯魏駟 沛陵史記作波陵索隱曰漢表波作泚

南鄭侯起 玉篇廣韻竝云鄭地名各收貞呈二音表脫姓

黎頃侯召奴 東郡縣史記云千四百一十戶此脫

侯延坐不出持馬 潛夫論黎陽侯邵延坐不出持馬身斬國

除是其事也黎作黎陽召作邵不同

餅侯孫單 琅邪縣史記餅作餅單作鄆

弓高壯侯韓隤當 河間縣索隱曰漢表在營陵今脫唯閩本

有之隤傳及史記竝作殯此無戶數史記表云千二百三十

七戶

不得子嗣侯者年名 史記以則爲殯當子此以則爲殯當孫

故云

龍頷侯諂

平原縣案韓王信傳云殯當孫說以校尉

表作都尉疑誤

擊匈奴封龍頷侯後坐酎金失侯復以待詔爲橫海將軍擊

破東粵封按道侯史記亦同是龍頷按道爲一人表于龍頷

則云侯諂于按道則云愍侯說又似二人攷韓僞傳說以軍

功封按道侯衛青傳武五子傳閩粵傳龍頤安道俱作韓說
又功臣表中隨父者止言龍頤不及按道明是一人故不重
書諛史記作說說與諛字形相涉而譌師古不加細攷遂妄
音爲口交反失之遠矣表于按道有諡于龍頤不稱諡以說
終于按道也

按道愍侯說元封元年五月以橫海將軍擊東越侯 史記作
元鼎六年蓋此紀其受封之時史記載其出兵之侯故不同
侯曾 侯上脫安字本傳有諡曾本紀及韓王信傳作增
元封元年節侯共以寶從父昆弟紹封 元封疑當作元延傳
云成帝時封增兄子岑爲龍頤侯世次則同而名不同

侯敞弓 傳作持弓

襄城哀侯韓嬰 潁川縣脫戶數史記云一千七百三十一戶
故安節侯申屠嘉 涿郡縣脫戶數史記云一千七百一十二戶

侯與更封 更封者更封清安侯也表脫清安閩本及史記俱有之

漢書辨疑卷七

嘉定錢大昭撰

景武昭宣元成功臣表

後有承平 有南雍本閩本竝作世

俞侯欒布 清河縣地理志作郇史記云戶千八百

建陵哀侯衛綰 東海縣史記云戶一千三百一十

建平敬侯程嘉 沛郡縣史記云戶三千一百五十

平曲侯公孫渾邪 東海縣索隱曰漢表在高城今脫渾史記

及本傳竝作昆史記云戶三千二百二十

南邠侯賀 本傳及衛青傳作南邠臣瓚曰茂陵書賀封南邠

師古謂邠邠二字同

葛繹侯賀獲以丞相封 地理志東海下邳葛嶧山在西古文
以爲嶧陽取山以名其國也獲當作復

江陽康侯蘇息 索隱以江陽爲在東海元鳳六年封城陽
王子仁爲江陽侯下亦注東海然東海無江陽犍爲有江陽
武帝建元六年始開其時尙未有也史記本紀作江陵江陵
南郡縣表缺戶數史記云戶二千五百四十七表又脫始封
一格據史記當云四月壬申封三年薨八字子孫曾俱誤高
一格蘇息史記作蘇嘉

遽侯橫 索隱曰漢表遽鄉名屬常山今脫王子侯有遽鄉侯

宣

新市侯王棄之 鉅鹿縣史記云戶一千十四

煬侯始昌嗣 史不得年史記作後元元年

商陵侯趙周 索隱曰漢表在臨淮今脫然地理志臨淮無商陵史記申屠嘉傳作高陵高陵琅邪縣是時高陵侯王行國已見除故又封周史記云戶一千四十五

山陽侯張當居 河內縣史記云戶千一百一十

安陵侯于軍 潁川隰陵李奇曰六國時曰安陵汝南邵陵亦有安陵鄉

桓侯賜 史記作垣河東縣

迺侯陸疆 涿郡縣

孝武後元年 徐廣曰漢書云孝武後二年則元當作二

容城攜侯徐盧 涿郡縣依史記水經注當作侯攜徐盧其孫

光爲太常公卿表作唯塗光攜徐與唯塗聲相近

翕侯僕黜 南雍本閩本及史記水經注竝作易侯涿郡縣翕
乃邯鄲所封未必同時有兩翕侯元光四年又以翕封趙信
因邯鄲已于是年免也鄭氏曰黜音怛則當从黑旦聲

范陽靖侯范代 涿郡縣史記作端侯代失其姓表姓范者或
因范陽而譌耳

六千二百戶 代與僕黜邯鄲同封戶數當不甚遠當從史記
作千一百九十七戶

翕侯邯鄲下注內黃 內黃魏郡縣

以匈奴王降漢 漢當作侯

亞谷簡侯盧它之 索隱曰漢表在河內今脫亞傳及史記作

惡說文亞醜也象人局背之形易繫辭言天下之至嘖而不
可惡也荀爽曰惡次也尙書大傳云王升舟入水鼓鍾惡觀
臺惡將舟惡宗廟惡鄭康成注云惡讀爲亞是亞惡古字通
它之傳作它人史記作它父

建元五年康侯漏嗣 史記五作元漏作偏

塞侯直不疑 史脫謚及戶數傳云謚信史記云戶千四十六

侯堅 堅傳作彭祖

特轅侯樂 特轅史記作持裝

親陽侯月氏下注舞陽 說文瀨水出南陽舞陽中陽山入潁

親古瀨字親陽卽瀨陽矣

元朔二年 閩本無元朔二字是

若陽侯猛下注平氏 平氏南陽縣

平陵侯蘇建下注武當 武當南陽縣

岸頭侯張次公下注皮氏 皮氏河東縣

昌武侯趙安稽下注舞陽 索隱曰漢表在武陽舞陽南陽縣

武陽犍爲縣史記安稽諡堅侯

從驃騎將軍擊左王 左王左賢王也史記作左賢王下云右

王放此

襄城侯桀龍 索隱曰襄城漢表作襄武案韓嬰亦封襄城地

理志襄城在潁川襄武在隴西是漢表本是襄武

安樂侯李蔡下注昌 公卿表李廣衛青傳及史記俱作樂安

則此作安樂似誤也昌琅邪縣水經注以爲千乘之樂安則

與昌字乖謬

合騎侯公孫敖下注高城 高城勃海縣

軹侯李朔下注西安 史記作涉軹漢書衛青傳作陟軹索隱

曰地理志西安在齊郡涉軹猶從驃然皆當時意也故上又有涉安侯據此則軹上當有涉字

從平侯公孫戎奴下注樂昌 樂昌東郡縣

坐爲上黨太守發兵擊匈奴 陳景雲曰上黨乃內地非邊郡

不與匈奴接壤當從史記作上郡

隨城侯趙不虞下注千乘 城衛青傳及史記作成

攻辰吾先登石疊 疊史記作累

博望侯張騫 南陽縣

知道水 史記作知水道

眾利侯郝賢下注姑莫 姑莫卽姑幕琅邪縣眾利霍去病傳

作終利案眾與終古字通易雜卦大有眾也荀爽本眾作終

士相見禮眾皆若是注云今文眾爲終史記五帝本紀怙眾

賊刑徐廣曰眾一作終

坐爲上容太守入戈守財物計謾 容當作谷 閩本作谷 戈守當從

史記作戍卒

潦悼侯王援訾下注舞陽 史記作趙王煖訾舞陽潁川縣

從票侯趙破奴 票史記作驃

宜冠侯高不識下注昌 昌琅邪縣

煇渠忠侯僕朋下注魯陽 僕朋霍去病傳及史記作僕多魯

陽南陽縣

下摩侯諱毒尼下注猗氏 史記摩作摩諱作呼猗氏河東縣
詔居弋居山坐將家屬闖入惡師居 陳景雲曰惡師烏孫國
中地名見常惠傳謂違詔而攜家擅居惡師地烏孫雖附漢
然未嘗郡縣其地安得有設官置室事顏注未當

濕陰定侯昆邪 平原縣春秋時曰犁左傳哀十年趙鞅伐齊
取犁杜預曰犁一名隰濟南有隰陰縣隰借用字濕正字也
輝渠慎侯應疋下注魯陽 應疋史記作扁訾霍去病傳作廕
庇魯陽南陽縣

河棊康侯烏黎下注濟南 黎史記作犁古通霍去病傳作禽
常樂侯稠雕下注濟南 稠雕霍去病傳作調雖彼傳注云功

臣表作稠睢與今本不同

邳離侯路博德下注朱虛 邳離史記作符離疑誤

義陽侯衛山下注平氏 元和郡縣志申州義陽縣本漢平氏縣義陽鄉魏文帝分平氏縣立

坐敎人誑告眾利侯當時棄市罪 當時伊卽軒之子也

杜侯復陸支下注重平 杜史記作壯按宣帝紀霍光傳竝作

杜侯作壯者譌也索隱曰漢表在東平重平亦東平之譌

以匈奴歸義因執王 霍光傳作故歸義侯因湍王

眾利侯伊卽軒 此卽郝賢封國賢免故改封元鼎時功臣有

兩伊卽軒一是眾利侯一是下摩侯皆匈奴人

亡後爲諸縣 案上文眾利侯郝賢下注姑莫卽姑慕琅邪縣

蓋元狩元年分姑幕之眾利鄉爲侯國始元五年國除而置諸縣也諸亦屬琅邪

湘成侯敞屠洛下注陽成 陽成卽陽城潁川縣

散侯董舍吾下注陽成 陽成潁川縣

臧馬康侯雕延年下注朱虛 史記無雕字朱虛琅邪縣

臧侯次公下注舞陽 此卽王援訾封國之潦也潦下亦注舞

陽則潦潦字異地同舞陽潁川縣

術陽侯建德下注下邳 地理志琅邪東莞術水南至下邳入

泗青州甯蓋在術水之陽分東海之下邳爲國也術說文作

沔

龍侯摎廣德 龍史記作龍亢兩粵傳作龔侯晉灼曰龔古龍

字蓋後人不識古字析爲二文實非沛郡之龍亢也郡國志
泰山博有龍鄉城春秋成二年齊圍龍杜預曰在博縣西南

成安侯韓延年下注郟 成安與郟並潁川縣蓋分郟縣置

昆侯渠復案下注鉅鹿 案史記作累

以屬國大首渠 首史記作且

騏侯駒幾下注北屈 騏與北屈並河東縣

侯督嗣 公卿表建始元年騏侯駒普爲太常數月薨普卽督

也表不載薨年史闕文

梁期侯任破胡 魏郡縣

僚侯畢取下注南陽 索隱曰漢表在下邳案此卽次公封地

索隱誤也南陽亦舞陽之譌

將梁侯楊僕 中山靖王子朝平免故別封

安道侯揭陽定下注南陽 史記作揭陽令定兩粵傳作史定

隨桃頤侯趙光 索隱曰漢表在南陽今脫

湘成侯監居翁 索隱曰漢表在堵陽汲古閣本脫閩本有之

案湘成卽徹屠洛所封也彼注陽成此注堵陽或堵陽舊有

陽城之名故王莽改堵陽曰陽城

海常嚴侯蘇弘 索隱曰漢表在琅邪今脫案王子侯海常在

琅邪

外石侯吳陽下注濟陽 外石兩越傳作卵石史記作北石索

隱曰漢表在濟南今閩本與索隱同汲古閣本誤

下廊侯左將黃同下注南陽 地理志南陽有酈縣字當作酈

譌爲鄺耳小顏音爲字誤矣左將官名

繚婁侯劉福 城陽其王子故海常侯

蒨兒嚴侯轅終古 蒨兒兩粵傳作語兒韋昭曰在吳越界今爲鄉也

開陵侯建成 臨淮縣兩粵傳封故越建成侯敖爲開陵侯是其人名敖

臨蔡侯孫都下注河內 郡國志河內山陽邑有蔡城劉昭曰蔡叔邑

東城侯居股 九江縣兩粵傳作東成

無錫侯多軍 會稽縣

涉都侯喜下注南陽 郡國志南陽筑陽有涉都鄉喜史記作

嘉

平州侯王峽下注梁父

此卽昭涉掉尾封國

荻直侯韓陶下注勃海

直當作莛南雍本閩本竝作莛

濳清侯參下注齊

水經注濳水出時水東去臨淄十八里所

謂濳中也

驪茲侯稽谷姑下注琅邪

地理志琅邪有茲鄉縣

瓠譟侯杆耆

河東縣瓠地理志說文解字竝作瓠

幾侯張陷下注河東

幾或以爲卽騏然是時騏侯駒氏尙無

恙不得別封

沮陽康侯最下注齊

本書朝鮮傳作沮陽史記傳作溫陽沮

陽上谷縣沮陽南陽縣注齊字閩本無

海西侯李廣利 東海縣

斬都城王首 都當作郁

七年太始三年 七當作十閩本亦作十

開陵侯成婉 臨淮縣匈奴傳作闔陵同

不得封年 此四字當下一格

秭侯商丘成 濟陰縣說文作庇

重合侯莽通 勃海縣莽本姓馬

坐發兵與衛尉漬等謀反 武帝紀後元元年侍中僕射莽何

羅與弟重合侯通謀反無衛尉漬公卿表有守衛尉遺漬卽

遺字之譌

德侯景建下注濟南 王子侯表德屬泰山與此異

以長安大夫 劉屈氂傳作長安男子大夫第五爵

題侯張富昌下注鉅鹿 漢紀作蹋踈侯

其得衛李 太子二字譌爲李

邗侯李壽下注河內 說文邗周武王子所封在河內野王是

也括地志故邗城在河內郡西北二十七里

擅出長安界送海西侯至高橋 征和三年貳師復將七萬騎

擊匈奴故壽送之

轅陽侯江喜下注清河 地理志清河有繚縣喜當作德轅或

作遼

當塗康侯魏不害 九江縣天漢四年爲左馮翊

侯聖與議定策益封 宣帝紀建議定策益封者有當塗侯平

霍光傳與表同疑本紀誤

蒲侯蘇昌下注琅邪 地理志琅邪姑幕或曰薄姑案薄姑亦

作蒲姑

丞父侯孫王下注東萊 前承父亦注東萊卽續相如封國

稅敬侯金日磾 濟陰縣

侯賞 本傳謚曰節表脫

建平敬侯杜延年 沛郡縣表注濟陽屬陳畱

宜城戴侯燕倉 濟南縣莽敗乃絕志用元始版籍故于宜城

下注侯國表注濟陽疑誤

弋陽節侯任宮 汝南縣

剛侯千秋 字長伯初元四年爲太常

商利侯王山壽下注徐 徐臨淮縣

成安嚴侯郭忠 潁川縣

平陵侯范明友下注武當 此卽蘇建封國水經注作平陽

長羅壯侯常惠 陳畱縣本傳謚壯武

爰戚靖侯趙長年 山陽縣年當作平閩本及索隱所見本皆

作平補史記作趙成

博成侯張章下注淮陰 淮陰臨淮縣

高昌壯侯董忠 千乘縣

平通侯楊惲下注博陽 博陽汝南縣

都成敬侯金安上 族子站曰霍光傳及補史記竝作都成索

隱云志屬潁川攷潁川無此縣地理志山陽郡有城都侯國

應卽此也水經注作郿都云春秋隱公元年郿侵衛京相璠
曰東郡廩丘縣南三十里有郿都故城褚先生曰漢封金安
上爲侯國是水經注亦以安上封者作城都矣古城成郿三
字同

合陽愛侯梁喜 平原縣

安遠繆侯鄭吉下注慎 慎汝南縣

以吉曾孫紹封 此格當下一層

歸德靖侯先賢揮 汝南縣地理志云宣帝置

信成侯王定下注細陽 細陽汝南縣匈奴傳王定作烏厲屈

信成作新城

義陽侯厲溫敦 此亦平氏之義陽也厲溫敦匈奴傳作烏厲

溫敦

以匈奴諱遯累單于率眾降侯 侯狀與宣紀同單于二字疑
衍小顏注匈奴傳云呼遯累者其官號也既云官號則非單
于可知

義成侯甘延壽 沛郡縣本傳諡曰壯

駟望忠侯冷廣 琅邪縣

煬嘉元年 煬當作鴻

延鄉節侯李譚 千乘縣

以尉氏男子捕得反者樊竝侯 案本紀稱樊竝爲尉氏男子
則此四字疑當在樊竝之上

新山侯稱忠 琅邪縣

漢書辨疑卷七終
童鄉釐侯鍾祖

地理志勃海有章鄉侯國疑卽此

樓虛侯訾順

樓虛當作楊虛平原縣地理志亦誤作樓虛

西域傳元始中卑爰寔殺烏日領以自效漢封爲歸義侯表
不載者哀平中卽有侯者皆不收也附識于此

漢書辨疑卷七終

番禺黎永椿黃濤沈葆和沈寶樞校字

漢書辨疑卷八

嘉定錢大昭撰

外戚恩澤侯表

周呂令武侯澤 史記云呂后兄

更封爲酈侯 馮翊縣史記作酈南陽縣

腫侯通 東萊縣史記作鍾

東平侯卬 史記卬作壯

汶侯產 史記作郊汶之譌也沛郡縣小顏望文音切非是

建成康侯釋之 沛郡縣史記云呂后兄畱侯世家作呂澤

沛侯種 沛郡縣此脫沛字

奉呂宣王國 國字誤史記作園寢

更爲不其侯 琅邪縣

漢陽侯祿 地理志漢中褒中都尉治漢陽鄉疑卽此史記作

湖陵山陽縣

扶柳侯呂平 信都縣

襄城侯義 潁川縣

軹侯朝 河內縣

壺關侯武 上黨縣

昌平侯大 上谷縣

贊其侯呂勝 臨淮縣

祝茲侯呂瑩 索隱曰漢表在琅邪今脫

建陵侯張釋寺人 東海縣史記云宦者多奇計此言寺人猶

史記言宦者不必作大字

以大謁者勸王諸呂 大謁者匈奴傳高后令大謁者報書是也

軹侯薄昭 河內縣昭太后弟外戚傳云追尊薄太后父爲靈文侯表不載蓋追尊之侯例不闕入如高祖紀追尊兄伯爲武哀侯哀帝紀追尊傅父爲崇祖侯丁父爲褒德侯外戚傳追尊竇后父爲安成侯追尊王仲爲共侯皆是

鄔侯駟鈞 太原縣本紀作靖郭侯

周陽侯趙兼 司馬貞以爲屬上郡攷酷吏傳云周陽由其父趙兼以淮南王舅侯周陽故因氏焉其非上郡之陽周明矣但未審其地耳

章武景侯竇廣國 勃海縣

南皮侯竇彭祖 勃海縣

魏其侯竇嬰 琅邪縣

蓋靖侯王信 太山縣索隱曰漢表在勃海今脫信字長君見

鄒陽傳

元光三年頃侯充嗣下一格云侯受嗣元鼎五年坐酎金免

史記受作偃無頃侯充但云元狩三年侯偃元年元鼎五年

坐酎金免

武安侯田蚡 魏郡縣

以皇太后同母弟侯 言同母者不同父也

周陽懿侯田勝 司馬貞以爲在上郡非也上郡是陽周非周

陽括地志周陽故城在絳州聞喜縣東二十九里

侯祖 史記及潛夫論俱作彭祖

坐當歸軹侯宅不與 史記歸作與軹作章攷是時無軹侯史記作章侯疑是章武侯竇長生蓋田盛則竇衰故當與而不與耳

長平烈侯衛青 汝南縣

宜春侯仇 汝南縣

陰安侯不疑 魏郡縣

發干侯登 東郡縣

平津獻侯公孫弘下注高城 本傳詔以高成之平津鄉戶六百五十封爲平津侯高成勃海縣表云三百七十三戶與傳

不符

冠軍景桓侯霍去病 南陽縣以穰之盧陽鄉宛之臨駝聚置
去病初封二千五百戶益封二千二百表闕書

樂平侯山下注東郡 地理志東郡清應劭曰章帝更名樂平
蓋霍山國除之後改爲清章帝復舊名耳

冠陽侯雲下注南陽 疑亦冠軍近地

周子南君姬嘉下注長社 長社潁川縣帝王世紀云封姬嘉
三千戶地方三十里

見周本紀正義

初封是君故嘉子置置子當當

弟延年皆稱君改封爲侯乃稱侯耳

更封爲周承休侯 潁川縣水經注黃水逕周承休縣故城東
縣故子南國

元始四年爲鄭公 後漢書黃瓊傳封爲郟鄉侯注云漢潁川有周承休侯國元始四年更名曰郟蓋因其地有郟鄉矣據此則鄭當作郟平紀及志皆誤

建武二年五月戊辰更爲周承休侯 復舊名也戊辰光武紀作庚辰

侯武嗣十三年更爲衛公下注觀 據表則武是常子光武紀卽以更衛公者爲姬常與表異觀東郡縣今本地理志作畔觀陳景雲曰畔字衍恩澤侯表溝洫志翟方進傳可證

樂通侯樂大下注高平 高平臨淮縣

牧丘恬侯石慶下注平原 蓋分平原縣置

富民定侯車千秋下注蘄 蘄沛郡縣

博陸宣成侯霍光下注北海河閒東郡 文穎曰博廣陸平取其嘉名無此縣也補史記云初封三千戶後益封萬戶又益封二萬戶蓋戶邑甚多有屬北海河閒東郡者耳非謂盡食三郡之地也

安陽侯上官桀下注蕩陰 蕩陰河內縣

桑樂侯安下注千乘 疑是千乘之樂安縣

以皇后父車騎將軍封 案外戚傳公卿表亦作車騎唯昭紀

霍光傳作驃騎

宜春敬侯王訢 汝南縣

富平敬侯張安世 平原縣

陽都侯彭祖 城陽縣

繆侯敞 敞本傳及陳湯傳並作勃

建武中爲武始侯 傳云更封純富平之別鄉爲武始侯武始

魏郡縣純有別邑在魏卽武始也故以是封之說詳本傳

陽平節侯蔡義 東郡縣義霍光傳作誼

平丘侯王遷下注肥城 肥城泰山縣

昌水侯田廣明下注於陵 於陵濟南縣

以左馮翊與大將軍光定策 左馮翊宣帝紀作御史大夫以

公卿表攷之廣明以元平元年九月由左馮翊爲御史大夫

表言舊職紀舉新遷兩得之也

陽城侯田延年下注濟陽 濟陽陳畱縣傳作陽成

爰氏肅侯便樂成下注單父 單父山陽縣

扶陽節侯韋賢下注蕭 扶陽與蕭竝沛郡縣當是分蕭縣置

平恩戴侯許廣漢 魏郡縣

高平憲侯魏相下注柘 柘陳國縣水經注以山陽之高平爲

相封國非是山陽高平故橐也

或譌爲橐非也
說詳功臣表

王莽始改名

宣帝時未有此縣

平昌節侯王無故 平原縣無故字長君見水經注

詔書復獲 當作詔復家上文亦不載其失爵之事

樂昌共侯王武下注汝南 徐廣曰汝南細陽之池鄉漢之樂

昌案徐說本之後漢書張酺傳當不誤也細陽汝南縣武字

稚君見水經注

陽城繆侯劉德 汝南縣

以戶五百贖弟更生罪 劉向傳安民入國戶半贖更生罪此云五百則德之初封有千戶矣

樂陵安侯史高 臨淮縣水經注以爲平原之樂陵非也平原樂陵非侯國高字子長

武陽頃侯丹下注鄒 武陽與鄒並東海史丹傳云國東海鄒之武彊聚是分鄒縣置也

邛成共侯王奉先下注濟陰 說文邛地在濟陰

安平夷侯舜 豫章縣涿郡亦有安平不言侯國則非也

將陵哀侯史魯 郡縣志德州將陵縣本漢安德縣地屬平原郡隋開皇十六年置以安德縣界故城爲名魯本紀及史丹傳外戚傳並作曾

平臺康侯史玄

常山縣

鴻嘉二年侯習嗣

公卿表鴻嘉元年平臺侯史中爲太常其

名與此不同

博望頃侯許舜

南陽縣

樂成敬侯許延壽

南陽縣

博陽定侯丙吉下注南頓

博陽南頓竝汝南縣當是分南頓

置

顯嗣

顯上諸本俱脫侯字

建成定侯黃霸下注沛

沛郡縣水經注以爲勃海非也

侯賞以定陶太后不宜立號益封

陳景雲曰賞當作輔定陶

太后立號事在建平元年乃輔嗣侯後十五年也

居攝二年侯輔嗣 輔本傳作忠

西平安侯于定國 臨淮縣

陽平頃侯王禁 東郡縣

安成共侯崇 汝南縣外戚恩澤侯表有兩王崇一是安成侯

建始元年以皇太后母弟封一是扶平侯元始元年以大司空封

平阿安侯譚 沛郡縣

侯述嗣 述當作述元后傳名術古字通

成都景成侯商 山陽縣外戚恩澤侯表有兩王商一是成都

侯河平二年以皇太后弟封一是樂昌侯王武之子甘露二

年嗣侯

紅陽荒侯立 南陽縣

曲陽煬侯根 九江縣

以皇太后弟關內侯 侯下脫侯字

高平戴侯逢時 臨淮縣

新都侯莽 南陽縣莽傳云國南陽新野之都鄉郡國志新野

有東鄉故新都

廢新侯安莽篡位爲信遷公 莽改汝南新蔡曰新遷新信古

字通然則廢新亦卽新蔡歟

賞都侯臨 莽改汝南宜祿爲賞都亭卽其地矣

樂安侯匡衡 臨淮縣

安昌節侯張禹 汝南縣

高陽侯薛宣下注東莞 高陽東莞並琅邪縣當是分東莞置

千九十戶 傳作千戶案朱博傳博爲丞相封侯食邑二千戶

博讓曰故事封丞相不滿千戶願還千戶據此則傳是而表

誤

安陽敬侯王音 汝南縣

成陽節侯趙臨下注新息 成陽新息並汝南縣當是分新息

置

新成侯欽下注穰 穰南陽縣閩本有穰字汲古閣本脫蓋分

穰縣置

高陵共侯翟方進 琅邪縣

十一月壬子封八千戶 案戶數已見上格此八千戶三字衍

定陵侯滔于長 汝南縣

殷紹嘉侯孔何齊下注沛 沛郡縣中不著孔何齊封國郡國

志汝南宋公國周名鄴丘漢改爲新鄴章帝建初四年徙宋公于此旣言徙宋公則初封不在新鄴矣綏和元年二月封殷紹嘉侯三月與周承休侯竝進爵爲公志所據者元始版籍但載周承休而闕殷紹嘉所未解也

以殷後孔子世吉適子侯 案本紀封殷紹嘉者是孔吉而此云吉適子何齊又不同矣

汜鄉侯何武下注南陽 傳云汜鄉在琅邪不其哀帝卽位更

以南陽曄之博望鄉爲汜鄉侯國地易而名不易者猶舂陵本零陵治道鄉名而爲南陽之舂陵侯國也地理志南陽無

汜鄉縣史闕文志有博望侯國是許舜封地其時國尙未除
非讐之博望鄉

博山簡烈侯孔光下注順陽 地理志博山哀帝置故順陽

陽安侯丁明 汝南縣

孔鄉侯傅晏下注夏丘 夏丘沛郡縣

平周侯丁滿下注湖陽 湖陽南陽縣

高樂節侯師丹下注新野 新野南陽縣

更爲義陽侯下注東海 傳云詔以厚丘之中鄉戶三千一百

封丹爲義陽侯厚丘東海縣志無義陽侯國史闕文

高武貞侯傅喜下注杜衍 杜衍南陽縣

楊鄉侯朱博下注湖陵 湖陵廬江縣傳作陽鄉

建元二年 元當作平

新甫侯王嘉下注新野 新野南陽縣

汝昌侯傅商下注陽穀 郡國志東平國須昌故屬東郡有陽

穀城

陽新侯鄭業下注新野 本紀及杜鄴傳外戚傳竝作陽信王

嘉傳作陽新新信古字通勃海有陽信恐非也

高安侯董賢下注朱扶 高安取嘉名朱扶無攷

方陽侯孫寵下注龍亢 疑龍亢鄉名

以騎都尉 本紀作南陽太守

宜陵侯息夫躬下注杜衍 漢紀作宜陽

以博士弟子 本紀作光祿大夫

長平頃侯彭宣下注濟南 長平汝南縣此作濟南疑誤

扶德侯馬宮下注贛榆 贛榆琅邪縣

承陽侯甄邯下注汝南 翟義傳作丞陽

褒魯節侯公子寬下注南陽平 山陽有南平陽疑卽此

褒成侯孔均下注瑕丘 瑕丘山陽縣均本名莽避王莽諱更

名

以孔子世褒成烈君霸曾孫奉孔子祀侯 元帝以霸授經賜

爵關內侯食邑八百戶號褒成君至是進爵爲侯後漢時爲

亭侯

防鄉侯平晏 或是魯防邑

南鄉侯陳崇 郡國志南陽有南鄉縣

章鄉侯謝殷

勃海縣

盧鄉侯陳鳳

東萊縣

成武侯孫建

山陽縣

有折衝之威


下脫侯字閏本不脫


討狄侯杜勳以前爲軍假丞


假陳湯傳作候

漢書辨疑卷八終

番禺黎永椿黃濤沈葆和沈寶樞校字







漢書辨疑卷九

嘉定錢大昭撰

百官公卿表上

龍作納言出入帝命 尚書作出納朕命納當爲內古內字作
入禹貢九江內錫大龜史記內作入左傳襄九年以出內火
漢書引作入火

相國丞相皆秦官

戰國時韓有相國

見周本紀

秦武王二年置丞

相以樛里疾甘茂爲左右丞相始皇又尊呂不韋爲相國秦
以左爲上漢以右爲尊也後漢書馬嚴傳云舊丞相御史親
治職事唯丙吉以年老優游不案吏罪於是宰府習爲常更
共罔養以崇虛名

文帝二年復置一丞相 周勃爲右丞相陳平爲左丞相後勃謝病請免相而平專爲丞相案劉屈氂傳武帝征和二年分丞相長史爲兩府以劉屈氂爲左丞相懸右丞相以待賢人此獨不載其事

元壽二年更名大司徒 漢官儀王莽時議以漢無司徒官故定三公之號曰大司馬大司徒大司空

元狩五年初置司直 後漢書馬嚴傳云故事州郡所舉上奏司直察能否以懲虛實漢官儀武帝置丞相司直元壽二年改丞相爲大司徒司直如故

御史大夫秦官 御史大夫亦稱宰相孔光傳云上欲致霸相

位自御史大夫貢禹卒及薛廣德免輒欲拜霸又公孫田劉

傳贊云若夫丞相御史兩府之士不能正議以輔宰相朱雲傳云御史之官宰相之副九卿之右後漢建武中李通爲大司空其傳云自爲宰相謝病不視事是也蕭望之傳云故事朝奏事會庭中御史大夫差居丞相後漢舊儀御史大夫寺在司馬門內門無塾門署用梓板不起郭邑題曰御史大夫寺

侍御史有繡衣直指出討姦猾 武帝紀天漢二年遣直指使者暴勝之等衣繡衣杖斧分部逐捕

太傅高后元年初置 卽王陵

後省八年復置 卽審食其

後省元壽二年復置 唯孔光王莽二人

言部類考卷之九
位在三公上 三公謂丞相太尉及御史大夫也太尉後改大司馬薛廣德爲御史大夫史稱三公

太師太保 太師止孔光一人太保止王舜一人

奉常更名太常 應劭漢官儀曰欲令國家盛大社稷常存故曰太常

博士掌通古今 朝錯匡衡皆嘗爲太常掌故疑卽博士之類

矣應劭曰掌故六百石吏主故事孔光傳云是時博士選三科高第爲尙書次爲刺史其不通政事以久次補諸侯太傅郎中令掌宮殿掖門戶 括蒼鮑氏曰郎與廊同戰國策梧下先生見魏王趨出至郎門而反所謂郎門卽郎之門也又戰

國策段產謂秦新城君曰今臣處郎中無能議君于王而不

能使人無議臣于君然則秦昭王時已有郎中之名其職已

親近矣

方同續古
今攷引

大昭案鮑說是也周禮大司馬注引司馬

法曰鼓聲不過聞鼙聲不過聞鐸聲不過琅琅郎郎也段借
字董仲舒傳游於巖郎之上晉灼曰堂邊廡巖郎謂巖峻之
郎也說文解字廊在新附字中古皆用郎

大中大夫秩比千石

漢紀秩比二千石

諫大夫秩比八百石

漢紀秩比六百石

郎中有車戶騎三將

楊惲傳召戶將尊儒林傳尹更始爲長

樂戶將

謁者掌賓讚受事

闕駟十三州志云謁者秦官員七十人皆

選孝廉年未五十曉解賓贊者歲盡拜縣令長史及都官府

長史

衛尉景帝初更名中大夫令 中大夫令止直不疑一人

屬官有衛士令丞 藝文志有衛士令李忠

太僕屬官有大廄未央家馬令丞尉 案未央是未央廄也上

官桀爲未央廄令卽此

又邊郡六牧師苑令各三丞 續志云牧師苑皆令官主養馬

分在河西六郡界中中興省

更名家馬爲桐馬 說文桐攪引也漢有桐馬官作馬酒

廷尉地節三年初置左右平 不言員數本紀及刑法志云四

人

典客屬官有郡邸長丞 郡國朝宿之舍在京師者名邸文帝

紀云至邸而議之

宗正諸公主家令門尉皆屬焉 太子及公主皆有家令

大司農有兩丞 宣帝紀五鳳四年有中丞耿壽昌成帝紀永

始二年有中丞王閎律志有中丞麻光卽兩丞之一也蓋如

御史大夫有兩丞一曰中丞矣

屬官有都內令丞 都內主臧官也桓譚新論云漢之百姓賦

斂一歲爲四十餘萬萬吏俸用其半餘二十萬萬藏于都內

爲禁財少府所領園地作務之八十三萬萬以供常賜張湯

傳詔都內別臧張氏無名錢以百萬數 尹翁歸傳爲都內令

均輸 地理志千乘郡有均輸官

搜粟都尉武帝軍官不常置 案趙過 食貨志 上官桀 李廣利傳 楊敞

漢書卷九十九
燕刺王傳俱嘗爲此官

少府屬官有尙書符節等十二官令丞 十二疑是十六以左
右司空分兩官亦是十七

湯官導官 師古曰導官主擇米大昭案導當作導說文導禾
也玉篇導一莖六穗瑞禾也史記司馬相如傳云導一莖六
穗於庖徐廣曰導瑞禾也

若盧令丞 王商傳請詔謁者召商詣若盧詔獄孟康曰若盧
獄名屬少府黃門北寺是也又案王吉傳云吉補若盧右丞
有右必有左蓋二丞

甘泉居室 當亦有詔獄故衛青至甘泉居室有一鉗徒相青
胞人 古庖字通作胞禮記祭統篇胞者肉吏之賤者也莊子

庚桑楚篇湯以胞人寵伊尹釋文胞本又作庖

又中書謁者等七官令丞 七疑當作八

諸僕射署長中黃門皆屬焉 儒林傳孟喜爲曲臺署長師古

曰曲臺殿名著者主供其事也

飲飛掌弋射 章懷注西都賦引前書音義曰飲飛本秦左弋

官也武帝改爲飲飛有一令九丞在上林中紡繒繳弋鳧雁

歲萬頭以供宗廟

中尉有司馬 亦名中司馬見季布傳

屬官有都船令丞 薛宣傳爲都船獄史漢儀注所以云有都

船獄令也

太子太傅 漢舊儀云皇太子黃金印龜紐印文曰章下至二

百石皆爲通官印太傅一人真二千石禮如師亡新更爲太子師

屬官有太子門大夫 漢舊儀云門大夫比郎將

庶子應劭曰員五人秩六百石 馮野王傳云爲太子中庶子

王商傳同疑脫中字又攷漢舊儀云中庶子五人職如侍中秩六百石庶子秩比四百石如中郎無員亡新改爲中翼子據此則中庶子與庶子有別矣應仲遠所注乃中庶子也表于庶子上脫中字庶子下脫庶子二字

先馬 汲黯傳作洗馬漢舊儀云洗馬職如謁者十六人選郎中補也

舍人 漢舊儀舍人如郎中秩比二百石無員多至三四百人

亡新名爲翼子

詹事掌皇后太子家

漢舊儀皇太子稱家動作稱從

屬官有太子率更家令丞

漢舊儀率更令秩千石主庶子舍

人更直亡新改爲中更丞一人秩四百石家令千石主倉獄

僕中盾衛率長丞

漢舊儀僕秩千石主馬中盾秩四百石主

周衛徼循衛率秩比千石丞一人主門衛

又中長秋食官令長丞

漢舊儀食官令秩六百石丞一人

將行秦官景帝中六年更名大長秋案成帝減省掖庭用度

許后上疏以爲大長秋繩以詔書搖手不得官吏忤恨一切

操之是內宮之財用亦大長秋所掌有似周之內宰矣

內史周官景帝二年分置左內史右內史

案公卿表景帝元

年中大夫朝錯爲左內史二年左內史朝錯爲御史大夫則分置左右又在景帝之前地理志以爲武帝建元六年分置者固非而此表以爲景二年分置者亦未的也

主爵中尉景帝中六年更名都尉 案公卿表景帝中五年已有主爵中尉不疑

又有都水長丞 案左馮翊有左都水此當有右字

元鼎四年更置二輔都尉 二當作三地理志左馮翊高陵左輔都尉治右扶風郿右輔都尉治不言京輔都尉治缺文也田叔傳少子仁拜爲京輔都尉

司隸校尉 翟方進傳故事司隸校尉位在司直下初除謁兩府其有所會居中二千石前與司直竝迎丞相御史

元帝初元四年去節 去節自諸葛豐始

城門校尉有十二城門候 蔡義傳遷覆盜城門候是其一也

中壘校尉掌北軍壘門內外掌西域師古曰掌北軍壘門之內而又外掌西域 案小顏說非也八校尉皆以掌字起句此亦當從外字絕句漢紀作掌北軍壘門內外

凡八校尉 胡騎不常置故亦稱七校刑法志所謂武帝內增七校是也

侍中左右曹諸吏散騎中常侍皆加官 三史拾遺曰自侍中而下漢世所稱中朝官也亦謂之內朝臣攷高帝時盧縮爲將軍常侍中孝惠時郎侍中皆冠鯀鵜貝帶傅脂粉是漢初已有侍中武帝初嚴助朱買臣皆侍中貴幸用事始與聞朝

政厥後衛青霍去病霍光金日磾皆由侍中進而權勢出宰相右矣武帝時霍光韓增皆爲郎遷諸曹侍中宣帝時蘇武杜延年劉安民爲右曹張延壽爲左曹此左右曹之始宣帝時楊惲爲諸吏光祿勳此諸吏之始宣帝時張霸爲散騎中郎將張勃劉更生爲散騎諫大夫此散騎之始司馬相如以訾爲郎事景帝爲武騎常侍則景帝時已有常侍武帝常與侍中常侍武騎及侍郎隴西北地良家子能騎射者微行而東方朔亦爲常侍郎然其時未見中常侍之名至哀帝時始有中常侍王閎宋弘等皆士人也後漢中常侍竝以宦者爲之非西京舊制矣

爵 自公士至公乘民之爵也生以爲祿位死以爲號諡凡言

賜民爵者卽此自五大夫至徹侯則官之爵也成帝紀永始二年詔曰吏民以義收食貧民其百萬以上加賜爵右更欲爲吏補三百石是爵至十四級與三百石吏相埒矣準是以推九級之五大夫等比百石十級之左庶長等百石十一級之右庶長等比二百石十二級之左更等二百石十三級之中更等比三百石矣故謂之官爵武帝時又有武功爵見食貨志

諸侯王景帝中五年省御史大夫 本紀在中三年更令相治民如郡太守 孔光傳云霸宣帝時遷高密相是時諸侯王相在郡守上

郡守秩二千石 案黃霸傳霸爲潁川太守秩比二千石及守

京兆尹秩二千石然則此秩字下當有比字歟

邊郡又有長史 辛慶忌爲金城長史是也

郡尉秩比二千石有丞秩皆六百石 皆字衍

更名都尉 都尉有丞故薛宣爲樂浪都尉丞郡亦有時但置

都尉不置太守吾丘壽王爲東郡都尉不復置太守故璽書
云連十餘城之守任四千石之重

關都尉 漢有函谷關都尉

農都尉 馮參傳爲上河農都尉敘傳班況亦任此職又地理
志張掖番和有農都尉

萬戶以上爲令減萬戶爲長 漢舊儀云縣戶口滿萬置六百

石令多者千石戶不滿萬置四百石三百石長縣令長黃綬

皆大冠亡新令長爲宰皆小冠

皆有丞尉 漢舊儀大縣兩尉小縣一尉丞一人隸釋引應劭說大縣有丞左右尉所謂命卿三人小縣一丞一尉者命卿二人漢刻武開明紹吳郡府丞而武榮碑稱爲吳郡府卿綿竹江堰碑稱縣丞犍爲王卿隸續平鄉道碑云丞汁郝王卿尉綿竹楊卿丞尉皆稱卿與應說合今漢石刻有祝其卿墳壇上谷府卿墳壇皆縣府丞也

大率十里一亭亭有長 漢官儀曰十里一亭亭長亭候五里一郵郵間相去二里半司姦盜應劭曰亭有兩卒一爲亭父一爲求盜

鄉有三老 高祖紀漢二年舉民年五十以上有脩行能率眾

漢書卷九十九
九
爲善置以爲三老鄉一人擇鄉三老一人爲縣三老與縣令丞尉以事相教復勿繇戍

有秩 方回續古今攷云周顯王十二年秦初置有秩史商鞅旣廢井田比閭鄰里之制亦壞故置有秩史以董之

三老掌教化 方回曰假如縣方百里則爲方十里者十十亭一鄉當有十鄉鄉三老十人各掌一鄉之教化縣三老當掌縣城中之教化且兼掌十鄉之事乎

嗇夫職聽訟收賦稅 續漢志有秩嗇夫其職掌同漢官云鄉戶五千則置有秩是不滿五千者不置有秩但以嗇夫一人總理之表不言有秩所掌因與嗇夫同也

游徼徼循禁賊盜 趙廣漢傳云廣漢奏請令長安游徼獄吏

秩百石其後百石吏皆差自重不敢枉法妄繫留人

印 漢制天子諸侯王皆爲璽三公列侯以下俱爲印天子王璽諸侯王金璽惟太師太傅太保丞相太尉列將軍列侯皆用金印而御史大夫不與焉成帝更名大司空始用金印其它則或銀或銅矣

案百官公卿表自奉常秦官至王莽改太常曰秩宗爲一段今本博士秦官另起自郎中令秦官至取其領事之號爲一段今本大夫掌論議僕射秦官各提行另起自主爵中尉至駙馬都尉秩比二千石爲一段今本護軍都尉城門校尉奉車都尉各提行另起自侍中左右曹至皆秦制爲一段今本反列在奉車都尉之下皆非是

表所未載之官或不常置或置而旋罷或微末之職有可攷者附識於此

丞相屬官 有少史昭帝紀丞相少史王壽如淳曰武帝置秩四百石五行志封丞相少史王禁爲陽平侯功臣表丞相少史王山壽 有主簿見孫寶傳 有徵事功臣表任宮故丞相徵事 有大車屬見鄭崇傳如淳曰如今公府御屬

大司馬屬官 有主簿見樓護傳

將軍屬官 有護軍都尉見趙充國傳

太常屬官 有太史掌故房鳳傳以射策乙科爲此官表但

有太史令丞 有掌故見鼂錯匡衡傳 有高寢郎車丞

相爲此官案昭紀孝文廟殿火廟令丞郎吏皆劾大不敬
是令丞之外有郎也 有寢中郎見馮參傳師古曰陵之
寢郎也 有園郎金安上傳故事近臣隨陵爲園郎
郎中令屬官 有禮官大夫儒林傳孝文時徐生以頌爲此
官其孫延等皆爲之

廷尉屬官 有文學卒史見兒寬傳蘇林曰秩六百石臣瓚
曰秩百石 有書佐見薛宣傳 有奏曹掾見路溫舒傳
有奏讞掾見兒寬傳

大行令屬官 有治禮丞見平當傳 有主客見金日磾傳
服虔曰屬鴻臚

大司農屬官 有甘泉倉長

少府屬官

有內謁者令見宣帝紀

有海丞一人果丞一

人竝見平帝紀

有太官獻良丞見陳湯傳

有文學見

匡衡傳

有樂府音監樂府游徼竝見張放傳

詹事屬官

有少內嗇夫見丙吉傳

郡守屬官

有五官掾見王尊傳

有議曹見朱博傳

有

司馬見馮奉世西南夷傳

有庫令見河閒王傳

有均

輸長見黃霸傳

縣令長屬官

有市吏見尹翁歸傳

有獄吏決曹史竝見

王溫舒傳

有獄掾決曹掾賊曹掾門下掾竝見薛宣傳

軍司空令

見馮奉世傳

軍司空

見杜延年傳蘇林曰主獄官也如淳曰律營軍司

空軍中司空各二人

軍武庫令 見杜欽傳

軍政 藝文志有軍政楊僕政卽正也西域傳有軍正任文

軍正丞 見胡建傳師古曰南北軍各有正正又置丞傳又

云臣謹案軍法曰正亡屬將軍將軍有罪以聞

軍候丞 見陳湯傳恩澤侯表作軍假丞

軍監 見匈奴傳

軍市令 見丙吉傳

軍司馬 楊敞傳給事大將軍莫府爲此官

假司馬 見趙充國傳

鷹擊司馬 見霍去病傳

護軍射師

藝文志有王賀

監軍御史

見胡建傳又曰監御史與護軍諸校列坐堂皇

之上

彊弩將軍

衛霍傳有李沮公卿表及田延年傳有許延壽

恩澤侯表有孫建藝文志有王圍竝爲此官

材官將軍

見衛霍傳後

復土將軍

疑卽復土校尉之類公卿表元壽二年復土將

軍左咸爲大鴻臚

發弩官

地理志南郡有此官師古曰主教放弩也

迹射穀者

馮奉世傳今發三輔河東恆農越騎迹射飲飛

穀者是迹射穀者爲二官名

戊己校尉屬官 有史有右曲候竝見匈奴傳

票姚校尉 見霍去病傳

轉校尉 見王尊傳師古曰主轉運事

執驅馬校尉 李廣利傳拜習馬者二人爲執驅馬校尉備

破宛擇取其善馬云師古曰習猶便也一人爲執馬校尉
一人爲驅馬校尉

復土校尉 有國喪則置事已卽罷蕭由馮遂俱爲此官

長樂戶將 見儒林傳

稻田使者 功臣表有燕倉

主麻使者 見律志

方士使者 見郊祀志

治獄使者

見外戚傳

護苑使者

見谷永傳

黃門書者

藝文志有王廣呂嘉

黃門書者假史

藝文志有王商

本草待詔

見郊祀志師古曰謂以方藥本艸而待詔者

車騎都尉

宣帝紀甘露三年有車騎都尉昌

彊弩都尉

武帝紀太初三年有路博德

宜禾都尉

敦煌廣至有宜禾都尉治

主騎都尉

安定參繇有主騎都尉治

協律都尉

禮樂志有李延年

河隄都尉

溝洫志有許商

護漕都尉 見朱博傳

駿馬監 太僕屬官有駿馬令丞見百官表然駿馬亦有監
見傅介子傳

平樂監 見傅介子傳功臣表作平樂廄監

安池監 見外戚傳

移中廄監 見蘇武傳

車郎 藝文志有張豐

輦郎 見劉向傳

黃門倡 藝文志有車忠

待詔 元帝紀有賈捐之哀帝紀有夏賀良律志有李信藝
文志有臣饒臣安成馮商

漢書卷九十九
卷九十九
暴室舊夫

兒外戚傳

鉤盾穴從

藝文志有李步昌

鐵官

地理志鄭夏陽雍漆恆農電池宜陽安邑皮氏平陽

絳大陵隆慮河南陽城西平宛皖山陽郡沛武安都鄉涿
郡千乘東平陵歷城羸臨菑東牟琅邪郡下邳胸鹽濱堂
邑桂陽郡沔陽臨邛武陽南安隴西郡漁陽夕陽平郭北
平郁秩莒東平魯彭城廣陵皆有食貨志云郡不出鐵者
置小鐵官鄧展曰鑄故鐵也

鹽官

地理志安邑太原晉陽巫堂陽章武千乘都昌壽光

曲成東牟轅昌陽當利海曲計斤長廣海鹽臨邛南安連

然胸忍隴西郡三水弋居獨樂龜茲富昌沃犂成宜樓煩

泉州海陽平郭番禺高要皆有

鹽澤長丞 地理志雁門沃陽有此官

工官 地理志懷河南陽翟宛東平陵泰山郡奉高廣漢郡
雒成都皆有

齊三服官 貢禹傳故時齊三服官輸物不過十笥方今作
工各數千人一歲費數鉅萬後漢書章帝紀建初二年詔
齊相省冰紈方空縠吹綸絮

服官 地理志襄邑臨菑皆有

羞官 交趾郡羸婁有

銅官 丹陽郡有

圃羞官 南海郡有

樓船官 廬江郡有

陂官 九江郡有

湖官 九江郡有

雲夢官 江夏郡西陵南郡編皆有

橘官 胸忍魚復皆有

金官 桂陽郡有

木官 嚴道有

漢功臣初起官名攷

功臣初起官名乃一時權置或襲七國舊名非一代典章所繫故表中不及詳載今畧紀於此其名義職掌及居官者之姓氏有可攷者亦附見焉

中涓 師古曰中涓親近之臣若謁者舍人之類涓潔也王
居中掃潔也大昭案國語有涓人疇史記楚世家作涓人
韋昭曰今之中涓是

曹參

靳歙

王吸

召歐

周勃

灌嬰

孫赤

陳倉

毛釋之

石奮

舍人

傅寬

陳遯

薛歐

呂臣

單究

工師喜

奚涓

陳瀨

魏遯

徐厲

樊噲

劉到

董涓

唐厲

陳賀

審食其

嚴不職

戴野

華寄

周止

周涓

朱軫

令史

夏侯嬰

客 後代東宮官有太子賓客亦其類

蕭何

呂澤

丙猜

張蒼

林摯

高色

任敖

陸賈

周苛

冷耳

劉襄

酈疥

執盾

閻澤赤

繪賀

孔繁

襄

逸其姓

張說

特將

陳豨

重將 師古曰主將領輜重

宣虎

計相 如淳曰官名但知會計

張蒼

亞將

唐厲

陳平

駢鄰 師古曰二馬曰駢駢鄰爲竝兩騎爲軍翼

許益

司馬

呂馬童

張說

左司馬

陳賀

曹無傷

唐厲

得

逸其姓

孔叅

右司馬

陳胥

陶舍

騎司馬

王虞人

車司馬

王競

將軍

酈商

董渫

孔繁

郭蒙

陳武

嚴不職

蟲達

奚涓

河南將軍

宣虎

游擊將軍 此初起之名其後武帝時蘇建韓說皆居此職
所謂列將軍也

陳豨

郎騎將軍

單究

車騎將軍

此初起名耳其後爲列將軍公卿表尙不載武
昭以後車騎將軍有加大司馬者其權任在丞相右矣

蔡寅

張越

灌嬰

靳歙

執帛

曹參

夏侯嬰

灌嬰

執珪

蟲達

功臣表作執金吾其時無此官今從史記

曹參

夏侯嬰

灌嬰

趙衛將軍

加趙者或是趙國之故官他皆放此

程黑

魏太僕

蔡寅

長沙柱國

吳郢

代大與

師古曰大與主爵祿之官

馮解散

殷相

閻澤赤

趙右林將

師古曰林將將士林猶言羽林之將

許憊

齊將

旅卿

旅罷師

趙將

雍齒

趙將夕

越將

丁復

華毋害

革朱

越戶將

傅胡害

越隊將

搖毋餘

上隊將

高色

弩將

室中同 秦同

郎將

杜得臣

慎將 師古曰以謹慎爲將也

爰類

二隊將

蟲達

陳涓

劉到但云二隊疑亦二隊將

三隊將

戎賜

刺客將

陳凜

廋將

張良

城將

師古曰城將將築城之兵也

郭蒙

樓煩將

項籍傳漢有善騎射曰樓煩

丁復

郎騎

毛釋之

中郎騎

王翥

郎中騎

其石

楊喜

騎郎將

王吸

周止

郎騎將

丁義

呂馬童

右騎將

傅寬

騎將

傅寬

召歐

丁義

陳倉

丁禮

嚴不職

灌嬰

騎士

呂騰

中涓騎

丁禮

郎中騎將

楊武

騎都尉

靳歙

張說

楊武

季必

長鉦都尉

師古曰長鉦長刀兵也爲刀而劍形史記作長

鉞鉞亦刀耳

周竈

門尉

酈跖

十尉

陶舍

中廢令

祕彭祖

虎賁令

周勃

郎中柱下令

師古曰柱下令主柱下書史

王恬啟

戶衛

郭蒙

戶將

蟲達

塞路

師古曰主遮塞要路以備敵寇

郭亭

說衛

師古曰說讀曰稅謂軍行初舍止之時主爲衛也

許盜

執矛

朱進

隊卒 疑是隊率

周聚 衛毋擇

隊率 師古曰一隊之率也音所類反

戴野 周聚 申屠嘉 朱軫作隊帥同

連敖 如淳曰楚有連尹莫敖其後合爲一官

韓信 召歐 周寵 呂嬰 戎賜

華寄 繪賀 郭亭

職志 如淳曰主旗幟

周昌

右丞相

尹恢

在高祖未稱
元年之前

河上守

卽左馮翊是時爲河上郡故有守

閭澤赤

中地守

卽右扶風是時爲中地郡故有守

宣義

票客

小顏謂以爲票疾而客禮之是臆說

韓信

漢書辨疑卷九終

萍鄉文廷俊番禺黎永椿鄭權林國贊校字

漢書辨疑卷十

嘉定錢大昭撰

百官公卿表下

高帝元年内史周苛爲御史大夫 案秦之内史於漢爲三輔
高帝元年京兆馮翊屬塞國扶風屬雍國二年更名爲渭南
河上中地三郡九年復爲内史是内史之官高帝元年未嘗
有也周昌傳但云從兄苛以卒史從沛公不言其爲内史然
則内史二字疑有誤下云内史周苛遷亦誤若云是治粟内
史不應列於三輔格矣

執盾襄爲治粟内史 此卽功臣表棘丘侯襄也史闕其姓耳
攷襄以上郡守擊定西魏地西魏之降在漢二年三月是襄

漢書卷之九
居職未久卽遷爲上郡守矣

五年廣平侯薛歐爲典客 歐之封侯表在六年史蓋從後追稱之

軍正陽咸延爲少府 功臣表軍正作軍匠陽咸延作陽城延云以軍匠從起薊入漢後爲少府作長樂未央宮築長安城先就侯大昭案延乃梓人製造軍中器械積功拜官時量才授職使爲將作少府築城作宮皆其職守序所云將作少府掌治宮室景帝中六年更名將作大匠者是也武帝時工楊光以作茂陵可意致將作大匠亦是此類然則軍匠之爲少府必是將作少府脫將作二字耳但其官與列于九卿之少

殷內史杜恬 是時無內史官說詳于上杜恬疑是殷王印之內史侯表云杜恬以內史擊諸侯蓋當有殷字此條疑是後人因侯表有殷內史而闕入耳

九年丞相何遷爲相國 何遷相國本紀在十一年何傳云上已聞誅信使使拜丞相爲相國誅信事在十一年百官表亦云十一年更名此在九年誤

十年中地守宣義爲廷尉 地理志右扶風故秦內史高帝二年更爲中地郡九年復爲內史

十一年絳侯周勃爲太尉後官省 當盧縮反時勃以相國代噲將蓋不復爲太尉故用相國虛名

衛尉王氏 見蕭何傳

孝惠二年齊相曹參爲相國 傳作齊丞相以下文淮南丞相

張蒼例之亦當有丞字

高后元年上黨守任敖爲御史大夫 史記將相表在孝惠六年誤

八年 本紀有郎中令賈壽表失載

孝文二年衛尉足 本紀元年有衛尉足表在二年非是

三年十二月丞相勃免 本紀作十一月史記作十一月壬子

後六年 周亞夫傳是年宗正劉禮爲將軍表于孝景元年始

載平陸侯劉禮爲宗正疑誤

七年 有中尉周亞夫兒文帝紀及亞夫傳

孝景五年安王侯張敖爲奉常 歐當作欣力王表安王侯張

說曾孫康侯新孝景四年立卽其人也史記表作訢訢與欣同

中三年煮棗侯乘昌爲奉常 功臣表煮棗侯革朱之孫名昌卽其人也唯姓不同疑字之譌

後元年丞相舍死 死字誤據竇嬰傳及功臣表當作免

三年柏至侯許昌爲太常 許盎之孫

孝武建元元年淮南太守灌夫爲太僕 案淮南厲王子安是時爲淮南王當有內史不得有太守唯淮陽國高帝所置後改封于趙則爲郡矣必淮陽之譌也灌夫傳正作淮陽

二年南陵侯趙周爲太常 南陵當作商陵

四年武強侯嚴青翟爲御史大夫 趙綰以二年有臯自殺主

翟爲御史大夫卽在是年表作四年非也

江都相鄭當時爲右內史五年貶爲詹事 案灌夫傳元光四年有內史鄭當時又當時傳云爲右內史以武安魏其時議貶秩爲詹事是當時左遷在元光四年表當爲六年此作五年誤

六年六月癸巳丞相昌免 漢紀作癸未

太僕賀 公孫賀也

元光元年 本紀有中尉程不識表失載

隴西太守李廣爲衛尉 廣傳由雲中太守遷

四年宣平侯張敖爲太常 此非張偃之子別是一人說詳功

五年廷尉翟公 翟公下邳人見鄭當時傳

六年中尉韓安國爲都尉 都尉當作衛尉

元朔四年宗正劉棄 汲黯傳作劉棄疾

五年河東太守九江番係爲御史大夫 此人疑非是元光五

年之右內史故別著其郡否則九江二字當書在前

中尉殷客 汲黯傳濮陽段宏官再至九卿殷客二字形相似

淮南王安傳是時有中尉宏卽此人矣

六年繩侯周平爲太常 平周成之子

據衛霍傳是年有主爵都尉趙食其表在元狩三年疑誤

元狩元年宗正劉受 元狩四年有沈猷侯劉受爲宗正疑又
是一人故此不書侯

三年廷尉張湯爲御史大夫 湯代李蔡也應在二年

冠軍侯霍去病爲票騎將軍 去病當載則元光六年大中

夫衛青爲車騎將軍元朔五年車騎將軍衛青爲大將軍何以不載

衛尉張騫 本紀元狩二年已有衛尉張騫表在三年非是

四年中尉丞陽僕爲主爵都尉 此卽酷吏楊僕爲樓船將軍

者也陽楊字通

五年四月乙卯太子少傅嚴青翟爲丞相 荀悅漢紀乙卯作

乙丑少傅作太傅

郎中令李敢 敢李廣之少子也代父廣爲之

六年俞侯欒賁爲太常 賁欒市子

按史記三王世家是年有太常充索隱以爲趙充

右內史王鼂 張湯傳作王朝

元鼎四年睢陵侯張廣國爲太常 案功臣表只作廣

五年平曲侯周建德爲太常 建德周勃之孫

陽平侯杜相爲太常 功臣表名相夫

元封五年坐畱外國使人入粟贖論 南雍本閩本使人下有

白字

太初二年正月戊寅 本紀作戊申

三年膠東太守延廣爲御史大夫 漢紀作王延廣

搜粟都尉上官桀爲少府年老免 攷李廣利傳桀爲少府在

趙弟封侯之年弟于四年受封此亦當在四年師古疑其非

上官桀誤矣

天漢元年濟南太守王卿爲御史大夫 荀紀作王延年

二年新時侯趙牟爲太常 牟字誤李廣利傳功臣表竝作弟
太始三年暴勝之爲御史大夫三年下獄自殺 案本紀勝之
自殺在征和二年表當作四年

容城侯唯塗光爲太常 卽攜徐盧之孫也唯塗與攜徐聲相
轉

四年江都侯靳石爲太常 侯表作江鄒侯

征和二年 外戚傳有宗正劉長樂執金吾劉敢表皆失載

三年高廟郎中田千秋爲大鴻臚 本傳作高寢郎

後元元年守衛尉不害 疑卽當塗侯魏不害

二年守衛尉遺

功臣表重合侯莽通後二年坐發兵與衛尉

潰等謀反要斬德侯景建後二年坐共莽通謀反要斬二人之功罪俱同此表作遺彼又作潰形相似而譌耳竊疑建字亦與遺相似所謂衛尉遺者卽德侯建耳當依此作遺

執金吾郭廣意免

武五子傳兩見一作廣義一作廣意

孝昭始元元年司隸校尉李仲爲廷尉

本紀霍光傳及荀悅

漢紀竝作李种

水衡都尉呂辟胡

本紀作呂破胡

四年大鴻臚田廣明爲衛尉

案本紀元鳳元年尙有大鴻臚

廣明疑表誤

六年坐廟夜郎飲失火免

夜古掖字

元鳳四年御史大夫王詡爲相 脫丞字

五年坐侍中加元下獄風吏殺元 加閩本作邪

六年少府蔡義爲御史大夫 義霍光傳作誼

便樂成侯少府 便霍光傳作使杜周傳作史

元平元年水衡都尉趙充國爲後將軍水衡都尉 案後將軍

水衡都尉下脫如故二字又第十四格當有水衡都尉并將

軍七字

孝宣本始二年詹事東海宋疇爲大鴻臚 疇本紀及黃霸傳

作畸

四年山陽太守梁爲大鴻臚 案儒林傳小戴授梁人橋仁季

卿仁爲大鴻臚此云梁者疑卽其人專寫脫落耳

六安相朱山拊爲右扶風 山拊買臣子也

地節元年于定國爲廷尉十七年遷 傳作十八年

水衡都尉朱輔爲右扶風博 案博字疑亦右扶風之人名

二年大司農光薨 光霍光也農當作馬

五鳳二年 當有八月壬午太子太傅黃霸爲御史大夫一年

遷共十八字閩本不脫

甘露元年三月丁巳大司馬延壽薨 本紀作二月

蒲侯蘇昌復爲太常 昌三爲太常

黃龍元年 閩本有左馮翊常四字

孝元初元二年光祿勳賞 此秬侯金賞也見本傳

永光元年大司農堯 此夏侯堯也見夏侯勝傳

侍中中大夫歐陽餘爲少府 餘儒林傳作地餘字長賓

建昭二年諸吏散騎光祿匡衡爲御史大夫 光祿下脫勳字

竟寧元年河南太守召信臣爲少府 案建昭元年尙書令五

鹿充宗爲少府五年貶爲元菟太守建昭元年至竟寧元年

正合五年之數是表以召信臣爲代五鹿充宗矣然儒林傳

云梁丘臨代五鹿充宗君孟爲少府則表中明脫梁丘臨一

人

孝成建始二年宗正劉慶忌爲太常 此劉德之子陽城侯也

河東太守杜陵甄少公爲京兆尹 閩本甄下有尊字此脫

河平四年大夫韋安世爲大鴻臚 大夫上疑脫光祿二字

爲嘉四年 本記是年黃漢太守趙護爲執金吾表載在元延

元年誤

永始三年河內太守寵眞爲左馮翊 寵南雍本閩本竝作龐
左馮翊朱博爲大司農 本紀是年汝南太守嚴訢爲大司農
表在四年誤

四年侍中水衡都尉淳于長爲衛尉 案永始二年詔書已稱
侍中衛尉長則非四年遷矣

元延二年廣陵太守孫寶爲京兆尹 廣陵是王國不得有太
守傳作廣漢是

三年尙書僕射趙亡爲光祿勳 亡南雍本閩本竝作元
綏和元年侍中光祿大夫司農趙元爲衛尉 案趙元卽元延
三年之光祿勳也表脫勳字又衍大夫司農四字

二年光祿大夫閻宗爲執金吾 貢禹傳作閻崇

漢書辨疑卷十一

嘉定錢大昭撰

古今人表

未知焉得仁師古曰言智者雖利物猶不及仁者所濟遠也

案陸德明論語音義云未知鄭音智是康成讀法與孟堅同矣漢人解經必守師法於此可見

女媧氏

上中

閩本是上上次於太昊說文媧古之神聖女化

萬物者也

大廷氏

上中

廷或作庭左傳昭公十八年有大庭氏之庫杜

預曰大庭氏古國名在城內魯於其處作庫

中央氏

上中

閩本無

朱襄氏 上中

見呂氏春秋高誘曰朱襄氏古天子炎帝之別

號

葛天氏 上中

見呂氏春秋高誘曰葛天氏古帝名

陰康氏 上中

呂氏春秋云昔陰康之始陰多滯伏而湛積水

道壅塞不行其次民氣鬱闕而滯著筋骨瑟縮不達故作爲舞以宣導之

亡懷氏 上中

見莊子鄭德曰古之王者在伏羲前

悉諸 上中

高誘曰悉姓諸名也

歸臧氏 上中

臧古藏字

蚩尤 下下

大戴禮用兵篇云蚩尤庶人之貪者也

倉頡 上下

書序疏云倉頡司馬遷班固韋誕宋忠傳休奕皆

云黃帝之史官也崔瑗曹植蔡邕索靖皆直云古之王者徐
整云在神農黃帝之間譙周云在炎帝之世衛氏云當在庖
犧黃帝之世慎到云在包羲之前張揖云倉頡爲帝王生於
禪通之紀

案祖 上中

一作嫫祖大戴禮云黃帝居軒轅之丘娶于西陵

氏之子謂之嫫祖氏產青陽及昌意

嫫母 上中

說文嫫母都醜也荀子賦篇云嫫母刀父是之

喜也楊倞曰嫫母醜女黃帝時也

大填 上中

新序云子夏對哀公曰黃帝學于大填

力牧 上中

史記集解云班固曰黃帝相

風后 上中

潛夫論云黃帝師風后

鬼與區

上中

見素問

洽淪氏

上中

高誘曰黃帝臣

五鳥

上中

左傳云鳳鳥氏厯正也元鳥氏司分者也伯趙氏

司至者也青鳥氏司啟者也丹鳥氏司閉者也

五鳩

上中

左傳云祝鳩氏司徒也睢鳩氏司馬也爽鳩氏司

寇也鵲鳩氏司事也

昌僕

上中

大戴禮云昌意娶于蜀山氏蜀山氏之子謂之昌

濮氏產顓頊

顓頊帝高陽氏

上上

大戴禮云孔子曰顓頊黃帝之孫昌意

之子也曰高陽

女祿

上中

大戴禮云顓頊娶于滕氏滕氏奔之子謂之女祿

氏產老童

嬌極

上中

大戴禮云老童娶于竭水氏竭水氏之子謂之高

綱氏產重黎及吳回是嬌極卽高綱矣

允格

上中

閩本作允貉

柏夷亮父

上中

呂氏春秋云顓頊師伯夷父

緣圖

上中

新序云顓頊學於緣圖

帝嚳高辛氏

上上

史記作帝侖大戴禮云孔子曰元囂之孫

蟠極之子也曰高辛

姜原

上中

說文嫫台國之女周棄母字也大戴禮曰姜嫫有

郃氏之女也產后稷

簡湯

上中

說文城帝高辛之妃僕母號也大戴禮曰有城氏

之女也曰簡狄狄與易古字同狄邊亦通

祝融

上中

潛夫論云帝嚳師祝融

陸終

上中

大戴禮云吳回產陸終

女潰

上中

大戴禮云陸終娶于鬼方氏鬼方氏之妹謂之女

隤氏產六子孕而不粥三年啟其左脅六人出焉其一曰樊
是爲昆吾其二曰惠連是爲參胡其三曰箴是爲彭祖其四
曰萊言是爲云鄒人其五曰安是爲曹姓其六曰季連是爲
芊姓

赤松子

上中

新序云帝嚳學于赤松子其說與班氏合張良

傳注云赤松子仙人號也神農時爲雨師服水玉教神農能
入火自燒至昆山上常止西王母石室隨風雨上下炎帝小

女追之亦得仙俱去疑別是一人非帝嚳師

柏招

上中

呂氏春秋云帝嚳師伯招

陶唐氏

上上

以前後證之疑脫帝堯二字大戴禮云孔子曰

高辛氏之子也曰放勳

女皇

上中

大戴禮堯娶于散宜氏之子謂之女皇氏

朱

下中

說文絳純赤也虞書丹朱如此

女志

下中

世本鯀娶有辛氏女謂之女志是生高密宋衷曰

高密禹所封國

鯀

下下

大戴禮云鯀娶于有莘氏有莘氏之子謂之女志氏

產文命

尹壽

上中

荀子大略篇堯學于尹疇新序作尹壽疇壽古字

通

許繇

上中

呂氏春秋曰帝舜師許由章懷注崔駰傳云許由

字武仲

子州支父

上中

呂氏春秋曰帝堯師子州父高誘曰州一作

支

帝舜有虞氏

上上

大戴禮孔子曰螭牛之孫瞽叟之子也曰

重華

娥皇

上中

帝堯之女

敫手

上中

說文云舜女弟名敫首

女瑤

上中

一作女英大戴禮帝舜娶于帝堯之子謂之女瑤

氏瑤與聲相近

姑人

上中 左傳石癸曰姑吉人也后稷之元妃也

石戶之農

上下 舜友見呂氏春秋

北人無擇

上下 見呂氏春秋

雒陶

上下 戰國策注作雄陶

續身

上中 呂氏春秋孝行覽云堯舜得伯陽續耳然後成

柏陽

上下 呂氏春秋及戰國策注作伯陽

柏益

上中 案史記秦本紀云大業娶女華女華生大費大費

佐禹平水土輔舜馴鳥獸舜妻以姚之玉女是曰柏翳爲秦

之先竹書紀年夏啟卽位二年費侯伯益出就國伯益爲人

名則大費爲國名益翳聲相近漢書伯仲之伯皆作柏書作

伯益史記作柏翳律厤志作化益鄭氏詩譜作伯翳書言平

水土指暨奏鮮食之事史言馴鳥獸指掌火作虞之事其實

卽一人也

女趨

上中

大戴禮云禹娶于塗山氏塗山氏之子謂之女嬌

氏產啟

六卿

上下

見甘誓

允

中上

卽征羲和之允侯鄭元曰臣名

逢門子

下中

呂氏春秋作蠡蒙高誘曰羿弟子也

韓浞

下下

左傳作寒浞段借字

槐

中中

南雍本閩本注杼子此脫

芒

上下

鄒誕生音荒

泄

上下

史記云芒子

不降上下 史記云泄子

廬中上 史記云局子

皋下上 卽夏后皋

關龍逢上下 桀之臣也忠諫而死潛夫論云豢龍逢以忠諫

桀殺之

于辛下中 呂氏春秋桀用羊辛小顏注人表序以爲桀之勇

人

仲虺上下 荀子堯問篇作中藟史記作中囀

逢公柏陵中上 殷諸侯姜姓

有藝氏上中 史記作有莘氏南雍本閩本有師古曰藝與辛

同七字今脫

義伯

上下

尚書作誼伯陸德明云本亦作義

費昌

中上

伯益之後爲湯御者

終古

中上

見呂氏春秋

中衍

中上

潛夫論作仲衍云嬴姓鳥體人元爲夏帝大戊御

中丁

中上

大戊弟 史記作大戊子

祖乙

上中

河亶甲弟 史記作河亶甲子

沃甲

中上

史記作開甲

小辛

上下

盤庚子 史記作盤庚弟

甘盤

上中

史記燕世家作甘般

飛廉

下下

紂時邪佞人孟康曰飛廉善走

惡來

下下

潛夫論費仲生惡來武王伐紂并殺惡來

梅伯

中上

殷諸侯也見呂覽

邢侯

中上

邢當作邢史記殷本紀九侯鄂侯徐廣曰鄂一作

邢音于野王縣有邢城

鬼侯

中上

殷諸侯也見呂氏春秋史記作九侯徐廣曰一作

鬼侯

太師摯等八人

上下

古今人表及禮樂志竝以爲紂時人唯

孔安國以爲魯哀公時人後儒因之

伯達伯适等八人

中上

案國語詢于八虞賈侍中唐尙書竝

云八虞周八士皆在虞官伯達伯适仲突仲忽叔夜叔夏季
隨季騮也予攷逸周書有南宮百達南宮忽疑卽八士中人
矣

辛甲

上下

紂臣七十五諫而去

祭公

上中

梁玉繩曰表有畢公而無榮公此祭公當是榮公

之譌

向摯

上下

殷史

見呂氏春秋閏本作殷太史

大姬

上下

武王妃

據張晏說大姬巫怪好祭鬼神陳人化之

國多淫祀乃在第三是大姬爲陳胡公妃非武王妃矣

曹叔振鐸

上下

逸周書作叔振

毛叔鄭

上下

逸周書作毛伯鄭

聃季載

上下

史記管蔡世家作聃季聃古聃字

右史戎夫

中上

竹書紀年以爲穆王時人

南宮髦

上下

髦尙書作毛

晉侯燹

中中

左傳所謂燹父也

衛康叔

中下

封子

世家云康叔卒子康伯立此當作康伯

魯孝公

中中

律志作考公就史記就作酉

魯煬公

中中

孝公子律志作考公弟

造父

中下

潛夫論云造父以善御事周穆王穆王游西海忘

歸于是徐偃王作亂造父御一日千里以征之王封造父于

趙城因以為氏

徐隱王

中下

隱偃聲相近

伯璽

中上

尚書作冏

衛建

中中

閩本建作逮

楚熊錫

中下

盤子

世家作熊楊以為熊勝之子世表作熊煬

宋愍公

中下

共公子

世家作湣公丁公子

密母

中上

密康公之母列女傳云姓隗氏

魯魏公

下下

世本及律志竝作微公微魏古字通

宋弗父何

上上

南雍本閔本是上下

衛貞伯

中下

索隱曰世本作箕伯

中山父

上下

卽樊侯仲山甫

申伯

上下

周宣王元舅

伯陽父

中上

韋昭曰周大夫唐固曰周柱下史老子也

伯御

下下

紂懿公而自立

師服

中上

晉大夫

蔡夷侯

中中

重出前第七等已有蔡夷侯

張中上中 是孝友之張仲也

程伯休父上下 潛夫論云爲宣王大司馬司馬遷曰當宣王

時官失其守而爲司馬氏

司徒皮下下 皮番聲相近

陳文公中下 案陳文公之上閩本有宋正考父在第三等此

本及南雍本皆脫

曹嚴公亦姑中下 史記世家作夕姑年表作射姑

衛太子伋上下 左傳作急子

楚保申中上 閩本無申字

駐錫中中 駐當作騅南雍本閩本皆不誤

辛甲中中 閩本無此人南雍本有之

遼章

中下

潛夫論薦章者王子無鈞也

右公子職

下上

案右公子職當與左公子泄同等今左居六

等右居七等傳寫誤

雍人稟

下中

左傳作雍廩

管仲

上中

韋昭注國語云管夷吾齊卿姬姓之後管嚴仲之

子敬仲也

鮑叔牙

上下

韋昭注國語云齊大夫姒姓之後鮑敬叔之子

叔牙也

甯戚

上下

呂氏春秋云管子曰墾田大邑辟土藝粟盡地力

之利臣不若甯邀請置以爲大田高誘曰甯邀甯戚

王子成父

上下

呂氏春秋云管子曰平原廣城車不結軌土

不旋踵鼓之三軍之士視死如歸臣不若王子成父請置以

爲大司馬

宋愍公捷

下中

南雍本閩本注嚴公子三字

魯曹劌

上下

史記管仲傳作曹沫

鄭文公接

中下

左傳接作捷接古字通說文有此接字

曹昭公班

中下

作詩

鄭氏詩譜云昭公好奢而任小人曹之

變風始作

衛宏寅

懿公時人呂氏春秋作宏演

虢叔

下上

叔當作射南雍本閩本不誤

宋襄公

下上

成公子

前已有宋襄公矣此當云成公襄公子

轉寫誤耳

遠章

中下

潛夫論薦章者王子無鈞也

右公子職

下上

案右公子職當與左公子泄同等今左居六

等右居七等傳寫誤

雍人稟

下中

左傳作雍廩

管仲

上中

韋昭注國語云管夷吾齊卿姬姓之後管嚴仲之

子敬仲也

鮑叔牙

上下

韋昭注國語云齊大夫姒姓之後鮑敬叔之子

叔牙也

甯戚

上下

呂氏春秋云管子曰墾田大邑辟土藝粟盡地力

之利臣不若甯邀請置以爲大田高誘曰甯邀甯戚

王子成父

上下

呂氏春秋云管子曰平原廣城車不結軌土

不旋踵鼓之三軍之士視死如歸臣不若王子成父請置以爲大司馬

宋愍公捷

下中

南雍本閩本注嚴公子三字

魯曹劌

上下

史記管仲傳作曹沫

鄭文公接

中下

左傳接作捷接捷古字通說文有此接字

曹昭公班

中下

作詩

鄭氏詩譜云昭公好奢而任小人曹之

變風始作

衛宏寅

懿公時人呂氏春秋作宏演

虢叔

下上

叔當作射南雍本閩本不誤

宋襄公

下上

成公子

前已有宋襄公矣此當云成公襄公子

轉寫誤耳

華州 中上

州與周古字通地理志西河平周路博德傳作平

州人

卞嚴子 上下

東方朔傳作弁嚴子

弁卞同杜欽傳小弁作小卞

陳不占 中上

與崔杼同時見新序

衛右宰穀臣 中上

左傳無臣字

厚摩 中上

合成子爲一字誤

狐丘子林 中上

子產之師也呂氏春秋作壺丘子林狐壺古

字通

韓宣子厥 中下

前第四等已有韓獻子厥疑此有誤字

老子 中上

閩本老子在第一疑是唐人所改

梁丘據 下中

南雍本閩本第七等俱有齊景公杵臼及注嚴

公弟共八字在梁上據之上此脫

商瞿上下 史記云字子木

季次上下 史記公皙哀字季次家語作公哲克

公良上下 史記作公良孺字子正

公肩子中上 史記有公堅定字子中

子石中上 卽公孫龍

江上丈人中上 見呂氏春秋

沈尹戌中下 潛夫論云左司馬戌者莊王之曾孫也

蔡昭侯下中 南雍本聞本第七等俱有秦惠公及注哀公孫

共六字在蔡昭侯之上此脫

屠羊說中中 見莊子

顏燭雛

中中

見呂氏春秋

郵亡恤

王良

並中中

郵亡恤王良郵無正郵良實一人也

此分爲二人未詳

柏樂

中中

秦穆公時人楚詞云驥躊躇於敝輦遇孫陽而得

代王逸曰孫陽伯樂姓名也

范蠡

上下

高誘曰蠡字少伯楚人也

大夫種

中上

高誘曰姓文名禽楚鄞人

葉公子高

上下

潛夫論云葉公諸梁者戍之第三弟也

屈固

中下

史記伍子胥傳云石乞從者屈固負楚惠王亡走

昭夫人之宮

嚴善

中中

楚白公同時人新序作莊善

達巷黨人

上下

董仲舒傳云此無異於達巷黨人不學而自

知也孟康曰人項橐也

顏柳

上下

史記顏幸字子柳

公肩瑕

中上

見禮記檀弓篇

陳弃疾

中下

鄭康成曰棄疾楚公子棄疾也以魯昭八年帥

師滅陳縣之楚人善之因號

工尹商陽

中下

鄭康成曰工尹楚官名

青荇子

中上

趙襄子參乘有青荇見呂氏春秋

太史屠黍

上下

晉出公時人見呂氏春秋

韓文侯

中下

南雍本閩本俱有列侯子三字

趙敬侯

中下

列侯子 列當作烈

杜摯

中中

見商君傳

馮赫

中中

國策作郝

犀首

中中

卽公孫衍也司馬彪曰犀首魏官

甘茂

上下

國策作甘茂

任鄙

中上

秦力士

令尹子椒

子蘭

並中下

新序作令尹子蘭司馬子椒

燕武成王

下上

脫四十一世四字

漢書辨疑卷十一終

萍鄉文廷俊番禺黎永椿鄭權林國贊校字

漢書辨疑卷十二

嘉定錢大昭撰

律厯志上

北平侯張蒼首律厯事 張蒼傳云蒼尤好書無所不觀無所不通而尤邃律厯

徵天下通知鐘律者百餘餘人 上餘字當作有本紀元始五年徵天下通知鐘律教授者在所爲駕一封軺傳遣詣京師徑象乾律黃鐘之一而長象坤呂林鐘之長 律率也所以率氣令生也呂旅也旅宣陽氣也六律爲陽六呂爲陰凡十有二陽足以包陰故單言六律陽足以統陰故呂亦稱律

職在太史義和掌之 元始元年王莽置義和官此用劉歆原

文故言掌于義和

商之爲言章也物成熟可章度也 漢紀云商者量也物盛而可量度也商量音近而義亦相成然說文商从章省聲此志又云聲章于商則章義更爲精也

羽宇也物聚臧宇覆之也 月令正義引曰羽聚也聚藏宇覆之也案下云聲宇於羽則聚字非是

制十二筦以聽鳳之鳴 月令疏引此文鳳下有皇字注律得風氣而成聲 閩本律作物

始於子在十一月 乾初九也辰在星紀

呂旅也 呂旅義同故說文云呂篆文作𠂔

位於丑在十二月 坤六四也辰在元枵

族奏也言陽氣大奏地而達物也 國語云太簇所以金奏贊

陽出滯亦此意

位於寅在正月 乾九二也辰在姤訾

夾鐘 月令疏引此文夾鐘下有鐘種也夾助也六字

位於卯在二月 坤六五也辰在降婁

姑洗洗絜也 月令疏引作洗之言絜也荀紀云姑固也

位於辰在三月 乾九三也辰在大梁

旅助姑洗 方言云膂力也旅有助義故言旅助

位於巳在四月 坤上六也辰在實沈

賓導也 賓爲古文賓見儀禮鄉飲酒禮注故訓爲導

位於午在五月 乾九四也辰在鶉首

位於未在六月

坤初六也辰在鶉火

位於申在七月

乾九五也辰在鶉尾

位於酉在八月

坤六二也辰在壽星

位於戌在九月

乾上九也辰在大火

位於亥在十月

坤六三也辰在析木

大族爲人統律長八寸象八卦

案韋昭注國語云律長七寸

九分寸之一與此不同然志又云黃鐘林鐘大族皆律長全

寸而無餘分則韋說非是

申堅於申

釋名申身也物皆成其身體各申束之使備成也

出甲於甲

釋名甲孚甲也萬物解孚甲而生也

斂更於庚

斂月令疏引作改案釋名庚猶更也庚堅強貌也

據此是堅強者可以收斂斂字是

參分損一下生參分益一上生 鄭注周禮太師云黃鐘初九也下生林鐘之初六林鐘又上生太族之九二太族又下生南呂之六二南呂又上生姑洗之九三姑洗又下生應鐘之六三應鐘又上生蕤賓之九四蕤賓又下生大呂之六四大呂又上生夷則之九五夷則又下生夾鐘之六五夾鐘又上生無射之上九無射又上生中呂之上六同位者象夫妻異位者象子母所謂律娶妻而呂生子也黃鐘長九寸其實一龠下生者三分去一上生者三分益一五下六上乃一終矣大呂長八寸二百四十三分寸之一百四太族長八寸夾鐘長七寸二千一百八十七分寸之千七十五姑洗長七寸九

漢書律曆志卷十二
分寸之一中呂長六寸萬九千六百八十三分寸之萬二千
九百七十四蕤賓長六寸八十一分寸之二十六林鐘長六
寸夷則長五寸七百二十七分寸之四百五十一南呂長五
寸三分寸之一無射長四寸六千五百六十一分寸之六千
五百二十四應鐘長四寸二十七分寸之二十

職在大樂太常掌之 太常屬官有大樂令丞

職在內官廷尉掌之 內官長丞初屬少府中屬主爵後屬宗

正蓋莽秉政時又改屬廷尉矣

合龠爲合 說文升十龠也此云合龠卽一龠也下云龠者合

龠之量也故曰合龠爲合廣雅云龠二爲合二當爲一字之

誤耳

職在太倉大司農掌之 大司農有太倉令丞

斤者明也 周頌執競云斤斤其明爾雅釋訓云明明斤斤察也

矩者所以矩方器械 聞本無所以二字

北伏也 五帝本紀集解引尸子曰北方者伏方也

西遷也陰氣遷落物 白虎通德論云西方者遷方也萬物遷落也

秋讞也物讞斂乃成孰 鄉飲酒義云西方者秋秋之爲言愁也鄭注愁讀爲捰捰斂也

東動也 說文亦云東動也

宦者瀄于陵渠 瀄于姓陵渠名也戰國時有瀄于髡公卿表

有定陵侯淳于長後漢有淳于瓊

究其微眇師古曰眇讀曰妙 案元帝贊窮極幼眇藝文志樂
尤微眇師古皆讀曰妙易說卦妙萬物而爲言者也王肅本
妙作眇音妙是眇本古妙字

天數二十有五地數三十 二十有五者總一三五七九爲二
十有五三十者總二四六八十爲三十也

律厯志下

統月萬九千 監本閩本統月下有一字

統中萬八千四百 監本閩本統中下有一字

見中法千五百 監本閩本見中法下有一字

積月十三月餘萬五千 監本閩本月餘下有一字

積中十中餘千七百 閏本中餘下有一字

夕中分萬八千 閏本分下有一字

夕閏分萬五百 閏本分下有一字

則太陽大周爲萬三千八百 閏本爲下有一字

伏日行不盈十五分度三百 閏本無百字

歲術推歲所在置上元以來外所求年 歲術二字當另爲一

行推歲所在當與下相屬

星紀初斗十二度大雪中牽牛初冬至終于婺女七度

大雪十一月節也時日在斗十二度冬至十一月中也時日
在牽牛初度下放此

小寒 十二月節

大寒 十二月中十二月極寒之時相對爲大小月初寒爲小月半寒爲大

立春 正月節

驚蟄今日雨水雨水今日驚蟄 驚蟄者蟄蟲驚而走出也雨

水者言雪散爲雨水也今日者依四分術改之淮南子先雨水後驚蟄鄭注月令云夏小正正月啟蟄漢始亦以驚蟄爲正月中雨水爲二月節正義云漢之時立春爲正月節驚蟄爲正月中氣雨水爲二月節春分爲正月中氣至前漢之末以雨水爲正月中驚蟄爲二月節案四分術以雨水爲正月節中驚蟄爲二月節蔡邕月令章句孟春以立春爲節驚蟄爲中從古法也

穀雨今日清明清明今日穀雨 穀雨三月節言雨以生百穀也清明三月中言物生清淨明絜

立夏 四月節

小滿 四月中言物長于此小得盈滿也

芒種 五月節言有芒之穀可稼種也

夏至 五月中

小暑 六月節

大暑 六月中就極熱之中分爲大小月初爲小月半爲大也

立秋 七月節

處暑 七月中言暑氣將退伏而漸處也

白露 八月節陰氣漸重露濃色白也

秋分 八月中

寒露 九月節言露氣寒將欲凝結也

霜降 九月中

立冬 十月節

小雪 十月中以霜雨凝結而雪十月猶小十一月轉大也

我高祖少昊繫之立也 繫監本閩本皆作摯

元蹠之孫也生木故 生上脫水字木下衍故字監本閩本皆

不誤

金天氏高陽氏高辛氏皆云周興其樂故易不載

鄭注周易云金天高陽高辛遵黃帝之道無所改作故不述

見周禮疏

夏后氏四百三十二歲 漢紀作四百四十二年

以冬至越弗祀先王于方明 弗與紼同禮記曰唯祭宗廟爲

越紼而行事紼是引車索言不以私喪廢公祀

終六府首 府蒨聲相近

故傳曰歲在鶉火 傳卽春秋外傳周語

丙午還師 詩大明疏引作逮師

王乃洮沫水 沫顧命作類馬融云類類面也說文沫洒面也

从水未聲順古文說文無類字類與古文沫相似當卽順字

之譌

子考公就立酋 案此與下文微公弗立潰厲公翟立擢慎公

執立嚳懿公被立戲悼公曼立宣穆公衍立顯文義相同猶

言就或爲齒耳後放此

釐公五年正月辛亥朔旦冬至殷厯以爲壬子 三史拾遺曰
案隋志載春秋命厯序魯僖公五年天正壬子朔旦日至成
公十二年天正辛卯朔旦日至昭公二十年天正庚寅朔旦
日至竝與殷厯合蓋乾鑿度考靈曜命厯序諸緯皆殷厯也
命厯序言孔子脩春秋用殷厯使其數可傳于後

堊人舉出而與之 出左氏傳作塊說文出正字塊或體字

歲在大棗之東并二十二度鶉首之六度也 三史拾遺曰六
度當作七度置積年滿歲星歲數去之其餘歲一千三百廿
九以百四十五乘之盈百四十四而一得積次一千三百三
十八次餘三十三以十二去積次餘數六起星紀算外則歲

在鶉首也又以三十乘次餘盈百四十四而一得積度六起并十六度算外得歲在東井二十二度太強實鶉首之七度也

高帝著紀卽位八年 帝字誤監本閩本皆作后

禮樂志

妒忌之別 別漢紀作心

背死忘先者眾 經解先作生

安上治民莫善於禮 說文善吉也从言从羊善篆文

盛揖攘之容 說文攘推也讓相責讓也讓援臂也曲禮云左右攘辟鄭注攘古讓字然則揖讓字古作攘譙讓字古作讓攘臂攘羊字古作讓歟

言能勾先祖之道 勾漢紀作酌

鐘鼓鐃鐃磬管鏘鏘 今詩鐃作隍鏘作將將古字也鏘字說文所無

大祝迎神於廟門奏嘉至 案嘉至永至登歌休成永安皆叔孫通所制樂章篇名

奏永至 永荀悅漢紀作祀

采詩夜誦有趙代秦楚之謳師古曰夜誦者其言詞或祕不可宣露故於夜中歌誦 案小顏說非也夜誦官名員五人古宮掖之掖亦作夜因誦於宮掖之中故謂之夜誦下文云內有掖庭才人外有上林樂府皆以鄭聲施于朝廷是也後漢馬廖傳願置章坐側以當瞽人夜誦之音章後注亦誤

七始華始 七始律厯志引書曰予欲聞六律五聲八音七始詠以出內五言女聽是也

桂華馮馮翼翼 此上二字疑是練時日帝臨青陽之類所以記章數也但存桂華美若二章之名其餘俱脫去耳

美芳磴磴卽卽 依前說則美芳當作美若予又疑美芳上脫二字卽是桂華有此一句則磴磴卽卽正與上德福爲韻師象山則句是衍文因下章有此句而誤衍於此二說不同姑兩存之以就正知者

郊祀歌十九章 是司馬相如等所作略定律呂以合八音之調

曳阿錫 說文絺細布也其字从糸古亦通用錫燕禮云霜用

給若錫鄭注今文錫爲錫又喪服傳云錫者何也麻之有錫者也

神奄畱臨須搖 須搖卽須臾搖與聲相近

卉汨臚析奚道 道監本問本皆作遺

掩回轅驕長馳 說文驕驕長兒讀若曼

赤雁集六紛員 紛員卽紛紜員云古字通

謁者常山王禹世受可閒樂 可當作河藝文志河閒獻王與

毛生等共采諸子言樂事者以作樂記其內史丞王定傳之以授常山王禹是其事也

河閒區區不國藩臣 不疑下字之譌

嘉至鼓員十人 嘉至樂章名迎神廟門所奏

諸族樂人兼雲招給祠南郊師古曰招讀與翹同 魏氏繆襲

議云漢有雲翹育命之舞不知所出舊以祀天

給盛德 盛德卽孝武廟所奏盛德文始四時五行之舞

豪富吏民湛沔自若 湛沔與沈湎同

刑法志

夫人宵天地之類 說文兒頌儀也兒或作類从頁豹省聲

從之成羣是爲君矣 荀子王制篇云君者善羣也春秋繁露

滅國篇云君者不失其羣者也又曰君者羣也白虎通義云

君羣也羣下之所歸心也

歸而往之是爲王矣 韓詩外傳云王者往也天下往之謂之

王春秋繁露滅國篇云王者民之所往能使萬民往之無敵

于天下說文解字王天下所歸往也

成十爲終終十爲同 終荀紀作眾古字通

是謂千乘之國 漢舊儀九夫爲井四井爲邑四邑爲丘四丘

爲乘乘則具車一乘四馬步卒三十六人千乘之國馬四千

匹步卒三萬六千人爲三軍大國也次國二軍小國一軍

皆身誅戮於前而功滅亡於後 功監本閩本作國

懣之以行 懣左氏傳作聳說文懣懣也从心雙省聲春秋傳

曰駟氏懣懣卽懣也小顏訓懣爲獎非是

詩曰儀式刑文王之德 左氏傳同今詩作典

百姓新免毒蠹 說文蠹螫也从虫今从𧈧同

完爲城旦春滿三歲爲鬼薪白粲 漢舊儀云凡有罪男髡鉗

爲城旦城旦者治城也女爲舂舂者治米也皆作五歲完四歲鬼薪三歲鬼薪者男當爲祠祀鬼神伐山之薪蒸也女爲白粲者以爲祠祀擇米也皆作三歲罪爲司寇司寇男備守女爲作如司寇皆作二歲男爲戍罰作女爲復作皆一歲三月

將以禁暴惡且懲其末也 荀子作徵其末楊倞曰徵讀爲懲未謂將來案徵古懲字魯頌荆舒是懲史記建元以來侯者表引作荆荼是徵

不祥莫不矣焉 矣字衍荀子及漢紀皆無

故治則刑重亂則刑輕李奇曰世所以治者乃刑重也所以亂者乃刑輕也 案李說非也楊倞以爲治世刑必行則不敢

犯故重亂世刑不行則人易犯故輕其說得之

以死罔民失本惠矣 惠漢紀作意

食貨志上

耒呂之利以教天下 南雍本閩本作耒耨

田中不得有樹用妨五穀 齊民要術注云五穀之田不宜樹
果諺曰桃李不言下自成蹊匪直妨耕種損禾苗抑亦惰夫
之所休息豎子之所嬉游

殖於疆易 詩作場非古字

還廬樹桑 公劉詩毛傳云廬寄也說文廬寄也秋冬去春夏
居釋名寄止曰廬廬慮也取自覆慮也廬在田中故詩曰中
田有廬農功已畢乃居於里

四之日舉止 詩七月篇作舉趾案士昏禮云皆有枕北止鄭
注止足也古文止作趾說文止下基也象艸木出有址故以
止爲足

嗟我婦子聿爲改歲 詩七月篇聿作曰案曰與聿古通敘傳
幽通賦吹中龢爲庶幾兮師古曰吹古聿字

古之治天下至熾至悉也 說文熾銳細也

始造苑馬以廣用 邊郡有六牧師苑養馬三十萬匹

又加月爲更卒已復爲正一歲屯戍一歲力役三十倍於古

隸釋衛宏漢官舊儀民年二十三爲正一歲爲衛士一歲爲
材官習射御騎馳戰陳又曰民給正衛材官年五十六老衰
乃能免爲民

故平都令光教過以人輓犁 崔寔政論云武帝以趙過爲搜

粟都尉教民耕殖其法三犁共一牛一人將之下種挽耬皆

取備焉日種一頃至今三輔猶賴其利

齊民要術引

食貨志下

市井子孫亦不得宦爲吏 閩本宦作官南雍本作爲官吏

法使天下公得顧租鑄銅錫爲錢 錫字疑衍

蕭然煩費矣 蕭然卽騷然蕭騷聲相近

兵連而不解天下共其勞 共讀與供同謂供給其勞役也小

顏訓共爲同非是

蠻夷因已數攻吏吏發兵誅之 南雍本閩本俱不重吏字

自孫弘已春秋之義繩臣下 南雍本閩本自下俱有公字

令不得摩取鉛 鉛當作銔銔銅屑也

天下既下緡錢令 天字下之下字疑是子字

益廣開 開平準書作關徐廣曰元鼎三年徙函谷關于新安

東界

令封君以下至三百石吏以上差出牡馬 牡當作牝昭帝始

元五年罷天下亭母馬是也

分部主郡國各往往置均輸鹽鐵官 河東有均輸長郡國有

鹽官者三十六有鐵官者五十皆桑弘羊請置

如異時商賈所轉貶者 貶閩本作販

公龜九寸直五百 禮器疏引此文九寸下有以上二字

鐵曰農之本 曰疑當作田

鐵布銅冶 閩本鐵作錢

野有餓莩而不發 今孟子莩作殍張有復古編云受物落上
下相付也一曰餓死曰受从爪又別作殍莩莩竝非

漢書辨疑卷十二終 泮鄉文廷俊番禺黎永椿鄭權林國贊校字

漢書辨疑卷十三

嘉定錢大昭撰

郊祀志上

揖五瑞 尙書作輯史記及魏脩孔子廟碑竝作揖古字通
故作畦時櫟陽而祀白帝 太康地理志云時在櫟陽故城內
其時若畦故爲畦時此司馬貞說也較顏注爲優

昔文公出臘 臘南雍本閩本皆作獵

來僂人羨門之屬 來南雍本閩本皆作求

蚩尤在東平陸監鄉齊之西竟也 案續漢志東平陸有闕亭
劉昭曰左傳桓十一年會于闕杜預曰在須昌縣東南有闕
城博物記云卽此亭是也大昭案監與闕古字通齊太公世

家監止有寵焉索隱云左氏監作闕田齊世家亦作監止東平陸與東郡之壽良接壤故地理志蚩尤祠在壽良

最居齊東北陽 陽史記作隅

元尙羨門高 元史記作充

而刻勒始皇所立石書旁 刻字閩本作胡亥二字

諸侯疾秦焚詩書 閩本秦下有皇字

唯雍四時上帝爲尊 時南雍本閩本竝作時

秋涸凍冬賽祠 賽閩本作塞塞古賽字

故常以十月上宿郊見李奇曰上宿上齋戒也 閩本上齋戒

作月上旬閩本是

通權火張晏曰權火爓火也如淳曰權舉也師古從如說 惠

士奇曰郊見通權火蓋燔柴之遺法甘泉賦欽柴宗祈燎熏
皇天舉浩頤樹靈旗樵蒸焜上配藜四施東燭滄海西耀流
沙北燭幽都南煬丹厓所謂通權火也惠說是張如顏三說
皆非是

祠天地天社天水房中當上之屬 當上史記作堂上南雍本

閩本與史記同下云荆巫祠堂則梁巫祠堂上矣

其令天下立靈星祠 詩絲衣序云高子曰靈星之尸也未知

卽此靈星與否

以郊見渭陽五帝五帝廟臨渭 閩本不重五帝二字

樂成侯登 史記無登字徐廣曰姓丁名義

鴻漸于般 今本周易作磐案屯初九磐桓利居貞隸釋仲秋

下句碑作般桓知磐字古作般也

鼎宜視宗禰廣臧於帝庭 廣南雍本閩本作廟蓋其字本作
廟而譌爲廣耳廟古文廟字

黃帝得寶鼎冕候 冕候史記作宛胸

有星孛於三能 樂記注云古以能爲三台字王莽傳云三能

文馬

郊祀志下

封則天旱乾封三年 旱閩本作下

登禮濤之天柱山號曰南嶽 初學記引盛弘之荊州記云衡

山者五嶽之南嶽也其來尙矣至於軒轅乃以濤霍之山爲
副焉故爾雅曰霍山爲南嶽蓋因其副焉至漢武南巡又以

衡山遼遠道隔江漢於是乃徙南嶽之祭於廬江潯縣亦承
軒轅副義也案白虎通德論及說文解字諸書皆以霍山爲
南嶽蓋就漢制言之爾雅霍山爲南嶽之文亦是漢人附益
至霍山爲副之說並無證據不足信矣應劭風俗通義乃謂
衡山一名霍山牽合漢制以傳會經義失之遠甚

濟南人公玉帶

漢韓敕碑陰有公玉虎楊震碑陰有勃海公

王子舉

井幹樓高五十丈師古曰幹或作韓

案作韓者是說文韓井

垣也从韋取其巾也軌聲

禪凡山

五帝本紀東至于海登丸山徐廣曰丸一作凡裴駰

案地理志丸山在琅邪朱虛縣索隱作凡音扶嚴反正義音

恒括地志丸山卽丹山在青州臨朐縣界朱虛故縣西北二十里據此則丸凡卽是一山其字當爲丸矣

雍縣無雲如雷者三 如讀與而同

東嶽泰山於博 博泰山縣

中嶽泰室於嵩高 嵩高潁川縣

南嶽瀋山於瀋 瀋山天柱山也亦謂之霍山爾雅大山宮小

山霍天柱中峯小四面有大山以環繞之宮之象也故謂之

霍瀋廬江縣

西嶽華山於華陰 華陰京兆縣西嶽華山廟碑云孝武皇帝

脩封禪之禮思登遐之道巡省五嶽禋祀豐備故立宮其下

宮曰集靈宮殿曰存僊殿門曰望僊門中宗之世重使使者

持節祀焉歲一禱而三祠

大王建國於郊梁 說文郊周大王所封在右扶風美陽中水鄉或作岐因岐山以名之

博問耆老意舊臧與 意讀與抑同

長一寸所 所猶許也許所古字通小雅伐木許許說文引作伐木所所又疏廣傳數問其家金尙有幾所顏監曰幾所猶言幾許

今行常幸長安 閩本無行字

遣侯者乘一乘傳馳詣行在所 閩本南雍本無乘一兩字
不可或以神怪 或古惑字下放此

是故每奉其禮 奉南雍本閩本俱作舉

盡復前世所常興諸神祠官 閩本無諸字

後平伏誅 閩本伏下有詐字

始立泰一祠于甘泉二歲一郊 二歲南雍本閩本作三歲

周官天墜之祀 說文籀文地从隊从土淮南子墜形訓亦用

籀文

海廣大無限界 閩本廣大下有而字

北方帝顓頊黑靈玄冥時及月廟雨師廟辰星北宿北宮于北

郊兆奏可劉原父曰兆奏兆字衍 按周禮春官小宗伯兆

五帝于四郊注云兆爲壇之營域說文兆畔也爲四時界祭

其中言月廟雨師廟之屬皆在北郊營域之中與上文未墜

兆東郊兆西郊兆南郊兆同皆于兆字斷句劉氏乃于郊字

斷句而謂兆字衍文誤矣

起八風臺於宮中臺成萬金作樂其上順風作湯液 惠士奇
曰按內經黃帝問曰上古聖人作湯液醪醴爲而不用何也
岐伯曰古聖人之作湯液醪醴者以爲備耳故爲而弗服也
中古之世道德稍衰邪氣時至服之萬全當今之世必齊毒
藥攻其中鑱石鍼艾治其外形弊血虛而功不立然則古之
治病未有毒藥鍼石先有湯液醪醴故謂之醫一天二地三
人四時五音六律七星八風九野身形亦應之人出入氣應
風順風作湯液者時則訓所謂服八風水也故王莽起八風
臺作樂其上說者謂八方之風朝會太乙豈其然

言此黃帝穀僊之術也 李少君之穀道疑卽此也李奇以爲

漢書卷一百一十三
三
辟穀不食之道非是

自天地六宗以下至諸小鬼神凡千七百所 案志中所載鬼神名目悉數之不能終漢自孝武信方士之術所祠神靈鑿空無據者多新莽末年媚神尤甚卒以敗亡非所謂淫祀無福者邪今攷地理志所載得三百八十九所謹臚列如左

虎侯山祠 在京兆藍田

太華山祠 在華陰

周天子祠二所 在湖

周右將軍杜主祠四所 在杜陵志云杜主五祠後置其一

故云四所

天齊公五牀山僊人五帝祠四所 在馮翊谷口此天齊公

又是一神也八神中之天齊淵水在臨菑

河水祠 在臨晉

休屠金人及徑路神祠三所 在雲陽

越巫貼鄴祠三所 在雲陽貼當作姑

沂水祠 在扶風郁夷

五時 在雍

太昊黃帝以下祠三百三所 在雍

黃帝子祠 在隄廩

上公明星黃帝孫舜妻盲豕祠 在陳倉

黃帝子周文武祠 在號

垂山斜水雍水祠三所 在武功

天子廟 在河東大陽

堯山首山祠 在蒲反

延壽城僊人祠 在河南緱氏

沛廟 在東郡臨邑

蚩尤祠 在壽良

太室少室山廟 在潁川密高

天柱山祠 在廬江潯

恆山祠 在常山上曲陽

泰山廟 在泰山博

亭亭山祠 在鉅平

蒙山祠 在蒙陰

逢山祠 在齊郡臨朐

之罘山祠 在東萊腫

萊山松林萊君祠 在黃

海水祠 在臨朐

參山萬里沙祠 在曲成

百支萊王祠 在嶺

成山日祠 在不夜

太一僊人祠九所 在琅邪不其

三山五帝祠 在朱虛

四時祠 在琅邪

萊山萊王祠 在長廣

環山祠 在昌

江海會祠 在臨淮海陵

春申君祠 在會稽無錫

黑水祠 在益州滇池

崑崙山祠 在金城臨羌

端旬祠十五所 在安定朝那

湫淵祠 在朝那

五龍山帝原水黃帝祠四所 在上郡膚施

天封苑火井祠 在西河鴻門

天室山祠 在膠東卽墨

三戶山祠 在下密

江水祠 在廣陵江都

天文志

注孟康曰皆日旁氣也 皆閩本作暈

注凡氣食日上爲冠爲戴 食日二字誤南雍本閩本作在日
北斗七星 七星之名西陽雜俎所載與運斗樞不同第一名
執陰第二名執諧第三名視全第四名拒理第五名防許第
六名開寶第七名招搖不知段氏何據

所謂旋璣玉衡以齊七政杓攜龍角衡殷南斗魁枕參首 徐
廣孟康注史漢俱以杓爲斗七星衡爲斗四星魁爲斗一星
其說最明運斗樞乃以一至四爲魁五至七爲杓則衡轉無
屬其說非是

曰文昌宮

潛夫論云文昌奠功司命舉過觀惡深淺稱罪降

罰

房心心爲明堂

後漢書郎顗傳云房心者天帝明堂布政之

宮

房有兩星曰衿

衿元命包作鉤鈐案志又云其後熒惑守房

之鉤鈐鉤鈐天子之御也則此疑亦當爲鉤鈐

火犯守角則有戟房心王者惡之

戟閭本作戰火熒惑也熒

惑犯守箕尾氏自生芒角則有兵戰之事若熒惑犯守房心
及房心自生芒角則王者惡之也

廷藩西有隨星四名曰少微

廷太微三光之廷藩筐衛十二

星也隨讀與墮同

畢曰畢車爲邊兵主弋獵 說文畢田罔也从畢象畢形後漢書蘇竟傳云畢爲天網主網羅無道之君故武王將伐紂上祭于畢求助天也

下有三星銳曰罰 後漢書郎顗傳云罰者白虎其宿主兵其國趙魏

又曰祿星不出三年 祿俗作妖三閩本作五

熒惑爲亂爲成 成南雍本閩本及天官書竝作賊

國得土不迺得女子 不迺得女子者不得土迺得女子也下云不迺失女者不失土迺失女也

房心豫州尾箕幽州 後漢書蘇竟傳云房心卽宋之分東海是也尾爲燕分漁陽是也

夏氏日月傳 夏氏不知何時人藝文志無此書

共下止地類狗所墜 共南雍本閩本皆作其

格澤者如炎火之狀 閩本無如字司馬相如大人賦云建格

澤之脩竿兮

注李奇曰怒當首帑 首南雍本閩本竝作言

去極遠近難知要以晷景 易通卦驗云冬至人主不出宮寢

兵從樂五日擊黃鐘之磬公卿大夫列士之意得則陰陽之

晷如度數夏至之日如冬至之禮冬至之日置八神樹八尺

之表日中視其晷晷如度者其歲美人民和順晷不如度者

則歲惡人民多譎言政令爲之不平晷進則水晷退則旱進

一尺則日食退一尺則月食月食則正臣下之行日食則正

人主之道暑進爲盈暑退爲縮冬至暑長一丈三尺小寒暑
長一丈二尺四分大寒暑長一丈一尺八分立春暑長一丈
一尺六分雨水暑長九尺一寸六分驚蟄暑長八尺二寸春
分暑長七尺二寸四分清明暑長六尺二寸八分穀雨暑長
五尺三寸六分立夏暑長四尺三寸六分小滿暑長三尺四
寸芒種暑長二尺四寸四分夏至暑長一尺四寸八分小暑
暑長二尺四寸四分大暑暑長三尺四寸立秋暑長四尺三
寸六分處暑暑長五尺三寸二分白露暑長六尺二寸八分
秋分暑長七尺二寸四分寒露暑長八尺二寸霜降暑長九
尺一寸六分立冬暑長一丈一寸二分小雪暑長一丈一尺
八分大雪暑長一丈二尺四分

暑過而長爲常寒 過荀紀作進

月有九行者 尙書考靈耀云萬世不失九道謀鄭注引河圖
帝覽嬉與天文志正合廣雅云立春春分東從青道二出黃
道東交于房二度中立夏夏至南從赤道二出黃道南交于
七星四度中立秋秋分西從白道二出黃道西交于胃十二
度中立冬冬至北從黑道二出黃道北交于虛二度中四季
之月還從黃道

食至日跌爲疾跌至晡爲黍 南雍本跌皆作眈疾作稷

故客謂張耳曰東并秦地 并南雍本閩本作井

在觜觿且去益小 且南雍本閩本作旦

且去時大如桃 且閩本作旦

占曰爲白衣之會非秦也 非南雍本閩本作井

有星孛於注張 注卽柳也爾雅釋天昧謂之柳律書云注者

言萬物之始衰陽氣下注故曰注索隱曰注昧也天官書云

柳爲鳥注主木草

元封中星孛于河戌占曰南戌爲越門北戌爲胡門 三史拾

遺曰河戌南戌北戌皆戌字之譌東井西曲星曰戌戌北三

星爲北河南三星爲南河所謂南戌北戌也史記天官書朝

鮮之拔星莠于河戒蓋亦戌字俗儒不通六書譌寫爲戒僧

一行因有兩戒之說謂天下山河之象存乎兩戒且引星傳

北戒爲胡門南戒爲越門之文不知爲戌之譌也

星孛于招搖傳曰 搖字下南雍本閩本俱有星字

東北往數日至往疾去遲 往閩本作佳

河平二年十月 前已云河平元年矣此河平二字疑衍

東方有赤色大三四圍 閩本赤下有白字

王氏之興萌于成帝 南雍本閩本帝下有時字

五行志上

則陰氣協木木先寒 協南雍本閩本作脅

劉向以爲齊桓好色聽女口 左氏傳齊侯好內服虔曰內婦

言也

故致太災 太南雍本閩本作大

釐公二十年五月己酉西宮災 左氏作乙巳南雍本閩本與

左氏同

左氏以爲西宮者公宮也 左傳無此文是左氏說

言宮舉區皆災也 區閩本作國

成居喪亡哀戚心數興兵戰伐 心閩本作宣予謂心下脫宣字

陳蕃輦 輦左氏作揭

妃以五陳 陳左氏作成南雍本閩本與左氏同下文亦云故曰妃以五成

鳳誣章以大逆臯下獄死 臯閩本作章

皇后年六歲而立十三年而昭帝崩 外戚傳皇后立十歲而昭帝崩后年十四五云此十三年疑當作十年三字衍

闕法令所從出也 南雍本閩本闕上有門字

又戾后起于微賤與趙氏同 同字下南雍本閩本皆有應字
不成者眾及爲變怪 及閩本作乃

共殺威公嚴釋父讎 威閩本作桓上文桓字五見此處不應
獨作威閩本是

五行志中之上

左氏使桓公十三年 使南雍本閩本皆作傳

成肅公受賑于社 賑當作賑

朝有著定 著通作𠂔門屏之間也周語云大夫士曰恪位著
以倣其官釋名𠂔𠂔也將見君所𠂔立之處也

注鄭公子士及堵俞彌 士下南雍本閩本有洩字

注高九尺鐵爲卷 尺南雍本閩本作寸

又見大白狗冠方山冠而無尾 昌邑王傳云嘗見白犬高三尺無頭其頸以下似人而冠方山冠

不敬而備霽之所致也 服虔音霽爲人備霽本此

晉爲溴梁之會 閩本晉下有侯字

二卿而五大夫 二閩本作三

趙孟曰天乎 天宋板左氏傳作天

昊天不弔 吳南雍本閩本作旻注同

秦伯使遂來聘 遂西乞術也術遂古字通

還過枳道 枳道卽軹道

檝高后掖師古曰檝謂拘持之 說文揭𦥑持也拘當作揭

擯其服以爲人彘 服當作眼南雍本閩本不誤

京房易傳曰復崩來無咎 陸德明易釋文云朋京房本作崩
後三世周致德祚於秦 陳景雲曰後三世謂顯王之世也致
德祚謂顯王九年致文武胙于秦也以胙爲祚傳寫失之晉
說非

五行志中之下

羊上角下號 號南雍本作蹠

於易五爲天位爲君位 閩本無下爲字

山陽臺茅鄉社有大槐樹 杜預曰茅鄉在高平昌邑縣西

與諸呂同罪 眾南雍本閩本作象

而桓有如媚之心 媚閩本作媚

四月乙亥朔御史大夫朱博爲丞相 公卿表作乙未

少府趙元爲御史大夫 公卿表元由中尉遷非少府也

五行志下之上

則區霽無識師古曰區音口豆反 案區霽卽備霽

王心弗哉 哉閩本作戎說文戎殺也从戈今聲徐鉉音口含
切郭注爾雅引書西伯堪黎堪戎同

是歲二川竭 二閩本作三

陳閔公使使問仲尼 魯語作陳惠公韋昭曰惠公陳哀公之
孫悼太子之子也

遂自賢聖 賢聖閩本作聖賢

正月民驚走持橐 閩本作五月

聚會里巷仟伯設祭張博具 仟伯卽阡陌也閩本無祭字

五行志下之下

史記曰食或言朔而實非朔 曰南雍本閩本作日

襄公十五年八月丁巳日有食之 丁巳下閩本有朔字

文帝三年十月丁酉晦日有食之在斗二十三度 閩本作二

十二度

景帝 案景帝四年十月戊戌晦日有食之中四年十月戊午
日有食之皆見本紀志失載

書曰乃用其婦人之言 此牧誓文也志及谷永傳注師古竝
以爲泰誓疑誤


皆孛星災之所及 炎與燄同後流炎芒炎放此


卷中凡春秋十二公又凡漢著紀十二世又成帝建始元年


閩本皆不提行

漢書辨疑卷十三終

萍鄉文廷俊番禺黎永椿鄭權林國贊校字







漢書辨疑卷十四

嘉定錢大昭撰

地理志上

隨山栳木

栳今作刊借用耳說文栳槎識也夏書曰隨山栳

木栳篆文

中繇木條

說文中艸木初生也古文或以爲艸字繇說文作

繇云艸盛兒

浮于汶達于洌

案上文兗州下文揚州達皆作通此疑亦當

作通

滎波旣豬

波史記作播皆借用字說文潘水名在河南滎陽

禹貢滎潘同稱卽此潘矣

漢書卷一百一
岷嶓既藝

岷閬本作嶓注同下文嶓山皆作嶓閬本是

又東至于荷

荷當依說文作荷

二百里納銍

納南雍本閬本作內上下文皆爲內此納字誤

京兆尹

平帝紀元始四年分京師置前輝光後丞烈二郡

長安

本名咸陽秦所都水北曰陽其地在渭水之北

戶八萬八百口二十四萬六千二百

縣之戶口兼書者惟京

兆之長安馮翊之長陵扶風之茂陵潁川之陽翟僑陵五縣
耳書戶不書口者惟河南之雒陽南陽之宛蜀郡之成都魯
國之魯楚國之彭城五縣其他俱不書戶口

新豐高祖七年置

史記本紀作十年置非也新豐爲太上皇

而設漢之十年太上皇已崩矣

華陰 續志屬恆農

太華山在南有祠豫州山 禹貢山川及職方山鎮巨浸藪澤
志特標明之

鄭 說文鄭周厲王子友所封宗周之滅鄭徙澮洧之上今新
鄭是也

湖 後漢屬恆農劉昭曰前志有鼎湖

故曰胡武帝建元年更名湖 建元下脫一字太平寰宇記作
建元元年

下邳 隴西有上邳故此云下

南陵沂水出藍田谷北至霸陵入霸水 據說文及水經注攷
之是澹水也師古音沂爲先歷反未之攷耳

奉明宣帝置 史皇孫奉明園在此縣本名廣明元康元年改
杜陵故杜伯國 杜伯事見墨子

左馮翊衙 漢蒼頡廟碑作衙

栗邑 薛宣傳云縣小僻在山中

鄜 說文鄜左馮翊縣从邑麋聲俗作鄜非是

頻陽秦厲公置 厲當作其薛宣傳云北當上郡西河爲數郡
湊

臨晉芮鄉故芮國 通典同州馮翊縣古芮國

沈陽 據水經注當作次陽

襄德荆山下有彊梁原 王念孫曰彊梁當作荆渠

長陵 續志屬京兆

陽陵 續志屬京兆

雲陽有越巫酤酈祠三所 三史拾遺曰酤廣韻作酤从卯从
卯皆無意義當是酤之譌說文辜臯也古文作酤周禮大宗
伯以醢辜祭四方百物鄭司農云披磔牲以祭若今時磔狗
祭以止風酤酈蓋醢辜之遺制與說文占部又有酤字訓爲
枯音義亦近

右扶風高帝二年更爲中地郡九年罷 案公卿表高帝十年
尙有中地守宣義疑非九年罷也

槐里有黃山宮 西京賦云繞黃山而款牛首

鄠古國有扈谷亭 亭上脫甘字說文扈夏后同姓所封戰于
甘者在鄠有扈谷甘亭水經渭水注云甘水又北逕甘亭西

漢書地理志卷一四
昔夏啟伐有扈作誓於此亭是鄠與扈同故云古國也

鄠水出東南 說文鄠周文王所都在京兆杜陵西南通典鄠
今京兆府長安縣西北靈鄉豐水上

又有潏水皆北過上林苑入渭 說文潏水出扶風鄠北入渭
與此相符則潏當作潏矣說文又有潏字注云水名在京兆
杜陵此別是一水非入渭之水也

釐周后稷所封 說文郃炎帝之後姜姓所封周棄外家國右
扶風釐縣是也郃釐古字通左傳魏駘芮岐畢又作駘亦段
借用之

美陽中水鄉 說文郃周大王所封在右扶風美陽中水鄉水
經注岐水歷周原下北則中水鄉成周聚水北卽岐山

郿 郡縣志云本秦縣今縣東二十五里有故城今縣周天
元年築縣在渭水南一里縣治城南當斜谷

入蒙籠渠 籠當作龍

雍秦惠公都之 惠當作惠史記秦本紀德公元年初居雍城
大鄭宮水經注亦云德公

大昊黃帝以下祠三百三所 郊祀志雍舊祠二百三所此三
字誤應爲二百

漆水在縣西 說文漆水出右扶風杜陵岐山東入渭案徐廣
及十三州志竝云出杜陽岐山山海經云獫狁之山漆水出
焉水經云出杜陽兪山獫狁同字則兪山疑岐山旁之小山
矣叔重以爲杜陵杜陵在京兆非扶風顯係傳寫之誤

汧山在西 封禪書有吳岳徐廣曰在汧

汧水出西北入渭 水經注渭水東與楚水合世所謂長蛇水
出汧縣之數歷山南流注于渭闕駟以爲汧水焉

芮水出西北東入涇 周禮職方雍州其川涇汭郡縣志涇州
良原縣有汭水一名宜祿川西白隴州華亭縣流入

安陵 闕駟以爲本周之程邑案程與郢同文王卒于畢郢是
其地矣

茂陵武帝置 水經渭水注云茂陵縣武帝建元二年置地理
志曰宣帝縣焉今作武帝置或後人因水經注追改邪

武功大壺山古文以爲終南 左傳昭四年作中南案張平子

西京賦終南太一嶺嶠崔嵬潘岳西征賦九嶷截薛太一龍

從面終南而背雲陽跨平原而連嶓冢則終南太一不得謂之一山李善曰終南南山之總名太一一山之別號其說差近

至南鄭入沔 至上應有南字

有垂山斜水淮水祠 淮疑當作雍

莽曰新光 案莽傳云以武功縣爲安漢公采地名曰漢光邑其後莽改國號爲新故爲新光

弘農郡弘農衙山領下谷 衙山領郡國志注作衡領非

盧氏熊耳山在東伊水出 出上當有所字

又有育水南至順陽入沔 育水亦謂之均水水經均水出析

縣北山南入于沔注云均水發原盧氏縣熊耳山縣卽析縣

之北鄉故言出析縣之北山下文丹水東至析入鈞鈞卽育水也

陝西虢在雍州 州字衍左氏傳隱元年鄭人以虢師伐衛杜注虢西虢也弘農陝縣東南有虢城

丹水 續志屬南陽

新安 本紀元鼎三年冬徙函谷關于新安以故關爲弘農縣商 續志屬京兆

析 續志屬南陽

上雒 續志屬京兆

河東郡秦置 案河東魏豹地漢二年虜豹始置薛宣傳云拜河東都尉趙護爲廣漢太守今此郡諸縣不言有都尉治或

是闕文河南河內河東皆屬司隸謂之三河丞相遣史刺之
故田叔傳云使刺三河也此郡當云屬司隸

縣二十四 尹翁歸傳云河東二十八縣分爲兩部閭孺部份
北翁歸部份南今云二十四蓋元始時縣數如此

大陽吳山在西上有吳城 吳城郡國志作虞城吳虞古字通

左邑莽曰兆亭 水經注作洮亭

聞喜故曲沃武帝行過更名 武帝紀元鼎六年至左邑桐鄉

聞南越破以爲聞喜縣三國志高貴鄉公詔曰漢孝武元鼎
中改桐鄉爲聞喜新鄉爲獲嘉以著南越之亡據此是武帝
以左邑之桐鄉特置此縣非改曲沃縣爲聞喜也

平陽 平陽之封至後漢猶未絕也疑脫侯國二字

襄陵有班氏香亭 水經注汾水又南歷襄陵縣故城西晉大

夫卻犇之邑也故其地有犇氏鄉亭矣據此則班當爲犇香
當爲鄉

騏侯國 駒幾所封表注北屈疑北屈分置

太原郡秦置 秦本紀莊襄王四年初置太原郡始皇本紀八
年又以河西太原郡更爲毒國漢初屬西魏二年

置

有家馬官 案百官表太僕屬官已有家馬太原復有之又在
邊郡六牧師苑之外矣

龍山在西北有鹽官晉水所出東入汾 案太原郡下已有鹽
官在晉陽此處有鹽官三字衍文水經汾水過晉陽縣東晉

水從縣南東流注之

汾陽北山汾水所出南至汾陰入河 案山海經云管涔之山
汾水出焉水經云汾水出汾縣北管涔山西至汾陰縣北西
入于河然則北山卽管涔山矣

大陵 史記衛綰傳云綰代大陵人知故屬代郡

原平 續志屬雁門

上艾 續志屬常山

廣武 續志屬雁門

河主賈屋山在北 本志雁門郡句注山在陰館廣武與陰館
毗連故載之婁敬傳是時漢兵以蹶句注夏侯嬰傳從擊胡
騎句注北是也此作河主誤

上黨郡秦置 高帝二年定魏地置郡之屬縣無都尉治案杜業傳左遷上黨都尉

屯留桑欽言絳水出西南東入海 海當作漳

余吾 續志無李賢曰余吾故城在今潞州屯留縣西北

沾大黿谷清漳水所出 黿當作與古要字

高都莞谷丹水所出東南入洺水 據水經注當作絕水閭本

作絕

河內郡朝歌 劉昭曰前書注云鹿臺在城中今本脫

隆慮國水東北至信成 水經洹水出上黨洺氏縣東過隆慮

縣北據此則國當作洹

河南郡故秦三川郡 秦本紀莊襄王二年初置三川郡其後

李由爲三川守司馬貞曰地有伊洛河故曰三川

莽曰保忠信鄉 莽曰上脫口數鄉莽傳作卿

雒陽春秋昭公二十一年 當作三十二年

莽曰宜陽 莽傳作義陽

滎陽 王莽傳云以陳畱以西付祈隧祈隧故滎陽據此疑脫
莽曰祈隧四字隧與隊同莽置六隊河南亦在其中是滎陽
乃祈隊大夫治

偃師莽曰師成 水經穀水注師成作師氏

中牟有筦叔邑 當作有筦城故筦叔邑括地志鄭州管城縣
今州外城卽管國城叔鮮所封

河南故邾鄆地 國語晉文公定襄王于邾韋昭曰洛邑王城

之地也

穀成 續志屬東郡

密有大隗山潁水所出南至臨潁入潁 說文潁水出河南密縣大隗山南入潁又有潁字云水出河南密縣東入潁蓋說文重出此字水經注無潁水也

東郡秦置 秦始皇本紀二年初置東郡

縣二十二 史記信陵君傳秦使蒙驁攻魏拔二十城初置東郡始皇本紀同是秦時領縣二十也

濮陽應劭曰濮水南入鉅野 據水經濟水注濮水南入鉅野句係本注應劭曰三字疑衍

東武陽 泰山有南武陽故此云東

禹治漯水 治當作貢

離狐 續志屬濟陰

須昌 續志屬東平國

壽良 續志屬東平國

蚩尤祠在西北 壽良縣西北卽東平陸監鄉

白馬 戴延之西征記云白馬故城衛之漕邑

南燕南燕國姑姓 下南燕二字疑誤當云故國羅泌曰南燕

伯爵伯儵國后稷妃南燕姑氏也今滑之胙城東北漢南燕

縣隨改曰胙

廩邱 續志屬濟陰

陳畱郡陳畱魯渠水首受狼湯渠東至陽夏入渦渠 渦說文
作過云水受淮陽扶溝狼湯渠東入淮

盩陵 續志屬梁國

襄邑有服官 司馬彪輿服志云衣裳玉佩備章采乘輿刺史
公侯九卿以下皆織成陳畱襄邑獻之云

封邱濮渠水首受沛 闕駰曰首受別沛北沛也

長羅侯國 常惠所封李賢曰故城在今滑州匡城縣東北

僞 續志屬梁國

濟陽 孝景中六年封梁孝王子明爲濟川王濟陽其國都也
潁川郡秦置 始皇本紀十七年內史騰攻韓盡納其地以其
地爲郡命曰潁川

昆陽 南陽魯陽有昆水東南至定陵入汝縣在昆水之陽也
潁陽應劭曰潁水出陽城 案陽城山洧水所出非潁水也潁
水出陽城之陽乾山

成安侯國也 郭忠所封也字衍

周承休侯國 姬延年所封姬嘉初封周子南君至初元五年
由君而進爵耳其地未之改也表注長社蓋析長社置

元始二年更名鄭公 二當作四鄭當作邠說詳恩澤侯表
休音許虬反 休字上脫師古曰三字

汝南郡莽曰汝汾分爲賞都尉 三史拾遺曰案王莽傳有賞
都大尹王欽則賞都乃郡名後人誤添尉字耳宜祿縣莽改
曰賞都亭亦賞都爲郡名之一證

陽城侯國 平干頃王子劉田所封

潁強 潁說文作潁云水出潁川陽城少室山東入潁水經潁
水出潁強縣南澤中東入潁注云潁水出潁川陽城縣少室
山東流注于潁水而亂流東南經臨潁縣西北小潁水出焉
女陽 女古汝字下女陰同

安成侯國 王崇所封

細陽 水經潁水注引地理志云細水出細陽東南入潁今無
此文細說文作涵云水出汝南新鄆入潁

宜春侯國 王訢所封豫章亦有宜春續志汝南之宜春有北
字

女陰文月國 胡下當有子字

新息 息說文作𡇗云姬姓之國在淮北

濯陽 水經濯水出吳房縣西北與山東入汝注濯入瀨瀨入汝

弋陽侯國 任宮所封

歸德侯國 先賢禪所封

安昌侯國 張禹所封

安陽侯國 未詳何人封國攷王子侯表元朔三年封濟北貞王子樂爲安陽侯傳至元孫亡後濟北封域不能至汝南且表中明注平原必非汝南之安陽矣

博陽侯國 莽曰樂家 丙吉所封樂家水經注作樂嘉

成陽侯國 楚思王子眾所封

定陵高陵山汝水出 出上當有所字淮南子汝出猛山注猛
山一名高陵山在汝南定陵縣諸書惟淮南子注與漢志合
山海經則云汝水出天息山在梁勉鄉西南入淮極西北一
曰淮在期思北郭注云今汝水出南陽魯陽縣大孟山東北
至河南梁縣東南經襄城潁川汝南至汝陰襄信縣入淮說
文解字則云汝水出恆農廬氏還歸山東入淮水經與山海
經同杜預釋例與郭注同皆與班志不合

南陽郡秦置 秦本紀昭襄王三十五年初置南陽郡

宛戶四萬 閩本作四十萬誤

杜衍 續志無李賢曰杜衍故城在今鄧州南陽縣西南

鄧侯國 蕭憂所封河會縣

育陽 育水名說文作清

博山侯國故順陽 孔光所封表亦注順陽蓋哀帝改順陽爲博山以封光國除之後仍爲順陽縣耳應劭以爲明帝改曰順陽誤矣

堵陽 水經清水注引地理志堵陽有堵水今無此文

雉衡山澧水所出東至鄧入汝 鄧當作鄧潁川縣也師古音屋誤矣

舞陰中陰山瀨水所出東至蔡入汝 中陰誤說文作中陽蔡當作上蔡

穰 說文作鄴

酈育水出西北南入漢 說文清或曰出酈山西

安眾侯國 長沙定王子丹所封

隨厲鄉故厲國也 厲卽賴也左傳僖十五年齊師曹師伐厲
杜注厲楚與國義陽隨縣北有厲鄉桓十三年楚子使賴人
追之杜注與伐厲同昭四年經云楚伐吳遂滅賴公羊作厲
是古字通

魯陽魯山滢水所出 魯山誤說文滢水出堯山據水經注當
有莽曰魯山四字

舂陵侯國 長沙定王子買所封建武十八年更名章陵

新都侯國 王莽所封南陽新野之都鄉也

紅陽侯國 王立所封

樂成侯國 許延壽所封表注平氏蓋析平氏置

博望侯國 許舜所封

復陽侯國 長沙頃王子延年所封

南郡高帝元年更爲臨江郡 臨江下郡字當作國項羽封共敖爲臨江王

江陵秦拔我郢徙東 東當作陳頃襄王徙陳

秭歸歸鄉故歸國 國上當有子字

江夏郡下雒 南陽有雒故此加下

鍾武侯國 長沙頃王子度所封續志屬零陵永建三年更名重安

廬江郡淮水出 淮當作漚水下當有所字說文漚水出廬江入淮

潯 續志作潛古字通尙書江沱潯漢書作潯

松茲侯國 六安共王子霸所封

九江郡當塗侯國 魏不害所封

注禹所娶塗山侯國也 侯字衍

博鄉侯國 六安繆王子交所封

曲陽侯國 王根所封續志作西曲陽

山陽郡戶十七萬二千八百四十七口八十萬一千二百八十

八 案張敞傳云戶九萬三千口五十萬以上戶口懸殊蓋

孝平時戶口增衍實數如此

南平陽 泰山有東平陽故此云南

戎武 續志屬齊會

湖陵禹貢浮于泗淮通于河 泗淮當作淮泗河當作荷即禹

貢荷澤也

注章帝封東平王倉子爲湖陵侯更名湖陵 倉當作蒼陵皆

當作陸

單父 續志屬濟陰

薄 續志屬梁國

都關 閩本注君美二字未詳都有美義或是莽曰君美歟

城都侯國 王商所封

黃侯國 梁敬王子順所封

爰戚侯國 趙長年所封

郃成侯國 宋祁以爲邛成之譌王奉光所封大昭案說文邛

邛地在濟陰縣濟陰與山陽其地相近郡國志濟陰成武有郛城蓋國除之後并於成武而成武改屬濟陰故許叔重以爲濟陰地也宋說是

中鄉侯國 梁敬王子延年所封

平樂侯國 梁敬王子遷所封

淮水東北至沛入泗 淮當作泡水經注云泡水卽豐水之上

原也沛當作沛說文泡水出山陽平樂東北入泗

鄭侯國 梁敬王子罷軍所封

菑鄉侯國 梁敬王子就所封

栗鄉侯國 東平思王子護所封

曲鄉侯國 梁荒王子鳳所封

西陽侯國 東平思王子竝所封

濟陰郡禹貢荷澤在定陶東 湖陵但有荷水非澤所鍾故載

於此禹貢之導荷澤正在定陶

成陽有堯家 成陽故屬梁爲陳太后湯沐邑元朔中有罪奪

屬濟陰家當作豕鄭氏詩譜云昔帝堯嘗游成陽死而葬焉

禹貢雷澤在西北 據詩譜正義所引知此雷下脫夏字

稔 說文作廩

沛郡廣戚侯國 楚孝王子勳所封續志屬彭城

下蔡 舊志屬九江

豐 郡國志豐有枌榆亭注引前志注枌榆社在縣東北十五

里今無此文

公丘侯國 魯共王子順所封

敬丘侯國 魯共王子政所封

夏丘 續志屬下邳

浹侯國 趙敬肅王子周舍所封

莽曰有成 閩本作育成大昭謂有育皆非也當作育成鄆曰
單城斬曰斬城皆其例矣

建成侯國 黃霸所封

城父 續志屬汝南

建平侯國 杜延年所封

鄼 當作鄼說文鄼沛國縣蕭何封國

栗侯國 趙敬肅王子樂所封

扶陽侯國 韋賢所封

高侯國 梁敬王子舜所封

高柴侯國 梁敬王子發所封

平阿侯國 王譚所封續志屬九江

義成侯國 甘延壽所封居攝二年延壽孫遷更爲誅郅支侯

表中但云更名不言徙封則此當有莽曰誅郅支五字續志

屬九江

魏郡莽曰魏城 案城亦作成王莽傳有魏成大尹

館陶河水別出爲屯氏河東北至章武入海過郡四 案溝洫

志云河北決於館陶分爲屯氏河東北經魏郡清河信都勃

海入海所謂過郡四也

卽裴侯國 趙敬肅王子道所封侯表及說文竝作擲裴

邯鄲侯國 趙敬肅王子仁所封

平恩侯國 許廣漢所封水經注引陳畱風俗傳云平恩縣故

館陶之別鄉地節三年置

邯鄲侯國 趙頃王子偃所封

鉅鹿郡 王莽分鉅鹿爲和戎郡治下曲陽

象氏侯國 趙敬肅王子賀所封

鄆 說文作鄆南雍本閩本于師古曰音苦么反之下有又差

梟反四字今脫

新市侯國 廣川繆王子吉所封續志屬中山國

平曰市樂 水經注引作樂市

堂陽 續志屬安平國

安定侯國 燕刺王子賢所封

歷鄉侯國 廣川繆王子必勝所封

樂信侯國 廣川繆王子强所封

武陶侯國 廣川繆王子朝所封

柏鄉侯國 趙哀王子買所封

安鄉侯國 趙哀王子喜所封

常山郡元氏沮水首受中邱西山窮泉谷東至堂陽入黃河

沮當作泚說文泚水在常山

直尼切

史記陳餘傳斬陳餘泚水

上徐廣曰在常山音遲郭注山海經云泚水出常山中丘縣

桑中侯國 趙頃王子廣漢所封

房子贊皇山石濟水所出 石字衍

封斯侯國 趙敬肅王胡傷所封

樂陽侯國 趙頃王子說所封

莽曰暢苗 本或作陽苗非也水經濁漳水注亦作暢苗

平臺侯國 史元所封

都鄉侯國 趙頃王子景所封

清河郡莽曰平河 平河水經淇水注作河平

清陽王都 代孝王孫義徙封清河故有王都志旣言王都當

于郡下注云武帝元鼎四年別爲國宣帝地節四年復故今

無此注史闕文

東武城 定襄有武城故加東

靈葬曰播 水經注作播亭

酈 功臣表俞侯呂它俞侯欒布竝作俞說文作酈

懋題師古曰懋古莎字 三史拾遺曰案說文無懋字當是心
之譌說文心疑也讀若易旅瑣瑣莎與瑣音相近

東陽侯國 清河綱王子宏所封

信鄉侯國 清河綱王子豹所封表作新鄉古字通

涿郡涿桃水受首涑水 受首當作首受涑水一名巨馬河水

經巨馬河出代郡廣昌縣涑山東至東平舒縣入海注云卽

涑水也亦曰渠水

南深澤 續志屬安平國

范陽葬曰順陰 順陰水經易水注作通順

蠡吾 趙廣漢傳涿郡蠡吾故屬河間續志屬中山國

易 續志屬河間

廣望侯國 中山靖王子忠所封

鄭 高陽 續志俱屬河間

州鄉侯國 河間獻王子禁所封

安平 續志屬安平

樊輿侯國 中山靖王子脩所封

成侯國 中山康王子喜所封

良鄉侯國 趙共王子交所封表作梁鄉古字通

利鄉侯國 中山頃王子安所封

臨鄉侯國 廣陽頃王子雲所封

益昌侯國 廣陽頃王子嬰所封

陽鄉侯國 廣陽頃王子發所封

西鄉侯國 廣陽頃王子容所封

饒陽 續志屬安平

中水 武垣 續志俱屬河間

阿武侯國 河間獻王子豫所封

高郭侯國 河間獻王子瞞所封

新昌侯國 燕刺王子慶所封

勃海郡屬幽州 勃說文作郭續志改屬冀州

南皮莽曰迎河亭 水經注作逆河亭

定侯國 齊孝王子越所封

章武莽曰桓章 桓章據文義疑是章桓然水經注亦作桓章

參戶侯國 河間獻王子免所封

成平淳池河民曰徒駭河 民疑是或字之譌成平續志屬河
間

柳侯國 齊孝王子陽已所封

臨樂侯國 中山靖王子光所封

東平舒 續志屬河間

安次 續志屬廣陽

脩市侯國 清河綱王子寅所封

文安 續志屬河間

景成侯國 可謂獻王子權所封

兗州 續志屬河間

章鄉侯國 謝殷所封

蒲領侯國 清河綱王子祿所封

平原郡平原有篤馬河東北入海五百六十里 入海下疑脫

行字

鬲注讀與耿同 耿南雍本閩本竝作隔

平昌侯國 王無故所封續志作西平昌

羽侯國 濟北式王子成所封

瑗 水經注作援

富平侯國 張安世初封之富平在陳畱其子延壽上書請減戶邑乃徙封平原國名如故未徙封之前是厭次縣地故東

方朔平原厭次人也

莽曰樂安亭

水經注作安樂亭

合陽侯國

梁喜所封

樓虛侯國

訾順所封水經注作楊墟

龍頤侯國

韓說所封

安侯國

濟北貞王子樂所封表作安陽疑陽當作煬是其謚

千乘郡千乘

續志屬樂安國

有鐵官

案郡下已注有鐵官矣縣名下又書之疑衍文

溼沃

縣以濕水所經得名今本作溼誤司馬彪魏收皆承其

謬惟水經注作濕沃不誤

平安侯國

王舜所封表傳俱作安平疑誤外戚傳作平安

博昌 蓼城 樂安 續志皆屬樂安國

被陽侯國 齊孝王子燕所封

繁安侯國 齊孝王子忠所封

高苑 續志屬樂安國

濟南郡景帝二年爲郡 二年當作三年

般陽 續志屬齊國

朝陽侯國 廣陵厲王子聖所封續志作東朝陽

猗侯國 趙敬肅王子起所封

注蔡暮音由音鶚 由當作曰鶚當作鶚閩本不誤

宜成侯國 燕倉所封

泰山郡汶水出萊毋西入濟 案萊蕪縣下亦載汶水較此加

詳則此八字是衍文

東平陽 山陽有南平陽故此云東

南武陽 東郡有東武陽故此云南

寧陽侯國 魯共王子恬所封續志屬東平

桃山侯國 城陽孝王子欽所封

莽曰哀魯 閩本哀作襄無魯字

桃鄉侯國 東平思王子宣所封

式 當作成績志作成云本國劉昭曰左傳衛師入郕杜預曰

東平剛父縣西南有郕鄉

齊郡利 續志屬樂安

鉅定馬車瀆水 水經注云馬車瀆水今留水

廣爲山濁水所出 水經注以濁水爲卽澠水

臨朐石膏山洋水所出 石膏山說文作高山水經巨洋水出

朱虛縣太山北過臨朐縣東北入海注云太山郡東小太山也巨洋水卽國語所謂具水矣

北鄉侯國 留川孝王子譚所封

平廣侯國 留川懿王子行所封表作平度誤平度屬東萊不

言侯國

北海郡劇魁侯國 留川懿王子黑所封賈逵曰川阜曰魁

瓠侯國 城陽頃王子息所封

益莽曰採陽 後漢書劉盆子傳注云王莽改北海益縣爲採湯水經注作滌蕩益續志屬樂安

劇侯國 菑川懿王子錯所封

平望侯國 菑川懿王子賞所封水經注巨洋水東北逕望海

臺伏琛晏謨以爲平望亭在平壽縣故城西北八十里

平的侯國 菑川懿王子强所封

柳泉侯國 膠東戴王子强所封

壽光 續志屬樂安

樂望侯國 膠東戴王子光所封

饒侯國 膠東戴王子成所封表作成康侯饒下注北海北海

無成縣是轉寫者倒其文耳

斟故國禹後 京相璠曰故斟尋國禹後是也後省入平壽今

山東萊州府濰縣東廢斟城是

平城侯國

膠東頃王子邑所封

密鄉侯國

膠東頃王子林所封

羊石侯國

膠東頃王子回所封

樂都侯國

膠東頃王子訢所封

石鄉侯國

膠東頃王子理所封

上鄉侯國

膠東頃王子歙所封

新成侯國

膠東頃王子根所封

成鄉侯國

高密頃王子安所封

膠陽侯國

高密頃王子恁所封

東萊郡曲城陽丘山治水所出南至沂入海

沂字誤當作計

斤計斤琅邪縣

當利莽曰來萊亭 來字誤南雍本閩本皆作東

陽樂侯國 膠東頃王子獲所封表誤作樂陽

琅邪郡不其 續志屬東萊

贛榆 續志屬東海

朱虛 後漢永初元年屬北海

靈門壺山浯水所出東北入淮 水經注浯水出浯山世

巨平山淮字誤說文作濫下文橫下折泉下作淮亦誤

虛水侯國 城陽頃王子禹所封

臨原侯國 留川懿王子始昌所封

琅邪存四時祠 存當作有

被侯國 城陽頃王子雲所封表作校形相似而誤

柜 續志屬北海

餅侯國 甯川靖王子成所封

零段侯國 城陽頃王子澤所封

黔陬 續志屬東萊

雲侯國 齊孝王子信所封

稻侯國 齊孝王子定所封

臬虞侯國 膠東康王子建所封

平昌 續志屬北海

長廣 續志屬東萊

橫故山久 久聞本作名

魏其侯國 膠東康王子昌所封

茲鄉侯國 城陽荒王子宏所封

箕侯國 城陽荒王子文所封

禹貢維水北至昌都入海 昌都當作都昌都昌北海縣鄭康

成注尚書云濰水出箕屋山與說文同

稗 說文作稗从禾

高廣侯國 城陽荒王子勳所封

高鄉侯國 城陽惠王子休所封

柔侯國 城陽荒王子山所封表作棗形相似而譌

卽來侯國 城陽荒王子佼所封

麗侯國 高密頃王子賜所封表作麗茲

武鄉侯國 高密頃王子慶所封

伊鄉侯國 城陽戴王子遷所封

新山侯國 稱忠所封

高陽侯國 薛宣所封

昆山侯國 城陽荒王子光所封

參封侯國 城陽戴王子嗣所封

折泉侯國 城陽荒王子根所封

博石侯國 城陽荒王子淵所封

房山侯國 城陽荒王子勇所封

慎鄉侯國 膠東頃王子共所封表作順陽慎順古字通陽字

疑表誤

駟望侯國 冷廣所封

安丘侯國 高密頃王子常所封

高陵侯國莽曰蒲睦 翟方進所封蒲閭本作滿

臨安侯國 膠東共王子閔所封

石山侯國 城陽戴王子元所封

東海郡下邳 續志屬下邳國

良成侯國 魯安王子文德所封續志屬下邳

開陽莽曰厭虜 案莽改定襄之武要爲厭胡張掖之刪丹爲

貫虜北地之靈武爲威戎亦此意續志屬琅邪

費 續志屬泰山

蘭祺侯國 魯安王子臨朝所封

每西 續志屬廣陵

續志屬琅邪

南成侯國 城陽共王子貞所封屬泰山

山鄉侯國 魯孝王子綰所封

建鄉侯國 魯頃王子康所封

卽丘 臨沂 續志俱屬琅邪

容丘侯國 魯安王子方山所封

祠水東南至下邳入泗 祠水水經注作桐水

東安侯國 魯孝王子強所封

承莽曰承治 閩本作承始

建陽侯國 魯孝王子咸所封後漢書劉永傳云建陽去昌慮

三十里

曲陽 司吾 續志俱屬下邳

千鄉侯國 泗水勤王子定所封

平曲侯國 廣陵厲王子曾所封是郡有兩平曲一郡中不得

重名以王莽改名推之似應作曲平然侯表竝不爾也攷史記表江陽侯蘇嘉索隱曰表在東海旣云東海則非犍爲之江陽矣今本地理志東海無江陽小司馬所見當是古本不得有誤竊疑重出之平曲當是江陽也

都陽侯國 城陽戴王子音所封

陰平侯國 楚孝王子同所封

郿鄉侯國 楚思王子光所封

武陽侯國 史丹所封

新陽侯國 魯頃王子永所封

建陵侯國 魯孝王子遂所封

昌慮侯國 魯孝王子弘所封

都平侯國 城陽荒王子丘所封

臨淮郡武帝元狩六年置 水經濟水注引此作五年

莽曰淮平 淮平下當有屬徐州三字

徐 取盧 淮浦 盱眙 僮 續志俱屬下邳國

射陽 續志屬廣陵

高山 續志屬下邳

鹽瀆 續志屬廣陵

淮陰 淮陵 續志屬下邳

下相 沛國有相縣其水下流又因置縣故名下相也續志屬

下邳

東陽 續志屬廣陵

播旌 續志屬下邳

高平侯國 王逢時所封

開陵侯國 成婉所封

昌陽侯國 泗水侯王子霸所封

廣平侯國 廣陵孝王子德所封

蘭陽侯國 廣陵孝王子宜所封表作蘭陵

襄平侯國 廣陵厲王子豐所封

輿 堂邑 續志俱屬廣陵

樂陵侯國 史高所封

會稽郡秦置 始皇本紀二十五年降越君置會稽郡後漢順
帝分會稽之吳海鹽烏程餘杭毗陵丹徒曲阿由拳富春陽
羨無錫婁置吳郡

毗陵江在北 江當作北江閩本有北字

山陰有靈文園 園上當有侯字

餘杭莽曰進睦 閩本作淮睦

治 光武更名章安

丹楊郡故鄣郡屬江都 案故鄣郡下當有景帝三年四字

宛陵清水西北至蕪湖入江 清當作泠說文泠水出丹陽宛

陵西北入江

黠 說文作黠

漂陽 說文漂水出丹陽漂陽縣

豫章郡宜春南水東至新淦入湖漢 南水水經注作牽水

安平侯國 長沙孝王子習所封後漢更名平都

桂陽郡臨武秦水東南至滇陽入匯 案說文溱水出桂陽臨

武入匯志中溱譌爲秦匯譌爲匯小顏不能攷正輒音匯爲

胡賄反失之矣

南平 說文溪水出桂陽南平西入營道水經深水出桂陽盧

聚西北過零陵營道縣南又西北過營浦縣南又西北過泉

陵縣西北七里至燕室邪入于湘

陽山侯國 長沙孝王子宗所封

陰山侯國 志中惟此侯不得其人以實之

武陵郡臨沅 莽曰監元 元當作沅

徂山 續志屬南郡

充歷山 澧水所出東至下雋入沅 案澧當作醴此與出南陽
雒縣衡山東入汝之澧水不同

零陵郡都梁侯國 長沙定王子定所封

泉陵侯國 長沙定王子賢所封

鍾武 後漢永建三年更名重安

漢中郡南鄭旱山池水所出 池水水經注作涇水

安陽鬻谷水出西南北入漢 段玉裁曰此雖不系之禹貢然

據鄭注梁州沱潛云地理志在今蜀郡郫縣及漢中安陽皆

有沱水潛水其尾入江漢則志述禹貢作潏此安陽下作潏
實一物也

廣漢郡雒南至新都谷入湔 谷字衍

甸氏道 續志甸氏道剛氏道俱屬廣漢屬國

蜀郡青衣 後漢西南夷傳云柰都夷武帝所開元鼎六年以
爲沈黎郡天漢四年并蜀爲西部置兩都尉一居旄牛主徼
外夷一居青衣主漢人據此則青衣旄牛二縣皆當有都尉
治句

成都有工官 案成都廣漢之工官皆治金銀器貢禹傳蜀漢
主金銀器歲各用五百萬

嚴道有木官 文選蜀都賦注引此作有楠官

犍爲郡南廣又有大涉水北至符入江 至字入江字皆誤據
水經注當云北入符黑水

堂琅 山名南中志云堂琅山多毒艸盛夏之月飛鳥過之不
能得去

越嶲郡遂久繩水出徼外東至犍道入江 案水經淹水出越
嶲遂久縣徼外東南至蜻蛉縣又東過姑復縣南東入於若
水此繩水或卽淹水歟

青蛉則禺同山 則字疑衍

益州郡 昭帝紀始元元年益州廉頭姑繒牂柯談指同竝二
十四邑皆反西南夷傳同今志中牂柯郡有談指同竝而益
州郡無廉頭姑繒或是改名或是并省不可得而知矣

收靡南山臘涂水而出 收說文涂字注作牧隸釋益州太守

碑作牧靡者二是收字誤也臘字下脫谷字水經注涂水導

原臘谷

牂柯郡暨東入沅 據水經注沅當作延

夜郎莽曰同亭 案西南夷傳夜郎國有且同亭故莽謂之同

亭

巴郡墊江 說文作藝江

胸忍 續漢書郡國志及曹全碑竝作胸忍顏籀音胸爲劬是

也聞駟十三州志乃云胸音春脰音閏其地下溼多胸脰蟲

因以名縣既有春音則字已近于胸矣然玉篇中尙無胸字

杜佑通典州郡門作胸認胸音如順切認音如尹切讀如閏

蠢君卿雖從閏音而字猶未變至徐鉉校定說文解字竟于
肉部附入胸臆二字亦可謂不攷舊章好信異說者矣

容母水所出南有橘官 據水經注南下當有入江二字

魚復江關都尉治 華陽國志云巴楚相攻故置江關舊在赤

甲城後移在江州南岸對白帝城

漢書辨疑卷十四終 萍鄉文廷俊南海潘乃成番禺范公詒校字

漢書辨疑卷十五

嘉定錢大昭撰

地理志下

武都郡 武都隴西金城天水武威張掖酒泉敦煌安定皆當云屬涼州今脫

武帝元鼎六年置 後漢西南夷傳云白馬氏者武帝元鼎六年開分廣漢西部合以爲武都

隴西郡秦置 案異姓諸侯王表云漢拔我隴西則高帝元年屬雍國二年方屬漢

上邽 西 續志俱屬漢陽

羌道 續志屬武都

金城郡 昭帝紀始元六年以邊塞闊遠取天水隴西張掖各

二縣置金城郡

枹罕 續志屬隴西

河關 水經注引地理志云宣帝神爵二年置河關縣蓋取河
之關塞據此則今本脫宣帝以下七字河關續志屬隴西

允街莽曰脩遠 水經注脩遠下有亭字

臨羌莽曰鹽羌 鹽字誤水經注作監羌

天水郡冀 說文作驥

張掖郡顯美 續志屬武威

酒泉郡池頭 續志作沙頭

敦煌郡冥安西北入其澤 其當作冥

效穀本魚澤障 孫寶傳上以唐林明黨比周左遷敦煌魚澤

障候

安定郡朝那又有秋淵祠 秋當作湫

參繚 續志屬北地

祖厲 續志屬武威

鶉陰 續志作鶉陰屬武威

北地郡秦置 案高帝元年屬雍國二年屬漢

莽曰威成 水經注作威戎

直路且水出東西入洛 說文澶水出北地直路西東入洛據

此則且當作澶東當作西西當作東也水經作沮云沮水出

北地直路縣東過馮翊祜縣東北入于洛注云俗謂之漆

水又謂之漆沮水

靈武莽曰威成亭

水經注作威戎亭李賢曰靈武有谷在今

靈州懷遠縣西北

鶉孤

續志作鶉觚屬安定

歸德

中興省宋白曰慶州華池縣本漢歸德縣地又通遠軍

西北有歸德川

郁郅有牧師苑官

漢制邊郡牧師苑官有六郡謂隴西天水

安定北地上郡西河也志中惟記其一遼東襄平亦有牧師

官又在六郡之外矣

弋居有鹽官

續志弋居有鐵似當云有鐵官

上郡屬并州

屬朔方部不屬并州

元年更爲翟國七月復故 七月上疑脫二年二字

白土園水出西東入河 東水經注作南

高奴 翟王董翳都

有涓水可難 據水經注涓水下當有肥字

宜都莽曰堅寧 水經注堅寧下有亭字

西河郡美稷 說文湍西河美稷保東北水

中陽 說文瀉水出西河中陽北沙南入河

大成 續志屬朔方

平周 衛霍傳稱路博德西河平州人周州古字通

虎猛西部都尉治 有制虜塞見匈奴傳

臨水莽曰堅水 堅南雍本閩本站作監

鯢是 說文鯢角鯢曲也西河有鯢氏縣氏與是古字通曲禮
云五官之長曰伯是職方鄭注云是或爲氏覲禮云太史是
右注云古文是爲氏

朔方郡 武帝元封中別令刺史監之不在十三州之限故平
當蕭育翟方進竝爲朔方刺史

窳渾屠申澤在東 水經注云屠申澤東西一百二十里

五原郡蒲澤 南雍本閩本竝作蒲澤

南興 當作南興

成宜中部都尉治原高 高水經注作亭

西安陽莽曰漳安 水經注作鄣安

雲中郡縣十一 周勃世家云定雲中郡十二縣是秦領縣十

北輿注闕駟云廣陵有輿故此加北 案水經注云五原有南輿故此加北闕駟之說太疏遠也

定襄郡成樂 武進 定襄 續志俱屬雲中

雁門郡縣十四 周勃世家定雁門郡十七縣是秦領縣十七

善無 中陵 續志俱屬定襄

陰館樓煩鄉 樓煩上當有故字

莽曰富代 水經注作富臧

代郡有五原關 成帝紀及說文竝作五阮關

當城注當桓都城 水經注桓都下有山作二字

且如于延水出塞外東至寧入沽 據水經注當作出北塞外

東至廣寧入治師古音沽爲姑誤平舒下沽字亦當作治

平邑 續志作北平邑

廣昌 續志屬中山國

鹵城 續志屬雁門

東至參合入虢池別 據水經注合當作戶別下當有河字

上谷郡縣十五 周勃傳云定上谷十二縣是秦領縣十二

軍都溫餘水 軍都續志屬廣陽溫餘水水經注作溼餘水

昌平 續志屬廣陽

且居樂陽水出東東入海 據水經注樂陽當作陽樂海當作

沽

漁陽郡莽曰北順 案右北平莽改北順此必不同閩本作通

路當從之

縣十二 周勃傳定漁陽二十二縣與此大不同疑彼傳衍二字秦領縣亦止十二

泉州有鹽官 續志泉州有鐵此鹽字或鐵之譌

右北平郡縣十六 秦領縣亦止十六見周勃傳

遼西郡 當有莽曰令支四字何以知之雁門郡莽曰填狄其屬縣埒則曰填狄亭代郡莽曰厭狄其屬縣代則曰厭狄亭上谷郡莽曰朔調其屬縣夷輿則曰朔調亭漁陽郡莽曰通路其屬縣路則曰通路亭右北平莽曰北順其屬縣徐無則曰北順亭今遼西屬縣惟令氏莽曰令氏亭亦其例也

縣十四 史記絳侯世家云定遼東遼西二十九縣今地理志

遼東西有卅二縣與史記不同蓋後有析置者耳

柳城 續志無李賢曰故城在今營州南

肥如莽曰肥而 如而古字通

狐蘇唐就水 水經注作居就水形相似而譌

文莽曰受亭 受南雍本閩本竝作文

沓氏注應劭曰氏水也 氏水南雍本閩本作沓水

元菟郡西蓋馬 馬續志作鳥

樂浪郡有雲鄣 雲鄣疑卽今所謂烟瘴

不而東郡都尉治 郡當作部

南海郡中宿有涯浦官 官當作關

鬱林郡 說文作鬱林

雷注雷水名 說文雷水出鬱林郡

交趾郡北帶 閩本作比帶

合浦郡臨允牢水北入高要入鬱 北入當作北至

九真郡 脫屬交州三字

趙國故秦邯鄲郡縣四 秦領縣六見靳歙傳

廣平國曲梁侯國 平干頃王子敬所封續志屬魏郡

陽臺侯國 平干頃王子田所封表作陽城疑誤臺閩本作臺

案說文云籀文堂从高省疑此卽臺字

真定國真定 續志屬常山國

縣曼斯汶水東至鄴入河 水經注作入章河

中山國盧奴應劭曰盧水出右北平 案北平卽下文北平縣

也右字衍水經注云黑水曰盧不流曰奴

北平又有盧水亦至高陽入河 據水經注河當作博

北新成莽曰朔平 水經注作朔寧續志屬涿郡

望都博水東至高陽入河 據水經注河當作滹

陸成 元朔二年封中山靖王子貞爲侯國表作陸城

信都國南宮莽曰序下 水經濁漳水注作序中

信都 項羽封耳爲常山王治信都更名襄國見張耳傳又云

追殺趙王歇襄國亦謂此信都也

廣川 續志屬清河國

樂鄉侯國 河閒獻王子佟所封

平隄侯國 河閒獻王子招所封

西梁侯國 廣川戴王子闢兵所封

昌成侯國 廣川繆王子元所封後漢改爲阜城

東昌侯國莽曰田昌 清河綱王子成所封田昌疑是西昌

脩 續志屬勃海

河閒國 脫屬冀州三字

武隧 續志屬安平國

弓高莽曰樂成 水經注樂成下有亭字

廣陽國 脫屬冀州三字

劇應劭曰故肥國今肥亭是 劇續志屬北海注二肥字據水

經注皆當作紀

東安平 續志屬北海

膠東國 脫屬青州句

卽墨 續志屬北海

下密有三台山祠 台當作戶見郊祀志

下密 壯武 觀陽 續志俱屬北海

高密國 脫屬青州句

高密 昌安 夷安 續志俱屬北海

城陽國莒 陽都 東安 續志俱屬琅邪

淮陽國高帝十一年置 案高帝十一年置淮陽國以封皇子

友孝惠元年徙封于趙當改爲郡故孝惠孝武時申屠嘉汲

黯司馬安灌夫爲淮陽守也宣帝復置以封皇子欽莽敗乃

絕依志例當云惠帝元年更爲郡宣帝元康三年復故今脫

漏

扶溝 續志屬陳畱

圉 案王莽傳云其以益歲以南付新平蘇林曰陳畱圉縣莽改曰益歲據此則脫莽曰益歲四字圉續志屬陳畱

梁國縣八 元朔中梁王襄有罪削五縣元延中梁王立有罪復削五縣故止八縣

笛 續志屬陳畱

杼秋 續志屬梁國

己氏 續志屬濟陰

睢陽禹貢盟諸澤在東北 當有青州數三字

東平國武帝元鼎元年爲大河郡 案夏侯勝傳初魯共王分

魯西寧鄉以封子節侯別屬大河大河後更名東平韋元成
嘗爲大河都尉

任城 亢父 樊 續志俱屬任城國

詩亭故詩國 詩當作邾左傳襄十三年取邾杜預曰亢父有
邾亭說文解字邾附庸國在東平亢父邾亭

莽曰順又 水經注作順父

魯國屬豫州 郡國志云魯本屬徐州光武改屬豫州此云豫
州疑後人妄改

卞泗水西南至方與入沛 據水經注當作入沛渠

蕃南梁水西至胡陵入沛渠 沛當作沛

騶 說文作鄒云邾國帝顓頊之後所封

楚國 後漢章帝省屬彭城

泗水國 脫屬徐州三字

莽曰水順 水經注作順水

淩 續志屬廣陵

注淩水所出入淮南 水經淮水注引作西南入淮

六安國 脫屬揚州三字建武十三年省屬廬江

收 南雍本閩本攸下有注云音收今本攸作收又脫注二字

成帝時劉向略言其域分 域閩本作地

溱與洧方濯濯兮 毛詩作渙渙韓詩作洹洹陸氏釋文云說

文作汎汎今本說文無此訓

高士宦好文法 士南雍本閩本竝作仕

趙地昴畢之分壘 據荀悅漢紀昴畢上當有胃字

取之不足以更費注更賞也 賞閩本作償

船行可八月到日南象林界云 八南雍本閩本竝作二地理

志郡縣之名似各不同其有同者則加東西南北上下以別之然細按之重見者亦復不少如曲陽三見一屬九江莽曰延平亭一屬東海莽曰從羊一屬交趾交趾作易師古曰古陽字建成三見一屬勃海一屬沛郡侯國一屬豫章莽曰多聚劇兩見一屬北海侯國一屬留川國莽曰俞定陶兩見屬濟陰莽曰濟平一屬定襄莽曰迎符西平兩見一屬汝南莽曰新亭一屬臨淮莽曰永聚陽城兩見一屬汝南侯國莽曰新安一屬潁川平昌兩見一屬平原侯國一屬琅邪成陽

兩見一屬汝南侯國莽曰新利一屬濟陰東安兩見一屬東
海郡侯國莽曰業亭一屬城陽國新陽兩見一屬汝南莽曰
新明一屬東海侯國莽曰博聚鍾武兩見一屬江夏郡侯國
莽曰當利一屬零陵莽曰鍾桓高陵兩見一屬左馮翊莽曰
千春一屬琅邪侯國莽曰蒲睦成兩見一屬泰山郡一屬涿
郡侯國莽曰宜家新市兩見一屬中山國一屬鉅鹿侯國莽
曰市樂建陽兩見一屬九江一屬東海侯國莽曰建力平安
兩見一屬廣陵國莽曰杜鄉一屬千乘侯國莽曰鴻睦平城
兩見一屬北海侯國一屬雁門莽曰平順臨朐兩見一屬東
萊一屬齊郡莽俱曰監胸新都兩見一屬廣漢一屬南陽侯
國莽曰新林昌陽兩見一屬東萊莽曰夙敬亭一屬臨淮侯

國定陵兩見一屬潁川莽曰定城一屬汝南高平兩見一屬
臨淮侯國莽曰成丘一屬安定莽曰鋪睦饒兩見一屬北海
侯國一屬西河莽曰饒衍高陽兩見一屬涿郡莽曰高亭一
屬琅邪侯國武城兩見一屬左馮翊莽曰桓城一屬定襄莽
曰桓就廣平兩見一屬臨淮侯國莽曰平寧一屬廣平國陰
山兩見一屬桂陽侯國一屬西河莽曰山寧樂成兩見一屬
南陽侯國一屬河間國莽曰陸信富平兩見一屬平原莽曰
樂安亭一屬北地莽曰特武成安兩見一屬陳畱一屬潁川
侯國復陽兩見一屬南陽侯國師古音房曰反一屬清河莽
曰樂歲應劭曰復音腹安定三見一屬鉅鹿侯國一屬安定
一屬交趾武陽兩見一屬東海侯國莽曰宏亭一屬犍爲莽

曰戢成鄭兩見一屬京兆尹一屬山陽侯國成鄉兩見一屬
北海莽曰石樂一屬高密國莽曰順成安陽兩見一屬汝南
莽曰均夏一屬漢中陽樂兩見一屬東萊侯國莽曰延樂一
屬遼西武都兩見一屬武都莽曰循虜一屬五原莽曰桓都
歸德兩見一屬汝南莽曰歸惠一屬北地東陽兩見一屬臨
淮一屬清河侯國莽曰胥陵黃兩見一屬山陽侯國一屬東
萊莽曰意母安丘兩見一屬琅邪侯國莽曰寧鄉一屬北海
莽曰誅邳開陽兩見一屬臨淮一屬東海莽曰厭虜樂陵兩
見一屬平原莽曰美陽一屬臨淮侯國安成兩見一屬汝南
侯國莽曰至成一屬長沙國莽曰思成西陽兩見一屬山陽
侯國一屬江夏安平兩見一屬涿郡莽曰廣望亭一屬豫章

侯國莽曰安寧高成兩見一屬勃海一屬南郡莽曰言程新
昌兩見一屬涿郡侯國一屬遼東朝陽兩見一屬南陽莽曰
厲信一屬濟南莽曰脩治新成兩見一屬河南一屬北海侯
菑宜春兩見一屬汝南侯國莽曰宣孱一屬豫章莽曰脩曉
石城兩見一屬丹楊一屬右北平其一郡中兩見者則有東
海之平曲王莽一曰平端一曰端平今備錄于此以便稽攷
云

溝洫志

迺醴二渠以引其河

醴河渠書作廡

蜀守李冰鑿離峯

峯當作崖說文崖高也从𡵓佳聲徐鉉音

都同切

令鑿涇水自中山西邸瓠口爲渠 水經注云涇水東經九峻
山東中山山西謂之谷口卽此中山也

時鄭當時爲大司農 計其時當在元光三年尙未改名大司
農也當云大農令

穿漕渠三歲而通 閩本作二歲

上以用事萬里沙則還 則閩本作蹟

注茭草也音茭 閩本作音郊

又其口所居高於以分殺水力 南雍本閩本分下竝有流字

遣大司農非調 廣韻非亦姓風俗通有非子伯益之後是姓

非名調耳公卿表亦有此人師古以非調爲名疑誤

發河南以東漕船五百艘 艘古艘字說文艘船總名从木𠂔

聲徐鉉曰今俗別作艘非是

大司空掾王橫

水經注河水篇同儒林傳作琅邪王璜平中

漢書辨疑卷十五終

萍鄉文廷俊南海潘乃成番禺范公詒校字

漢書辨疑卷十六

嘉定錢大昭撰

藝文志

哀帝復使向子侍中奉車都尉歆卒父業 傳作騎都尉奉車
易傳周氏二篇 周氏雒陽人

韓氏二篇名嬰 嬰傳云以易授人推易意而爲之傳蓋寬饒
傳引韓氏易傳疑卽此也

丁氏八篇名寬 寬事齊田何復從周王孫受古義景帝時寬
爲梁孝王將軍距吳楚號丁將軍作易說三萬言訓故舉大
誼而已

淮南王安聘明易者九人號九師法 法南雍本閭本竝作說

京氏段嘉十二篇 儒林傳作殷嘉

人更三聖 易辨終備云至哉易三聖謀注云三聖伏羲文王孔子也

漢興田和傳之 和當作何

書曰詩言志哥詠言 哥書作歌說文哥聲也从二可古文以爲哥字

禮經七十篇 劉敞曰當作十七是也儒林傳魯高堂生傳士禮十七篇

議奏三十八篇石渠 案書春秋論語議奏石渠下皆有論字疑此脫論字

雅琴趙氏七篇 後漢書劉昆傳云能彈雅琴知清角之操

河閒獻王與毛生等共采周官及諸子言樂事者以作樂記

案食貨志王莽詔曰樂語有五均鄧展曰樂語樂元語河閒獻王所傳

穀梁傳十一卷師古曰名喜 喜閩本作嘉

鄒氏傳十一卷 王吉傳吉能爲騶氏春秋卽此也鄒騶古字通

公羊外傳五十篇 三史拾遺曰漢時公穀二家皆有外傳其書不傳大約似韓詩外傳今人稱國語爲外傳漢志卻無此名目

公羊董仲舒治獄十六篇 後漢書應劭傳云故膠西相董仲舒老病致仕朝廷每有政議數遣廷尉張湯親至陋巷問其

得失於是作春秋決獄二百三十二事動以經對言之詳矣
魯夏侯說二十一篇 夏侯勝傳云勝字長公東平人爲太子
太傅受詔撰尙書論語說

魯安昌侯說二十一篇 張禹傳云初禹爲師以上難數
問經爲論語章句獻之

八體六技 李廣芸曰六技當是八篇之譌小學四十五篇併
此八篇正合四十五篇之數

蒼頡一篇上七章秦丞相李斯作 案蒼頡爰歷博學凡將急
就元尙訓纂諸篇作書人姓名別具下文此處可省攷工記
注引蒼頡篇有鞞蜚柯欄正義云鞞蜚是其一篇內有治皮
之事顏之推曰倉頡篇李斯所造而云漢兼天下海內并廁

稀鯨韓覆畔討滅殘非本文也

急就一篇成帝時黃門令史游作 成帝當作元帝

教之六書謂象形象事象意象聲轉注假借 說文六書作指
事象形形聲會意餘同至六書之次第許慎說文解字衛恆
書勢江式論書表孔穎達書正義封演聞見記皆同而鄭眾
周禮注漢書經籍志隋書經籍志韋續五十六種書其次第
又各不同

太史試學童能諷書九千字以上乃得爲史又以六體試之
案說文解字云漢興有艸書尉律學僮十七已上始試諷籀
書九千字乃得爲吏又以八體試之許氏所云八體者漢初
卽沿秦書八體之舊所謂大篆小篆刻符蟲書摹印署書及

書隸書是也若古文奇字篆書隸書繆篆蟲書之六體乃新
莽時大司空甄豐等所定非漢初之制當從許氏說作八體
至許氏說文九千三百五十三文雖非學僮所諷之九千字
而斟酌篆文合以古籍博采通人信而有證言小學者無不
奉爲準繩矣

臣復續揚雄作十二章 二閩本作三以十三章併八十九章
正一百二章

古之學者耕且養 詩甫田疏引作且耕且養

三年而通一藝三十而五經立也 案三年通一藝故孔子十
五志學三十而立

序六藝爲九種 此句當與上文相屬

孟子十一篇名軻 十一疑七字之譌或云七篇外有外篇四篇

問之固因爲陳古今成敗也 問閩本作問

賈誼五十八篇 誼傳亦云凡所著述五十八篇今新書止五十六篇

桓寬鹽鐵論六十篇 汲古閣依宋板故于桓字作淵聖御名四小字閩本竟作桓公孫田劉傳贊云汝南桓寬次公推衍鹽鐵之論增廣條目極其論難著數萬言

入揚雄一家十八篇 閩本作三十一篇

太公二百三十七篇謀八十一篇言七十一篇兵八十五篇
謀言兵就二百三十七篇而析言之太公其總名也

鶩子二十二篇名熊 今道藏本鶩子二十四篇又小說有鶩
子說十九篇後世所加

關尹子九篇 案高誘注呂覽云關尹關正也名喜作道書九
篇能相風角知將有神人而老子到喜說之請著上至經五
千言而從之游也九篇者一字篇二柱篇三極篇四符篇五
鑑篇六七篇七釜篇八壽篇九藥篇也

列子八篇 案高誘注呂覽云列子禦寇體道人也壺子弟子
又云注書八篇在莊子前莊子稱之也八篇者天端一黃帝
二周穆王三仲尼四湯問五力命六楊朱七說符八也

長盧子九篇 九篇下南雍本閩本有注云楚人今本脫

王狄子一篇 閩本作正狄子

公子牟四篇 高誘注呂覽云子牟魏公子也作書四篇魏伐中山得之以封子牟因曰中山公子牟也

田子二十五篇名駢 呂氏春秋云陳駢貴齊高誘注云陳駢齊人也作道書二十五篇貴齊齊生死等古今也田陳古通用劉向七略云齊田駢好談論故齊人爲語曰天口駢

鷗冠子一篇 今道藏目錄云十有六篇隋書經籍志作三卷力牧二十二篇 兵陰陽又有力牧十五篇

捷子二篇 史記孟荀傳作接子接捷古字通內則接以太牢鄭注接讀爲捷春秋經宋萬弑其君捷賈逵曰公羊穀梁作接荀子大略篇先事慮事謂之接楊倞曰接讀爲捷

公壽生終始十四篇傳鄒奭始終書 案下有鄒子終始五十

六篇則此始終當作終始矣奭字亦誤作終始者是鄒衍非鄒奭也別有鄒奭子十二篇非終始書

南公三十一篇六國時案項籍傳南公稱曰楚雖三戶亡秦必楚服虔曰南公南方之老人也虞喜志林云南公道士識廢興之數知亡秦者必於楚

衛侯官十二篇近世不知作者侯當作候衛尉屬官有諸屯

衛候司馬二十二官逸其姓名故但書其官

公孫渾邪十五篇平曲侯案公孫賀傳云賀祖父昆邪景帝時爲隴西守以將軍擊吳楚有功封平曲侯著書十餘篇此作渾邪與功臣表同史記表作昆昆渾聲相近

處子九篇今本史記作劇子徐廣曰按應劭氏姓注直云處

子也

慎子四十二篇名到 高誘注呂覽云慎子作法書四十一篇

在申不害韓非前申韓稱之徐廣曰今慎子劉向所定有四

十一篇

尹文子一篇 今道藏本上下二篇蓋本魏黃初末山陽仲長

氏詮次之舊故隋書經籍志已作二卷

公孫龍子十四篇 張守節曰按平原君傳與鄒衍同時今道

藏本上中下三卷與唐志同

惠子一篇名施 高誘注呂覽云惠子惠施宋人也仕魏爲惠

王相也孟子所見梁惠王也

龐煖二篇 此本從橫家兵權謀家有龐煖三篇

待詔金馬聊蒼三篇 嚴助傳作膠蒼按廣韻三蕭聊字下云

亦姓風俗通有聊倉爲漢侍中著子書據此則作膠者非是

孔甲盤孟二十六篇 應劭注田蚡傳作二十九篇

尉繚子二十九篇 南雍本閩本尉繚下無子字兵形執又有

尉繚三十一篇

則漫羨而無所歸心 漫羨猶漫衍也

蔡癸一篇 閩本蔡作祭

師曠六篇 說文鳥部引師曠曰南方有鳥名曰羌鵠黃頭赤

目五色皆備疑卽此書又兵陰陽家有師曠八篇

務成子十一篇 荀子大略篇云舜學于務成昭楊倞注引尸

子曰務成昭之教舜曰避天下之逆從天下之順天下不足

取也避天下之順從天下之逆天下不足失也大昭案五行
家有務成子災異應十四卷房中家有務成子陰道三十六
卷疑皆後世依託

臣壽周紀七篇項國圉人 項國疑淮陽國之譌

虞初周說九百四十三篇河南人 案郊祀志云丁夫人雒陽
虞初等以方祠詛匈奴大宛則虞初河南雒陽人也

武帝時以方士侍郎隴黃車使者 隴閭本作號李善注文選
西京賦引曰以方士侍郎乘馬衣黃衣號黃車使者大昭案
今本注有脫落當從文選注所引增改

出蹇鞞一家二十五篇 從諸子家出而入兵技巧

莊夫子賦二十四篇名忌 卽嚴夫子也此獨不避諱史駁文

陽丘侯劉囑賦十九篇 齊悼惠王之子也史表陽作楊囑作

偃

光祿大夫張子僑賦三篇 蕭望之傳作子矯

陽成侯劉德賦九篇 卽劉向之父

常侍郎莊忽奇賦十一篇 百官表加官有中常侍無常侍郎

然東方朔亦嘗爲常侍郎則武帝時有此加官矣嚴助傳作

嚴葱奇

注從行至茂陵造作賦 南雍本問本作詔造賦

宗正劉辟彊賦八篇 辟彊字少卿楚元王之孫

郎中臣嬰齊賦十篇 道家有郎中嬰齊十二篇疑卽其人

給事黃門侍郎李息賦九篇 衛霍傳之李息別是一人非作

賦者

李步昌賦二篇 儒家有鈎盾冗從李步昌八篇疑卽其人

別栩陽賦五篇 庾信哀江南賦云栩陽亭有離別之賦王伯

厚遂以此栩陽爲亭名大昭謂此說非也志中此處俱敘賦

家姓名不載篇名信如伯厚說當言一篇不當有五篇竊意

姓別名栩陽耳廣韻十七薛別字云離也又姓何氏姓苑云

揚州人皮列切

漢中都尉丞華龍賦二篇 龍與劉向王褒同時人

文雜賦三十四篇 文閩本作大

詔賜中山靖王子噲及孺子妾冰未央材人歌詩四篇 案文

選中山王孺子妾歌注引此文冰作并又引如淳注云孺子

漢書新編卷十一
幼少稱也孺子宮人也

詩賦爲五種 南雍本閩本詩賦上並有序字

吳起四十八篇 起衛人爲楚將李善注劉子駿移書太常博

士文引曰吳起三十八篇古三四字皆積畫故此作四彼作

三隋書經籍志作一卷王應麟曰今本三卷六篇

季子十篇 閩本作李子

右兵權謀十三家二百五十九篇省伊尹太公管子孫卿子鶡

冠子蘇子蒯通陸賈淮南王二百五十九種出司馬法入禮

也 案二百五十九種種字疑誤卽上文十三家之篇數也

所云省伊尹以下諸書今伊尹太公管子鶡冠子在道家孫

卿子陸賈在儒家蘇子蒯通在從橫家淮南王在雜家並不

人禮注云出司馬法入禮者因兵家下有出司馬法入禮而誤衍其文于此

右陰陽十六家 此陰陽與兵權謀兵形勢兵技巧同是兵家陰陽上當脫兵字況法家者流之前已有陰陽家者流矣下文陰陽者亦脫兵字章懷太子注張衡傳以兵陰陽之風后十三篇地典六篇爲陰陽流又方回古今攷引此已無兵字知唐宋本已脫

鮑子兵法十卷 閩本十作一案兵技巧本百九十九篇此作一篇止得百九十八尙少一篇

武帝時軍政楊僕 軍政卽軍正也軍正有丞見胡建傳

漢日旁氣行事占驗三卷 功臣表云成帝時光祿大夫滑堪

日旁占驗曰鄧弱以長沙將兵侯疑卽此書

諫不能聽之王 王南雍本閩本竝作主

許商算術二十六卷 溝洫志云博士許商治尙書善爲算

堪輿金匱十四卷 周禮占夢正義云按堪輿黃帝問天老事

云四月陽建于巳破于亥陰建于未破于癸是爲陽破陰陰
破陽又鄭注保章氏云堪輿雖有郡國所入度非古數也今
其存可言者十二次之分也星紀吳越也元枵齊也娵訾衛
也降婁魯也大梁趙也實沈晉也鶉首秦也鶉火周也鶉尾
楚也壽星鄭也大火宋也析木燕也

泰一二十二九卷 當作二十九卷衍二字

五音奇肱用兵二十三卷 五音奇肱刑德二十一卷 案淮

南兵畧訓云明于星辰日月之運刑德奇胲之數向背左右之便此戰之助也

次二曰羞用五事 五行志及孔光傳竝作羞師古曰羞進也
周易三十八卷 周易下當有脫字

莫善於蓍龜 易繫詞作莫大陸氏釋文本作莫善云本亦作
莫大案何休注公羊亦引作莫善儀禮疏同賈公彥曰凡艸
之靈莫善於蓍凡蟲之知莫善於龜中山江水出焉其中多
良龜郭璞云良善也

相人二十四卷 相視也視人骨狀以知吉凶貴賤春秋傳曰
公孫敖聞其能相人隋書經籍志相書四十六卷

外經三十九卷 南雍本閩本九作七

注疝音山諫反

南雍本閩本山諫反下有又音刪三字

故諺曰有病不治常得中醫 今吳人猶云不服藥爲中醫

漢書辨疑卷十六終

萍鄉文廷俊南海潘乃成番禺范公詒校字

漢書辨疑卷十七

嘉定錢大昭撰

陳勝傳

攻陳陳守令皆不在獨守丞與戰譙門中 案洪适隸續云索
隱謂秦無陳郡皆字是衍文守令與守丞同守非官也劉原
父云是陳縣之攝令游俠傳王游公謂茂陵守令尹公曰君
辱原涉如是一旦真令至復單車歸爲府吏注云守茂陵令
未真爲之隸釋有羊竇道碑云青衣尉趙君到官六日郡召
守鐵官長積四月徙守成都令後還歸尉官又金鄉守長侯
成碑云郡授五官掾功曹守金鄉長卽家假印綬周憬碑陰
有滇陽守長南平丞塞祇三人者亦是以它君攝事然則守

令守丞非真令丞也師古以爲郡守郡丞非是

勝迺立爲王號爲張楚 閩本號下無爲字

今趙又安敢害將軍之家乎 閩本又作獨無之字南雍本作

獨有之

張賀軍勝出臨戰 軍下閩本有敗字

項籍傳

梁父卽楚名將項燕者也 漢紀云故楚將項燕之孫

請斬獄掾曹咎書 咎後爲楚海春侯大司馬

會稽假守通晉灼曰楚漢春秋云姓殷 漢紀作殷通

府中皆讐伏 史記作惛伏案說文讐失氣言傳毅讀若惛訕

與惛古字通

徇下縣 此下縣與上文使人收下縣同漢紀作下邳縣非是
聞陳嬰已下東陽 東陽屬臨淮郡水經注云淮陰縣楚漢之
間爲東陽郡

謂其軍曰 南雍本閩本軍下有吏字

有名於楚 名閩本作功

梁已并秦嘉軍胡陵 南雍本閩本軍下皆重軍字

居鄴人范增 羽尊爲亞父封歷陽侯

故南公稱曰 藝文志陰陽家有南公三十一篇

卒食半菽 史記作芋菽徐廣曰芋一作半

羽使蒲將軍引兵渡三戶 水經注漳水東逕三戶峽爲三戶

津

漢書卷一百一十一
擊秦軍汙水上 水經注汙水出武安山東南經汙城北入漳
羽迺立章邯爲雍王 是時但立爲王尙無封地至分天下以
王諸侯邯乃王咸陽以西

遂西到新安 新安恆農縣括地志故城在洛州澠池縣東一
十三里卽坑秦卒處

吏卒多竊言 南雍本閩本竊言下有曰字
歷陽侯范增曰 歷陽九江縣

羽擊陳畱外黃外黃不下 閩本不重外黃二字

漢有善騎射曰樓煩 功臣表有樓煩將丁復蓋將樓煩之兵
耳樓煩非姓名

羽復引而東至東城 東城九江縣

願爲諸軍快戰 快漢紀及南雍本閩本竝作決

吾爲公得 史記作德古字通

以封五人皆爲列侯 喜赤泉侯醫杜衍侯馬童中水侯勝涅

陽侯武吳房侯

惠文武昭襄 史記作惠王武王無文昭襄

兼韓魏燕趙宋衛中山之眾 史記燕下有楚齊二字

流血漂鹵 鹵文選作櫓案說文櫓大盾也或作櫓此又櫓之

省文

威震四海 此句與下文餘威震于殊俗史記及新書震皆作

振古字通

舜蓋重童子 童古瞳字也說文本不从目

張耳傳

張耳大梁人也 大梁陳畱之浚儀縣也陳勝傳謂之陳人則秦時大梁屬陳縣歟

相國房君諫曰 相國當作柱國陳勝傳云以上蔡人房君蔡賜爲上柱國史記作相國亦誤

難可獨立趙後 獨字下南雍本閩本俱重立字

且什一二相全 南雍本閩本作且什有一二相全

魏豹傳

酈生至豹謝曰 至南雍本閩本作往

田儋傳

形容尙未能敗猶可知也 知閩本作觀

韓王信傳

故立韓公子橫陽成君爲韓王 南雍本閩本作橫陽君成

韓信傳

上不欲就天子乎 南雍本閩本作天下

必欲拜之 南雍本閩本必欲上皆有王字

破代禽夏說閼與 史記趙奢破秦兵閼與是也在上黨涅氏

縣

戰鋒不可當也 閩本戰作其

齊夸詐多變反覆之國南邊荒 南雍本閩本竝作南邊楚

深說以三分天下之計 之計二字閩本作鼎足而王四字

信病不從 南雍本閩本信下有稱字

漢書卷一百一
四
恐其黨不亂

亂南雍本閩本作就

彭越傳

漢王追楚爲項籍所敗固陵

固陵上當有脫字漢王之敗敗

于陽夏南非固陵也其與留侯計議令信越并力擊楚乃在
壁固陵之時見於本紀及張良傳此固陵上當有壁字

黥布傳

太宰主之三日不得見

百官表奉常秦官其屬有太宰是時

諸侯王蓋亦有此官

臣竊爲大王或之

或古惑字或之者疑之也

險謂布何苦而反

險卽遙也說文無遙字賈誼傳貴賤有等

而下不險師古曰險與踰同陳湯傳橫厲烏孫踰集都賴師

古曰踰讀曰遙

吳芮傳

孝惠高后時封芮庶子二人爲列侯 孝惠時封便侯吳淺高
后時封沅陵侯吳陽

荆燕吳傳

荆王劉賈高帝從父兄也 諸侯王表作從父弟

澤還兵備西界遂跳 跳讀若逃

子康王嘉嗣九年薨 表云二十六年薨自文三年至景五年
正合二十六年之數此作九年誤

立四十二年國除 高后七年至元朔二年凡五十四年此作
四十二年誤

乃封敬王澤元孫之孫無終公士歸生爲營陵侯 歸生爲侯

表失載

狝糠及米 狝他合切說文狝犬食也从犬从舌

意亦可乎 意與抑同

楚元王傳

某非敢忘封之也 史家避諱

封其子信爲羹頡侯 漢紀作刮羹侯

子禮爲平陸侯 閩本無子字

常爲穆生設醴 案高誘云醴以蘖不以麴濁而甜中山經云其祠蘖釀郭注云以蘖作醴小顏謂少籩多米失之

劉德傳

後復爲宗正雜案上官氏蓋主事 宗正掌親屬諸公主家令
門尉皆屬焉故蓋主事德亦案之

劉向傳

雜還眾賢 還及也公羊傳云祖之所逮聞也漢石經逮作還
方言迨還及也東齊曰迨關之東西曰還或曰及說文還迨
也又目部眾目相及也从目从隶省玉篇迨還行相及師古
以爲聚積貌疑誤

又曰飴我釐薺釐薺麥也始自天降 毛詩作貽我來牟韓詩
作貽我嘉麥文選典引注引薛君章句云麥大麥也陸氏釋
文云貽字或作詒牟字書作薺或作麥案說文解字來周所
受瑞麥來薺一來二縫象芒束之形天所來也故爲行來之

來詩曰詒我來麴貽字在說文新埶中古本作詒傳作飴假借用也來釐古字通毛詩說文作來傳作釐同始自天降者今文尙書太誓云武王渡孟津白魚躍入于舟出涘以燎後五日火流爲烏五至以穀俱來故云自天降也

山豕卒崩 卒毛詩作萃釋文云本亦作卒

分曹爲黨往往羣朋 說文攬朋羣也

天下苦其役而反之 役古文役字見說文

上輒入之然終不能用也 入古納字納其言也師古以爲召入非也

劉歆傳

然公卿大臣絳灌之屬咸介冑武夫 李善注文選謂絳灌是

一人非絳侯與灌嬰大昭案孝惠世周勃灌嬰俱在而一取封地一取氏族不相倫類故李氏疑非二人蓋據楚漢春秋謂高祖之臣別有絳灌然史傳中無此人且賈誼傳已云樊酈絳灌樊指噲酈指食其絳指周勃灌指灌嬰陳平傳云絳灌等或讒平樊噲傳云羣臣絳灌等莫敢入外戚傳絳侯灌將軍等曰吾屬不死命乃且縣此兩人蓋各舉其姓則周有周昌周竈之不同各舉其封地嬰又潁陰兩字不可單稱故當時有此絳灌之目

在漢朝之儒唯賈生而已 三史拾遺曰漢初留田何濟南伏生魯申公齊轅固燕韓嬰魯高堂生齊胡毋生皆諸侯王國人唯賈生洛陽人在漢十五郡之內故云漢朝之儒唯賈

生一人宋子京謂在漢朝不容更有漢字蓋未之思耳

逸禮有三十九 文選九下有篇字

則有魯國柏公趙國貫公膠東庸生之遺學與此同 柏當作

桓李善注引七略云禮家先魯有桓生說經頗異論語家近琅邪王卿不審名及膠東庸生皆以教然則李氏亦未詳庸生之名也攷後漢書儒林傳庸生名譚

雖昭其情 雖昭文選作深照

田叔傳

叔取其渠率二千人笞 千問本作十

高五王傳

使棘蒲侯柴將軍擊破 案功臣表有棘蒲剛侯陳武此又作

樂說詳侯表

盡封悼惠王諸子罷軍等七人爲列侯 本紀亦作七人攷王
子侯表管其侯罷軍氏丘其侯甯國營平侯信都楊丘侯安
楊虛侯將閭枋侯辟光安都侯志平昌侯卬武成侯賢白石
侯雄渠俱悼惠王子同日受封此七人當作十人下文云十
五年分齊爲六國盡立前所封悼惠王子列侯見在者六人
爲王是時罷軍甯國信都等已卒皆非見在故不得王

齊孝王將閭以楊虛侯立云云 案六王之立詳見諸侯王王
子侯各表矣此處可省

以令置八子秩比六百石 案外戚傳八子視千石比中更此
是諸侯王之八子故秩不同

蕭何傳

以文毋害爲沛主吏掾 毋害說各不同案郡國志云凡郡國
皆掌治民常以春行所主縣勸民農桑秋冬遣無害吏案訊
諸囚平其臬法劉昭注云律有無害都吏如今言公平吏
秦御史監郡者與從事辨之何迺給泗水卒史事第一 辨治
也秦時御史監郡郡中事皆與從事共辨之何爲泗水卒史
卽從事也蘇顏說皆失之

發縱指示獸處者人也 說文無蹤字蹤蹟字古作縱隸釋郭

仲奇碑云有山甫之縱又云徽縱顯魯峻碑云比縱豹產趙
圉令碑云羨其縱高外黃碑云莫與比縱夏承碑云紹縱先
軌皆是也小顏乃疑非蹤蹟之蹤誤矣

相國爲民請吾苑不許 南雍本閩本吾字在苑下
坐爲太常儀牲瘦免 儀表作犧說文犧宗廟之牲也賈侍中
說此非古字或者古亦借用儀

曹參傳

參以中涓從 中涓卽涓人之類國有涓人疇陳勝傳勝故涓
人將軍呂臣爲蒼頭軍應劭曰涓人如謁者

北擊司馬欣 欣本紀及樊噲傳作旦

乃封參執帛 漢紀作執帛侯非也

擊章平軍於好畤南 平邯之弟

還攻武彊 高帝封莊不識爲武彊侯卽此地

蕭何爲法講若畫一文穎曰講或作較 案講與斟同斟卽角

漢書敘傳卷一
斗甬之角說文斛平斗斛也文說是小顏訓講爲和非是

載其清靜 靜南雍本閩本作靖

張良傳

相釐王悼惠王 古今人表作桓惠王

良年少未宦事韓 宦閩本作嘗

韓諸公子橫陽君成賢 功臣表傳寬以舍人從起橫陽卽成

所封地

賜良金百溢 溢古鎰字陳平傳賜金二十溢食貨志云秦兼

天下黃金以溢爲名孟康曰二十兩爲溢

顧上有所不能致者四人 案隸釋云揚子雲法言曰美行園

公綺里季夏黃公角里先生班孟堅敘近古逸民與揚子同

陳畱志云園公姓庾字宣明常居園中因以爲號夏黃公姓
崔名廣隱居夏里號曰黃公角里先生姓周名術或曰霸上
先生皇甫謐之徒說又相戾故小顏悉棄不取陶淵明詩黃
綺之南山杜子美詩黃綺終辭漢似亦以夏爲地名也惟圈
稱陳畱耆舊傳自序云圈公爲秦博士避地南山惠太子以
爲司徒至稱十一世漢刻有圈公角里先生神坐圈公綺里
季神祚机則圈稱蓋有據也師古以爲商山四皓三輔舊事
云四皓隱于上雒熊耳山是商山卽熊耳山

太子將兵有功卽位不益 卽史記作則則卽聲相近古字通
人生一世如白駒之過隙 南雍本閩本世下有閒字

取而竇祠之 竇史記作葆徐廣曰史記珍竇字皆作葆

陳平傳

亦食糠粃耳

廣韻引作糠粃

凡六出奇計

閒疏楚君臣一奇計也夜出女子二千人滎陽

東門二奇計也躡漢王立信爲齊王三奇計也僞游雲夢縛

信四奇計也解平城圍五奇計也其六當在從擊臧荼陳豨

黥布時史傳無文

周勃傳

攻蘭虞

史記作蒙虞索隱曰二縣名屬梁國

北救漆

救當從史記作攻

西擊益已軍

益已史記作盜巴

陳豨屠馬邑

陳豨上脫擊字史記及南雍本問本皆有

勃以相國代樊噲將一時高帝怒噲使陳平卽軍中斬噲故勃代之

遼東二十九縣 遼東上史記有遼西二字案地理志遼西縣十四遼東縣十八合之得三十二縣較絳侯所定者多三縣後又有析置者耳且下云定郡五若無遼西止四郡矣當從史記爲是

漁陽二十二縣 當作十二縣

每召諸生說士 士南雍本閩本竝作事

國絕一年弟亞夫復爲侯 閩本無弟字亞夫上有文帝乃擇勃子賢者河內太守十二字

祝茲侯徐厲 當作松茲說見侯表

直入武庫擊鳴鼓 擊下荀紀有楬字

亞夫固爭之不待 待當作得

樊噲傳

賜上聞爵 上云賜爵國大夫賜爵列大夫下云賜爵五大夫

賜爵卿賜爵封號賢成君文穎以國大夫爲卽官大夫爵第
六級列大夫爲卽公大夫爵第七級然則上聞爵卽公乘爵
第八級也下文五大夫爵本第九級卿則左庶長以上封君
則大庶長之屬矣

噲高后時用事顯權 南雍本閩本無噲字用事顯權謂呂須

也

酈商傳

賜南爵信成君 案上文已云賜爵封信成君此又重出

爵乎關內侯 乎南雍本閩本竝作皆

夏侯嬰傳

常踐兩兒棄之 說文𡗗足刺𡗗也讀若撥

閔所奪邑五百戶 閔南雍本閩本作賜

灌嬰傳

睢陽販繒者也 睢陽漢紀作洛陽

賜嬰爵列侯號昌文侯食杜平鄉 案絳侯世家云賜與潁陰

侯共食鍾離鍾離地理志屬九江然則杜平鄉當是鍾離鄉

名師古以爲杜縣之平鄉非是

所將卒斬右司馬騎將各一人 右司閩本作左右

所將卒虜單騎將軍華毋傷 單騎南雍本閩本竝作車騎
從擊漢王信於代 漢當作韓

傳寬傳

封陽陵侯二千六百戶 侯下當有食邑二字

爲齊右丞相 功臣表無右字

靳歙傳

至五石三十九人 五下南雍本閩本皆有百字

子亭嗣有罪 坐事國人過律免

周昌傳

及高祖沛起 沛起二字當乙

以苛爲御史大夫 公卿表苛自內史遷則苛曾爲內史矣

不然今爲慮矣 慮當作虞

然臣心知其其不可 南雍本閩本皆作然臣期期知其不可
任敖傳

以淮南相張蒼爲御史大夫 曹參傳爲齊丞相此亦當有承
字

孝景五年薨 蒼之免相表在後二年此亦當云後五年
申屠嘉傳

以材官蹶張 說文趣距也从走屮省聲漢令曰趣張百人蹶
張卽趣張矣

孝文元年舉故以二千石從高祖者悉以爲關內侯食邑二十
四人 案本紀吏二千石以上從高帝潁川守尊等十八食

邑六百戶淮陽守申屠嘉等十人五百戶衛尉足等十人四百戶紀是三十人傳止二十四人未知孰是

酈食其傳

陳留高陽人也 元始二年封淮陽憲王孫竝爲高陽侯梁孝王傳云北界泰山西至高陽郡國志陳留圉有高陽亭劉昭引文穎云高陽聚邑名在圉縣西

欲率諸侯攻秦乎 攻閩本作破

爲人刻印玩而不能授 玩閩本作刊

後更食武陽卒子遂嗣 案史記云以父故封疥爲高梁侯後

更食武遂且稱武遂侯平據此則武陽當爲武遂矣表中疥

子名勃而此作遂涉上武遂而譌耳

陸賈傳

欲以區區之越與天子伉衡爲敵國
伉南雍本閩本作抗荀

悅漢紀作抗行

女給人馬酒食極飲
飲閩本作欲

臣常欲謂太尉絳侯
謂閩本作語注同

朱建傳

聽梁父侯遂反
梁父泰山縣侯姓遂名也瓚說誤

君何不肉袒爲辟侯言帝
南雍本閩本俱作辟陽

叔孫通傳

子孫奈何乘宗廟道以行哉
以南雍本閩本作上

淮南王傳

皇帝翫天下正法而許大王 翫猶翫骸也枚舉傳其文翫骸

曲隨其事

野戰次城 次當作攻

觸情妄行不詳 詳與祥同尚書告爾祥刑後漢書劉愷傳引

作詳刑君爽云其終出於不祥蔡邕石經作其道出於不詳

易履上九云視履考祥釋文云本亦作詳

亡之諸侯游宦事人及舍匿者論皆有法 舍匿謂匿於其舍

季布傳購求布千金敢有舍匿罪三族是也是時長收聚漢

諸侯人及有罪亡者匿與居故有是言

及以亡名數自古者 古南雍本閩本竝作占

與棘蒲侯柴武太子奇謀 太子棘蒲侯之太子也奇其名

大夫但士伍開章等 上云男子但猶言妄男子耳此云大夫是民爵第五級張晏以大夫爲但之姓豈士伍亦開章之姓乎必不然矣

列侯吏二千石臣嬰等四十三人議 嬰夏侯嬰也其時灌嬰

陳嬰皆前卒

獨斬丞相御史以謝天下迺可 案淮南王之死非丞相御史之故也斬之何爲此句疑有誤字下文云上卽令丞相御史逮諸縣傳淮南王不發封餽侍者皆棄市是從爰盜所請矣爰必不請斬丞相御史明甚

吳使者至淮南淮南王欲發兵應之 淮南二字閩本不重漢亦使曲成侯將兵救淮南 曲成侯蟲達之子名捷小顏以

爲名捷非是

作爲內書二十一篇 西京雜記云淮南王安著鴻烈二十一
篇鴻大也烈明也言大明禮教號爲淮南子一曰劉安子自
云字中皆挾風霜揚子雲以爲一出入

多與金錢爲中訶長安 說文訶知處告言之

事下廷尉河南河南治 案壽春嚴正上書言淮南事亦以其
事下廷尉河南治又衡山王上書告太子不道事亦下沛郡
治又趙太子丹事亦繫魏郡詔獄與廷尉雜治又廣川王去
事治鉅鹿詔獄此重河南二字衍文

大臣必徵膠東王不卽常山王 不古否字卽則古通用

衡山王傳

后乘舒死 閩本無乘舒二字

今居外家 今南雍本閩本作令

作輶車鍛矢 說文輶兵車也

遣中尉安大行息 安卽司馬安汲黯姊子所謂文深巧宦四
至九卿者也息李息也大行下當有令字

蒯通傳

所以不敢事刃於公之腹者師古曰事本作傳 案傳字說文
所無古只作事

先下君而君不利 南雍本閩本不利下竝有之字

通善齊人安其生 漢紀作安期生

伍被傳

今我令緩先要成皋之口 緩漢紀作樓緩

故孟子曰紂貴爲天子死曾不如匹夫 今孟子無此文或曰

孟子外篇玩語氣孟子文似只此二句下三句是伍被引伸之詞王氏藝文志攷證合下三句皆爲孟子外篇非也

江充傳

充出逢館陶長公主行馳道中 陳景雲曰案功臣表館陶公

主子堂邑侯陳季須元鼎元年坐母公主卒服未除云云卽主卒於元狩之末及江充貴幸主沒已十餘年矣館陶字誤無疑

後充從上甘泉 後閩本作先

息夫躬傳

太后及弟宜鄉侯馮參皆自殺 弟中山太后弟

諸曹以下僕遯不足數 召南野有死麕云林有樸楸毛傳樸

楸小木也僕遯與樸楸字異音義同言其才小弱不任用

如使狂夫鳴諄於東崖 說文鳴聲鳴鳴也

未有能窺左足而先應者也 窺讀與赴同說文赴半步也俗

或作顚荀子勸學篇云不積跬步無以至千里楊倞曰半步

曰跬

羽檄重迹而押至 押疑是狎之譌

器用監惡 四牡詩傳監不堅固也鵠羽詩傳監不攻緻也

石奮傳

以奮爲中涓受書謁 陳平世家云是時萬石君奮爲漢王中

涓受平謁卽其事也

朕方答氣應 氣聞本作瑞

直不疑傳

拜爲御史大夫 據表自衛尉遷

文三王傳

梁懷王揖 揖史記作勝

西至高陽蘇林曰陳畱北縣 注有誤字當云在陳畱圉縣說

詳酈食其傳

大臣及爰盎等有所關說於帝太后 案關說二字起於此篇

又佞幸傳云高祖時則有籍孺孝惠有閼孺俱以婉媚貴幸

與上臥起公卿皆因關說

議格注格音格闕 閩本作格者格闕也

梁相軒丘豹 楚文王庶子食采於軒氏因以爲氏見廣韻

弟憂恐 弟南雍本閩本作帝史記作景帝

參徙爲代王復并得太原 參兼王代太原地故地理志大陵縣屬太原而衛綰傳云代大陵人

凡立四十年薨 表作三十八年此誤

梁共王買立十年薨 案買立於孝景後元年薨於武帝建元四年表作七年是也此誤

天子遣廷尉賞大鴻臚由 賞方賞由畢由也

賈誼傳

制度定官名 閩本制下有法字

嗟若先生 若當作苦文選注引應劭曰苦勞苦也

般紛紛其離此郵兮 般字从舟說文般辟也象舟之旋小顏

以爲字從丹青之丹謬矣

遙增擊而去之 史記作搖增翮逝而去之大昭案擊卽翮也

古擊鬲通用長楊賦桔隔鳴球韋昭曰古文隔爲擊說文玉

部璆讀若鬲裴部璆讀若擊

單閼之歲四月孟夏徐廣曰文帝六年歲在丁卯 談泰曰依

三統術超辰法推之孝文六年太歲在丙寅單閼之歲是七

年也徐說誤

注此以造化爲大鈞也 此以閩本作以比

忽然爲人何足控揣如滄曰揣音團 案揣無團音必作搏字

乃與患字合韻文選作控搏并引如淳曰搏音團或作揣是如淳本作搏也小顏變其字而仍其音遂致讀者不可解矣以幸天下 賈誼新書幸作宰

彼自丞尉以上偏置私人 偏新書作徧

日中必慧 慧當作慧注同說文慧暴乾火也

陛下雖賢誰與領此師古曰領理也 案仲尼燕居云敢問禮

也者領惡而全好者與鄭注領猶治也領治是古訓師古避

諱改爲理

莫不制從 制從新書作從制

家貧子壯則出贅 如淳注嚴助傳云淮南俗賣子與人作奴

婢者名爲贅子三年不能贖遂爲奴婢說文贅以物質錢从


敖貝敖者猶放貝當復取之也質以物相贅从貝从所故漢
之七科謫贅壻同於吏有罪亡命等也小顏謂不當出在妻
家猶人身體之有疣贅失之矣今人以就婚婦家爲贅壻猶
浴小顏之謬說


而禮之所爲生難知也 生問本作用

隼詬亡節 說文隼頭衰翫隼態也从矢

漢書辨疑卷十七終

萍鄉文廷俊南海潘乃成番禺范公詒校字





漢書辨疑卷十八

嘉定錢大昭撰

爰盎傳

陛下不交睫解衣 睫古作眅史記扁鵲傳云忽忽承眅說文

眅目旁毛也

願致前口對狀 致南雍本閩本作至

夫一旦叩門不以親爲解 案論語子路問聞斯行諸包咸以

爲賑窮救乏之事子曰有父兄在如之何其聞斯行之孔安
國以爲當白父兄不得自專白虎通議亦云朋友之道親存
不得行者二不得許友以其身不得專通財之恩友飢則白
之于父兄父兄許之乃稱父兄與之不聽卽止故曰友飢爲

之滅滄友寒爲之不重裘然則以親爲解行古之道也

龜錯傳

迺詔太常使人受之 太常當作奉常景帝中六年改奉常爲

太常是時尚未改也下云迺拜益爲太常亦誤

四者國之至要也 國南雍本閩本皆作兵

具藺石如淳曰藺石城上雷石也 惠士奇曰雷石一作礮石

潘岳汧督誄詞所謂礮以鐵鎖機關旣縱礮而又昇焉是也

一名礮石閒居賦云礮石雷駭注云礮石今之拋石范蠡兵

法飛石重二十斤爲機發行三百步說文建大木置石其上

發以機以礮敵一名檐魏志謂之霹靂車亦曰拋車後世易

石以火號震天雷蓋師雷石之遺意而加酷矣

郡縣之民得買其爵以自增至卿 案樊噲賜爵卿卿謂左庶
長以上之爵孟康以武功爵之樂卿當之非也說詳樊噲傳
而勸之新色也 色當作邑

廷尉臣宜昌 百官表逸其姓

除苛解嬈 說文嬈苛也

不孥諸侯 孥與孽同謂不媒孽其短也應劭謂不以庶孽畜
之非是

張釋之傳

問上林尉禽獸簿 百官表水衡都尉屬官上林有八丞十二
尉

用紃絮斲陳漆其間 斲說文云斬也廣雅云絕也言擲之隙

處斬紂絮以塞之又以漆陳其間也

聞蹕匿橋下

說文蹕止行也周禮天官宮正及禮記曾子問

皆作蹕蹕非古字

且方其時上使使誅之則已

魏志王肅傳載肅之言曰廷尉

者天子之吏也猶不可以失平而天子之身反可以惑謬乎
周公曰天子無戲言言則史書之工誦之士稱之言猶不戲
而況行之乎子雍以釋之此語爲有病則可至詆釋之爲不
忠之甚則謬矣

與梁相山都侯王恬

功臣表作王恬啟史記作王恬開此疑

脫一字

馮唐傳

闌以內寡人制之闌以外將軍制之 闌漢紀作閫同案爾雅
釋宮槩謂之闌郭璞曰門閫曲禮云由闌右李如圭云闌者
門中所豎短木在地者也其東曰闌東其西曰闌西
滅澹林如淳曰匈奴傳云晉北有澹林之胡樓煩之戎 案如
說非也匈奴傳但言林胡不言澹林

魏尙槐里人也 魏尙無傳故于此記其里居亦猶公卿之無
傳者表中書其里及其字也槐里右扶風縣

汲黯傳

至黯十世 十史記作七

臣過河內河內貧人傷水旱 河內史記俱作河南下同

陛下用羣臣如積薪耳後來者居上 文子曰虛無因循常後

而不先譬若積薪燎後者處上也黯之言蓋本諸此

縣官亡錢從民貰馬 昭帝紀始元四年詔曰往時令民共出

馬其止勿出卽其事也

而文吏繩以爲闌出財物如邊關乎 說文關𡗗入宮掖也从

門絲聲如應劭臣瓚說則字當爲關𡗗入爲關𡗗出亦爲關也

臣常有狗馬之心 有閩本作存

過大行李息 大行下當有令字

司馬安爲淮陽太守 司馬安疑卽汲黯姊子

賈山傳

今陛下念思祖考術追厥功 術與述同孫炎注爾雅云述古

述字術追猶詩言遁追來孝也

又選其賢者使爲常侍諸吏 諸吏中常侍皆加官中常侍得

入禁中諸吏得舉法

憐其衣赭書其背 後漢鄴令甄邵諂事梁冀有同歲生得罪
于冀亡奔邵邵陽納而陰告冀冀捕殺之邵當遷爲郡守而
其母死乃埋尸馬屋先受官而後發喪及冀誅而河南尹李
燮遇邵于塗使卒投車溝中笞捶亂下大署帛于背曰諂貴
賣友貪官埋母乃具表其狀廢錮終身此罪人書背之事

鄒陽傳

交龍襄首奮翼 交文選作蛟交蛟古今字

武力鼎士袷服叢臺之下 說文袷元服元服卽袷服也說文

袷字在新附中篆書袷與衲相似故亦謂之均服左傳僖五
年均服振振服虔以均服爲黑服古戎服尙黑戰國策左師
觸龍曰老臣賤息舒祺願令補黑衣之數以衛王宮注云黑
衣戎服

壤子王梁代 壤當作臙晉灼引楊雄方言作壤今本方言作
臙郭璞注云肥臙多肉說文解字臙益州鄙言人盛諱其肥
謂之臙

范睢拉脅折齒於魏 拉文選作摺案春秋公羊傳莊元年拉
榦而殺之史記公子彭生抱魯桓公上車摺其脅揚雄傳解
嘲云范睢以折摺而危穰侯晉灼曰摺古拉字

然則軻湛七族要離燔妻子 閩本則下有荆字

蟠木根柢輪囷離奇 蟠卽樅字說文樅木也讀若樊

秦皇帝任中庶子蒙之言 蒙非名也脫嘉字史記及文選竝

作蒙嘉

牽帷廡之制 廡文選作牆

爲其以生易死以存易亾也 此用公羊傳也當引以注之

枚乘傳

乘奏書諫曰臣聞得全者全昌 案說苑正諫篇云孝景帝時

吳王濞反梁孝王中郎枚乘字叔聞之爲書諫王其辭曰君

王之外臣乘竊聞得全者全昌云云此言爲吳郎中諫而不

納乃去之梁與說苑不同攷鄒陽傳亦云吳王濞招致四方

游士陽與吳嚴忌枚乘等俱仕吳疑說苑誤也

欲湯之滄 周書周祝解云天地之間有滄熱

泰山之雷穿石 說文雷屋水流也

單極之統斷幹 此句說施作引繩久之乃以挈木統與綆同

左傳襄九年具綆缶杜云綆汲索幹注當作韓井垣也从韋取其帀也軌聲井韓是井上木欄久汲爲綆契斷

不如海陵之倉 海陵屬臨淮郡

魯東海 魯漢紀作虜

路溫舒傳

鉅鹿東里人也 東里蓋鉅鹿縣之里名

元鳳中廷尉光 公卿表元鳳六年有廷尉李光

綆者不可復屬 說文綆古文絕象不連體絕二絲

遷廣陽私府長師古曰天子曰少府諸侯曰私府 案顏說非也漢制諸侯王國亦有少府不名私府百官表詹事中長秋私府令長丞皆屬焉然則私府皇后之官也諸侯王之后亦有之耳

贊賈山自下劓上 說文無劓字古作摩易繫詞云剛柔相摩京房曰摩相磴切也

竇嬰傳

梁人高遂乃說嬰曰 案韓安國傳云於梁舉壺遂臧固高遂疑卽壺遂之譌

魏其沾沾自喜耳多易 沾卽姑字說文姑小弱也一曰女輕薄善走也一曰多技藝也言魏其自以爲多技藝而輕薄自

海國典卷一
喜不勝丞相之任

田蚡傳

蚡以肺附爲相 作肝肺附著解則字當从肉作斫木札解則字當作柿从木說文柿削木札樸也陳楚謂櫝爲柿芳吠切後漢書楊由傳風吹削肺亦借用肺肝字

召客飲坐其兄蓋侯北鄉自坐東鄉 案蓋寬饒傳從西階上

東鄉特坐亦言其自尊抗之意王尊傳尊劾奏丞相衡與中二千石大鴻臚賞等會坐殿門下衡南鄉賞等西鄉衡更爲賞布東鄉席起立延賞坐衡設不正之席使下坐上相比爲惠於公門之中亂朝廷爵秩之位樓護傳坐者百數皆離席伏護獨東鄉正坐

故嬰墨墨不得意 案墨與默通書說命恭默思道古文尙書
作嚶史記賈生傳吁嗟嚶嚶今漢書作默默師古曰默默不
得意也孫叔敖碑云其意常墨墨隸釋云以墨爲默魏受禪
表寬容淵嚶亦以嚶爲默說文默犬暫逐人也讀若墨
灌夫傳

迺效女曹兒咕囁耳語

咕囁猶講嚶也東方朔七諫云喜講

嚶而妄作王逸注云講嚶小語謀私貌

與太后家廷

廷古文作悟說文悟逆也

韓安國傳

安國以五百金遺蚡

潛夫論云韓安國能遺田蚡五百金而

不能賑一窮

卽召以爲北地都尉 案北地有兩都尉北部都尉治神泉障
渾懷都尉治塞外渾懷障

聚之廣武常谿 廣武地理志屬太原張晏云雁門縣非也後
漢方改屬雁門

景十三王傳

山東諸儒者從而遊 者閩本作多

冀州刺史敞奏元事 敞張敞也

魯安王光晚節遴 易蒙初六以往吝許氏說文兩引之一曰
吝恨惜也一曰遴行難也遴與吝通用王莽傳云性實遴嗇
亦此意廣雅云遴𨔵也

建異母弟定國爲淮陽侯 淮陽表作淮陵

膠西于王端爲人賊謚 說文謚弼戾也讀若戾

議者勿冤鼂錯之策 勿當作多

昧不泰山 泰山上脫見字

長沙孝王薨于魯人嗣王莽時絕 案諸侯王表於魯人之下

云居攝元年舜嗣二年王莽篡位貶爲公明年廢

又告中尉蔡彭祖捕子明 案西熊侯明廣川惠王之子也當

是繆王齊之弟傳作子誤孟康以爲彭祖之子名明失之遠

矣

其殿門有成慶畫短衣大袴長劍 後代之有門神濫觴於此

崔脩成爲明貞夫人主永巷 永巷二字誤南雍本閩本皆作

衣服

李廣傳

用堅其意有白馬將出護兵 閩本無有白馬將出護兵七字
非也

與故潁陰侯屏居藍田南山中 時潁陰侯灌彊以有罪免侯

故曰故也

今將軍尙不得夜行何故也 言卽見爲將軍亦不許其夜行

況故將軍乎

有功中率 中率中首虜率也上文云諸將多中首虜率爲侯
單于遮其後乘隅下壘石 陵居谷中虜在山上故以壘石投
之亦謂之藺石鼂錯傳云具藺石服虔曰藺石可投人石如
涪曰藺石城上雷石

立政等見陵未得私語卽目視陵 高帝紀呂公因目固畱高

祖亦此意

蘇建傳

因厚輅單于 輅聞本作賂

皇后父平恩侯 許廣漢也水經注作許伯

衛青霍去病傳

平陽侯曹壽尙武帝姊陽信長公主青壯爲侯家騎從平陽主
又云初青旣尊貴而平陽侯曹壽有惡疾就國長公主問列
侯誰賢者左右皆言大將軍主笑曰此出吾家常騎從我奈
何左右曰於今尊貴無比於是長公主風白皇后皇后言之
上迺詔青尙平陽主與主合葬 案史記曹參世家時尙平

陽公主生子襄時病癘歸國襄尙衛長公主史公言病癘與傳所云惡疾適合則尙陽信主者似是曹時矣又攷功臣表曹參薨靖侯密嗣孝文後四年薨簡侯奇嗣孝景四年薨夷侯時嗣元光五年薨共侯襄嗣衛青於元朔二年封長平侯元狩四年爲大司馬所謂列侯尊貴無比當在此時而本傳元狩四年令青出定襄平陽侯襄爲後將軍屬大將軍以時勢度之曹壽當卽曹襄也襄古作襄壽古作置因襄字有置而譌爲壽耳若依史記之說以襄爲平陽公主之子則襄尙襁褓中不能爲後將軍以尙平陽公主者爲曹時則元光時青尙未封侯不得言列侯更不得言尊貴無比也

代相李蔡爲輕車將 代王義之相也

大行李息 大行下當有令字下同

子登爲發干侯 西京雜記云衛將軍青生子或有獻駟馬者

乃命其子曰駟字叔馬其後改爲登字叔升

都尉韓說從大軍出賓渾 從大下當有將字

議郎周霸等 案議郎是郎中令屬官大將軍莫府中不得有

此官疑卽從事中郎之類

捕季父羅姑比再冠軍師古云比頻也 小司馬引顧氏說以

羅姑比爲單于季父名與顏小異

揚武乎鰈得 鰈當作鰈注同地理志作鰈說文鰈肉也張掖

有鰈得縣

誅獍悍師古曰獍字或作趙 趙字是說文行輕兒

主爵趙食其爲右將軍 主爵下當有都尉二字

於是青合武剛車自環爲營 司馬彪輿服志云吳孫兵法云

有巾有蓋謂之武剛車

漢益縱左右翼繞單于 案李廣傳云廣令其騎張左右翼後

漢書耿弇傳弇知步困將退豫置左右翼爲伏以待之段熲

傳熲令軍中張鐵利刃長矛三重挾以強弩列輕騎爲左右

翼眾皆騰赴熲馳騎于傍突而擊之虜眾大潰公孫瓚傳瓚

常與善射之士數十人皆乘白馬以爲左右翼自號白馬義

從袁紹傳云瓚兵三萬列爲方陳分突騎萬匹翼軍左右其

鋒甚銳蓋古有此陣法

悉以李敢等爲大校當裨將 此李敢非李廣之子郎中令也

廣子早爲票騎將軍去病射死蓋別是一人

所獲輦允之士 輦允卽獫狁也輦獫聲相近

上爲遣太官齋數十乘 太官屬少府主膳食之官

并之二萬二百戶 以數計之當是萬二百戶

張次公河東人 酷吏傳云義縱少年時嘗與張次公俱攻剽

爲羣盜

董仲舒傳

必推之於大衰而後息與 衰漢紀作中疑是衷字之譌

臨淵羨魚不如蛛而結網 蛛南雍本閩本竝作退

功烈休德未始云獲也 云閩本作亾

異貴賤而勸有德也 勸有德閩本作觀德二字

共是天下古亦大治 亦聞本作以

黨可得見乎 黨古儻字伍被傳黨可以倣幸是也

則民不樂生民不樂生 閩本四字不重

與大夫泄庸種蠶 泄庸漢紀及人表竝作后庸

故求雨閉諸陽縱諸陰其止雨反是 求雨止雨之法詳見春

秋錄露

仲舒弟子呂步舒 五行志上思仲舒前言使仲舒弟子呂步

舒持斧鉞治淮南獄以春秋誼斷于外不請

司馬相如傳

素與臨邛令王吉相善 此王吉非琅邪王子陽

是時卓王孫有女文君新寡 西京雜記云文君姣好眉色如

望遠山臉際常若芙蓉皮膚柔滑如脂十七而寡爲人放誕風流故悅長卿之才而越禮焉

相如與馳歸成都家徒四壁立 西京雜記云司馬相如初與卓文君還成都居貧愁懣以所著鷓鴣裘就市人陽昌貰酒與文君爲懽旣而文君抱頸而泣曰我生平富足今乃以衣裘貰酒遂相與謀於臨邛賣酒相如親著犢鼻褌滌器以恥王孫王孫果以爲病乃厚給文君文君遂爲富人

子虛過姁烏有先生師古曰姁字本作詒 案李善作姁史記及五臣竝作詒姁字誤作詒者形相近而譌也說文詒沈州謂欺曰詒

果岡彌山 說文畧兔畧也玉篇果同畧

岑岑參差日月蔽虧 江淹雜體詩岑岑還相蔽李善引郭注
方言云岑岑峻兒

璊玊元厲 璊玊說文作玊璊云石之次玉者

礪石武夫 礪當作礪說文礪石次玉者山海經中山經云扶
豬之山其上多礪石

穹窮昌蒲 說文營營藟香艸也司馬相如說營或从弓所引
司馬氏說卽謂此賦也字當作芎

江離蘼蕪 說文藟楚謂之藟晉謂之藟齊謂之藟是三者同
物異名說文又云藟江藟蘼蕪許君葢引子虛賦文非謂江
藟卽蘼蕪也

則生葢析苞荔 說文苞艸也南陽以爲麤履又云荔艸也似

蒲而小根可作刷

注蘇林曰析音斯 脫二字文選注音斯歷反

外發夫容陵華 夫容古字楊雄傳云被夫容之朱裳後人始

加艸

毒冒鼃龜 毒冒古字爾雅注作瑋瑋釋文云字又作疇疇從

玉從甲皆後人所加

微紂受詘 紂當作𦣻說文𦣻相踦𦣻也作疲極解當作憊勞

也今之劇字

被阿錫 錫文選作緡古字通說詳禮樂志

袞袞裊裊 說文袞長衣兒褱長衣兒今人以褱爲氏非也氏

族之裴古用韮

翁呬萃蔡 李善注嵇康琴賦引作翁呬翠粲古蔡與粲通粲
乃蔡字之譌

礧石相擊琅琅礧礧若雷霆之聲 楚詞九思云雷霆今礧礧
說文礧石聲礧石聲皆本此

觀乎成山張揖曰觀闕也 兒子東垣曰案詩唐風有杕之杜
云噬肯來游毛傳訓游爲觀孟子云吾何修而可以比于先
王觀也趙岐訓觀爲游此觀字亦當作游字解方與下文三
句相協張揖郭璞張守節李善竝以觀爲闕非也

適足以卑君自損也 卑當作叟史記作貶說文叟傾覆也杜
林說以爲貶損之貶

胡說文作礧云斬礧鼠黑身白要若帶手有長白

毛似握版之狀類蟻蝓之屬穀當作穀說文犬部穀犬屬要
以上黃要以下黑食母猴讀若構

夭矯枝格 格說文作格云枝格也从丰各聲淮南說林訓枝
格之屬有時而弛庾信小園賦枝格相交草樹混淆皆是格
字

泰山爲櫓 劉屈氂傳以牛車爲櫓與此同意

越壑厲水 厲卽履石渡水之砵

藝殖卽文穎曰所射準的爲藝 尋文氏注義則藝當爲槩攷
工記匠人置槩以縣眡以景注云故書槩或作弋元謂槩古
文臬段借字傳作藝字轉寫譌耳小顏以與技藝字同失之
矣

張樂乎膠葛之寓

寓籀文字荀子精微乎毫毛而盈大乎寓

宙亦作寓

巴俞宋蔡淮南千遮

說文嘑訶聲嘑喻也引司馬相如說淮

南宋蔡謨舞嘑喻許君所引卽此文疑巴俞古作嘑喻矣

鄢郢繽紛

揚雄反離騷云暗纍以其繽紛注繽紛交雜也楚

詞九懷云撫余佩兮繽紛王逸注持我玉帶相糾結也張有

以說文之闔闕二字當之音義俱合

與天下爲始

始文選作更始

西至沫若水張揖曰沫水出蜀廣平徼外

案地理志蜀郡無

廣平縣當作廣柔水經云沫水出廣柔徼外東南過旄牛縣

北又東至越嶲靈道縣出蒙山南東北與青衣水合東入于

江

橋孫水張揖曰鑿開靈山道置靈道縣 案兩漢志俱作靈關道

且因宣其使詣 詣當作指史記及閩本俱作指

昔者洪水沸出汜濫衍溢 衍文選作湔張揖曰湔溢也郭璞

三蒼解詁曰湔水聲也李善曰古漢書爲湔今爲衍非也

躬臠胼胝無腋 文選作躬腩胝無腋李善注引孟康曰腩腩

理也韋昭曰腋身中小毛也

常有消渴疾 西京雜記云長卿素有消渴疾乃還成都悅文

君之色遂以發痼疾乃作美人賦欲以自刺而終不能改卒

以此疾致死文君爲誄傳于世

謁輕舉而遠游

淮南說山訓云以束薪爲鬼謁而走說文謁

去也

公孫宏傳

夫厚當重刑

當閩本及漢紀竝作賞

通塞之塗

通下脫壅字南雍本閩本及鼂錯所引竝有壅字

於是起客館開東閣以延賢人

西京雜記云平津侯自以布

衣爲宰相乃開東閣營客館以招天下之士其一曰欽賢館

以待大賢次曰翹材館以待大材次曰接士館以待國士其

有德任毗贊佐理陰陽者處欽賢之館其有才堪九列將軍

二千石者居翹材之館其有一介之善一方之藝居接士之

館而躬自菲薄所得奉祿以奉待之

身食一肉脫粟飯 段玉裁曰粟者糯米也米者精米也粟對已去糠者言之則去糠者爲米未去者爲粟對精米言之則精米爲米糯米爲粟

守成文 成下脫上字南雍本間本皆不脫

年八十終丞相位 西京雜記云公孫弘著公孫子言刑名事亦謂字直百金

卜式傳

及臨菑習弩博昌習船者 時式爲齊相故卽舉齊地言之

兒寬傳

千乘人也 不言郡避重文

後有軍發左內史以負租課殿當免民門當免皆恐失之 案

漢書辨疑卷十八
劉向傳云孝武帝時兒寬有重罪繫案道侯韓說諫曰前吾
上壽王死陛下至今恨之今殺寬後將復大恨矣上感其言
乃貰寬據此則是時寬之咎不止於免官矣免字疑是死之
譌形相近耳

漢書辨疑卷十九

嘉定錢大昭撰

張湯傳

拘守職之吏 以循分供職者爲拘泥也蘇說非

與長安富賈田甲魚翁叔之屬交私 廣韻魚姓出馮翊風俗

通云宋公子魚賢而有謀以字爲族

排富商大賈出告緡令 楊可告緡天下受其病論者每咎孔

僅東郭咸陽而主其議者實張湯一人

上問變事從迹安起 從古蹤字顏說非

上疏歸侯乞骸骨 歸侯者歸侯印也

將作穿復土起冢祠堂 祠堂起于漢龔勝傳勿隨俗動吾家

種柏作祠堂循吏傳文翁終于蜀吏民爲立祠堂朱邑葬桐鄉西郭外民爲起冢立祠後漢書馬援傳援夫人卒乃更修封樹起祠堂潛夫論云廬舍祠堂崇侈上僭

旣嗣侯國在陳畱 陳畱風俗傳云陳畱尉氏縣安陵鄉故富平縣也

別邑在魏郡租入歲千餘萬 魏郡之別邑當在武始縣故安世六世孫純封武始侯

數上書讓減戶邑 讓疑當作請

迺徙封平原并一國戶口如故而租稅減半 延壽雖徙封平原其魏郡租入之千餘萬不過減半耳仍延壽所食也

勃舉太官獻丞陳湯 湯傳作獻食丞

太官私官竝供具第 具南雍本閩本作其

更封富平之別鄉爲武始侯 別鄉疑當作別邑上文所謂別

邑在魏郡也武始是魏郡縣非富平鄉

杜延年傳

五鳳中徵入爲御史大夫 公卿表作五鳳三年六月辛酉漢

舊儀云大夫初拜策曰惟五鳳三年正月乙巳御史大夫之

官皇帝延登親詔之曰御史大夫其進虛受朕言朕鬱于大

道獲保宗廟兢兢師師夙夜思已失不遑康寧盡思百姓未

能綏於戲御史大夫其帥意盡心以補朕闕於戲九卿羣大

夫百官愼哉不勗于厥職厥有常辟往悉乃心和裕開賢俾

賢能反本又民靡諱朕躬天下之眾受制於朕以法爲命可

不愼與於戲御史大夫其誠之此其策命之詞也

延年遂稱疾篤 疾南雍本閩本作病

合陽侯梁放 梁喜之子

戊夫士也 夫當作未南雍本閩本皆不誤

仲山父異姓之臣無親於宣就封於齊 此用韓詩說漢孟軻

碑云天生仲山甫翼佐中興宣平功遂受封于齊其言與杜

欽同

主上照然知之 照南雍本閩本竝作昭

書稱公母困我 案元后傳王鳳乞骸骨上報曰書云公母困

我今洛誥作公無困哉哉乃我字之譌

今在長者歸故郡 在當作坐南雍本閩本不誤

鉅鹿太守孫宏 宏翟方進傳作閔

遣使者毛莫如先考驗 莫如太山人官至常山太守毛當作

屯說見儒林傳

張騫傳

金城河西西竝南山至鹽澤 南雍本閩本皆不重西字

置牂柯越嶠益州沈黎文山郡 地理志無沈黎文山二郡沈

黎省于天漢四年文山省于地節三年皆并蜀

司馬遷傳

重黎氏世序天地 楚語云少皞之衰也九黎亂德顓頊受之

乃命南正重司天以屬神命火正黎司地以屬民使復舊常
無相侵瀆其後三苗復九黎之德堯復育重黎之後不忘舊

者使復興之以至于夏商故重黎氏世序天地而別其分主者也其在周程伯休父其後也當宣王時失其官守而爲司馬氏

定計於鮮也 釋詁鮮善也邶風新臺云籊籊不鮮小雅北山云鮮我方將鄭箋竝訓鮮爲善此言定計爲善不遭刑辱文穎以爲鮮明未當

武五子傳

按道侯說疑使者有詔 詔當作詐

父子不和則室家散亡 散南雍本閩本作喪

令皇太子爲漢適嗣 令當作今

平與侯嗣子尙焉 史表無平與侯

衛侯史良娣葬長安城南 侯當作后外戚傳云瘞之城南桐
柏

皆賜策各以國土風俗申戒焉 本紀是年初作誥故三王俱

載賜策

北州以安 士相見禮云凡言非對也安而後傳命鄭注安安
坐也古文安爲綏

王孺見執金吾廣義 義字疑誤下文作廣意公卿表亦作廣
意

趙氏無炊火焉 秦之先造父封于趙城更爲趙氏故秦亦稱
趙也

王客呂廣等知星 天文志有燕王侯星者吳莫如

耘鋤海內勤苦至矣 耘鋤海內下脫正文當此之時頭如蓬

葆八字又注文頭久不理如蓬草羽葆也師古曰草叢生曰

葆音保二十字當據南雍本閩本補

二十年薨子嘉嗣 表云二十一年

毋桐好逸 桐史記作侗集解引張晏注亦作侗

左右皆服 服南雍本閩本作伏

立六十四年而誅 表作六十三年

立二十年薨子宏嗣 當從表作十七年

使行大鴻臚事少府樂成 公卿表作便樂成

道買積竹杖 說文攢積竹杖也

臣敞故知執金吾嚴延年字長孫 案酷吏傳嚴延年字次卿

張敞爲京兆尹素與延年善疑卽其人矣然字旣不同而延年傳又不言其爲執金吾未知其審

傳子至孫今見爲 南雍本閩本見爲下有侯字

嚴助傳

枚皋膠倉 膠當作聊說詳藝文志

嚴慈奇等 七略云或言莊夫子或言族家子莊助昆弟也

自以身不見兵革 自以下脫沒字南雍本閩本皆有

故古者封內甸服封外侯服 此用國語文避高帝諱故作封

朱買臣傳

不視買臣買臣入室中 閩本不重買臣二字

試來視之 閩本無來字

吾上壽王傳

十賊彊弩百吏不敢前

彊說文作彊云弩滿也讀若郭淮南

子兵略訓云疾如彊弩

是以巧詐竝生知者陷愚

南雍本閩本是以二字俱在巧詐

竝生之下

主父偃傳

諸儒生相與排儐不客於齊

儐與擯同說文儐或作擯文王

世子云退儐于西序釋文本亦作擯客疑當作容

以守北河 漢紀作河北

必稍自銷弱矣

中山王勝傳云其後更用主父偃謀令諸侯

以私恩自裂地分其子弟而漢爲定制封號輒別屬漢郡此

偃銷弱之計也

徐樂傳

燕郡無終人也 燕王定國有罪國除入漢爲郡故曰燕郡無終地理志屬右北平

嚴安傳

臣聞鄒衍曰 衍南雍本閩本竝作子

章廣心逸 章當作意

禍拏而不解 拏當作紛拏之拏霍去病傳云漢匈奴相紛拏後以安爲騎馬令 騎馬令屬太僕

終軍傳

北胡隨畜薦居 案襄四年左傳云戎狄荐居服虔曰荐艸也

言狄人逐水草而居徙無常處古荐與薦通蘇林說與服氏同小顏注非也

王褒傳

渤海趙定梁國龔德 龔當作龍藝文志樂家有雅琴龍氏九十九篇名德梁人小顏引劉向別錄云亦魏相所奏也與趙定俱召見待詔

賈捐之傳

元封元年立儋耳珠崖郡 案本紀二郡立於元鼎六年朔南暨聲教迄于四海欲與聲教則治之不欲與者不彊治也釋詁暨與也據捐之所釋書義殆以暨爲干與之與

含氣之物各德其宜 德南雍本閩本作得

上以問丞相御史 御史下當有大夫二字

期思侯竝可爲諸曹 期思侯竝疑是二人姓名廣韻期姓下

引風俗通有期思國不言複姓若以爲期思地名則下文滿
宣又不言所居之縣何以侯竝獨載居地乎小顏以爲賁赫
之後非也赫之除國尙在孝文時

東方朔傳

舍人不勝痛呼暑 說文暑大呼自冤也

尻益高 尻當作尻從九說文尻腓也居髀也或作腓或作髀

朔擅詆欺天子從官 舍人以幸倡常侍左右故自稱天子從

官

鶴俛啄也 啄讀與噉同

漢書卷一百一十一
吾弟老有是一子 案此以隆慮公主爲武帝女弟而景十三
王傳又以爲帝姊未知孰是

并嚴子爲衛尉 漢書卞并通用杜欽傳小并作卞此傳卞莊
子作并

季路爲執金吾 閩本作子路

將以爲君之榮除主之禍也 禍閩本作病

遂居家山之間 家閩本作深

於是吳王懼然改容 懼漢紀作瞿

公孫賀傳

賀祖父昆邪 攷功臣表賀是昆邪之子祖字衍

劉屈氂傳

事籍籍如此何謂祕也 景十三王傳云國中口語籍籍慎無

復至江都皆言誼貼之意

陸賈傳名聲籍甚

車千秋傳

車千秋 依史例當云田千秋

思欲寬廣上意尉安眾庶 胡建傳所以尉薦走卒甚得其心

注云尉者自上安之也韓安國傳云猶頗可得以尉士大夫
心師古曰故尉安之字正如此其後流俗乃加心耳大昭案
王嘉傳遣使者賜金尉厚師丹傳有以尉復師傅之臣龔遂
傳選用良吏尉安牧養焉宣元六王傳益封孝王萬戶以尉
其意王莽傳宜令州郡且尉安之皆不从心

坐盜增鹵獲 表作虜獲鹵虜古通用

王訢傳

修治供張辨

辨古辨字攷工記云或審曲面執以辨民器鄭

注辨猶具也釋文辨皮莧反特牲饋食禮云宗人告有司具
鄭注具猶辨也易剝牀以辨徐音辨具之辨說文辨字在新

附中

楊敞傳

霍氏伏誅憚等五人皆封

五人閩本作有功案功臣表是時

同日封者有張章董忠金安上及憚四人其一人史高在外

戚侯表

令郎出錢市財用給文書迺得出名曰山郎

此郎非尙書郎

是宿衛郎

由是擢爲諸吏光祿勳 加諸吏者始見於此然孝文時賈山

上至言已云又選其賢者使爲常侍諸吏與之馳毆射獵

長樂嘗使行事隸宗廟 隸閭本作肄下文副帝隸及注竝同

惲幸有餘祿方糴賤販貴逐什一之利 貢禹傳近臣自諸曹

侍中以上家無得私販賣與民爭利惲免爵爲庶人故欲爲

賈豎之事

諸在位與惲厚善者未央衛尉韋元成京兆尹張敞及孫會宗

等皆免官 案杜業傳故事大逆朋友坐免官無歸故郡者

贊然後化可興 後下南雍本閩本俱有教字

汝南相寬次公 相當作桓

聞汝南朱生 朱生鹽鐵論作朱子伯

中山劉子

鹽鐵論作劉子雍

斗筭之人何足選也小顏引論語作選

今本論語作算案選

算古字通邶風威儀棣棣不可選也後漢書朱穆傳注絕交

論引作不可算也

今本仍作選詩攷以爲作算蓋宋本與今本異

齊風舞則選兮文

選舞賦注引作舞則纂兮纂卽算也周語纂修其緒史記周

本紀作遵修徐廣曰遵一作選是選算同

楊王孫傳

欲從其心又不忍

閩本其作之

胡建傳

因上堂走卒皆上

堂下脫皇字南雍本閩本皆有

黃帝李法曰

藝文志不載此書

朱雲傳

從博士白子友受易 白子疑卽白光字少子東海人見儒林

傳

欲以匹夫徒走之人 走南雍本閩本作步

梅福傳

孝文皇帝好忠諫 文南雍本閩本作武

故淮南安王緣間而起 安王二字當乙

武帝時始封周後 武帝上閩本有初字

云敞傳

師事同縣吳章 章字偉君見儒林傳

夜以血塗莽門 莽下南雍本閩本有第字

漢書卷一百一十一
皆當禁固 固南雍本閩本作錮

霍光傳

中孺扶服叩頭 扶服卽匍匐也鄭注閒傳云匍匐猶顛蹙或
作扶服谷風詩匍匐救之鄭箋匍匐言盡力也檀弓家語及
本書谷永傳竝引作扶服長楊賦扶服蝘伏解詡云扶服入
橐匈奴傳扶服稱臣王莽傳扶服振救

後光爲奉常都尉 常當作車

令故昭帝侍中中臣侍守王 侍中爲中朝官故稱中臣

臣吉師古曰景吉 景吉卽丙吉也唐諱丙字故丙丁皆爲景

丁

天子所以永保宗廟 大當作天

奉節使徵昌邑王典喪服斬縗 典喪爲喪主也下文言賀服
斬縗而無悲哀之心耳小顏以典喪服爲句失其指矣

注左思吳都賦云長塗牟首劉逵以爲牟首閣道有室屋也

吳都當作魏都注是張孟陽非劉淵林

其以河北東武陽益封光 河北言河以北也非郡名東武陽

屬東郡

下詔曰故大司馬大將軍博陸侯 此詔已見本紀可不複見

私使乳醫溱于衍 宣紀作女侍醫

復徙光長女壻長樂衛尉爲少府 此少府是長信少府見本

紀

金安上傳

四子常做岑哭今明皆爲諸曹中郎將 哭今當作明岑南雍
本閩本皆不誤

爲奉車水衡都尉 百官表奉車都尉掌御乘輿車水衡都尉
掌上林苑此云奉車水衡都尉當是先後任此兩職不重言
都尉者省文也

贊然光不學亡術 淮南子人間訓云見本而知末觀指而睹
歸執一而應萬握要而治詳謂之術公孫宏傳云擅殺生之
柄通壅塞之塗權輕重之數論得失之道使遠近情僞必見
於上謂之術

趙充國傳

臣竊見騎都尉安國 卽義渠安國

今先零羌楊玉此羌之首師名王 閩本無此羌句

貧破其眾 貧漢紀作分案說文貧財分少也則貧亦有分意

媮得避嫌之便 坊記云貴不嫌於上鄭注嫌或爲嫌說文嫌

疑也是嫌古嫌字

充國遽起奏湯使酒不可典蠻夷 使酒應劭以爲酖酒是也

季布使酒難近灌夫爲人剛直使酒

湯數醉酖羌人 說文無酖字微子篇云我用沈酖於酒釋文

云以酒爲凶曰酖說文作酖云酒醬

趙趙桓桓亦紹厥後 後文選作緒

辛慶忌傳

屯田烏孫赤谷城與歙侯戰 陳景雲曰赤谷城在烏孫西偏

漢書卷一百一十一
與康居相接據匈奴傳康居亦有翁侯之官且與烏孫連兵
日久此與歙侯戰者謂康居所遣之將也常惠屯田烏孫時
漢與烏孫甚睦不當有交戰事小顏以歙侯爲烏孫官名似
誤

補金城長史 百官表邊郡有長史掌兵馬

少子茂水衡都尉 茂字子淵由中郎將遷見公卿表

及呂寬事起 呂寬事見王莽傳

陳湯傳

得太官獻食丞 太官屬少府主膳食獻食丞百官表所無

南排月氏山離烏弋 西域傳烏弋山離國王去長安萬二千

二百里此云山離烏弋疑傳寫倒置服虔以爲去中國二萬

里未詳

言父早死犯不封 犯南雍本閩本竝作獨

雋不疑傳

本夏陽人姓成名方遂 故昭紀謂之夏陽男子

于定國傳

前太守彊斷之咎黨在是乎 黨古儻字伍被言黨可以徼幸

揚雄傳此非人力之所能黨鬼神可也亦作黨

學士咸聲焉 聲當作稱南雍本閩本不誤

萬方之事大錄于君 尙書納于大麓陸氏釋文引王肅云麓

大錄也西漢經師已有此訓

薛廣德傳

楚國龔勝舍 勝字君賓舍字君倩

代貢禹爲長信少府御史大夫 二職俱代貢禹

廣德爲人溫雅有醞藉 聘禮云凡執玉無藉者襲鄭注藉謂繅也繅所以繆藉也匡張孔馬傳贊曰其醞藉可也醞繆同亦作溫籍義縱傳少溫籍師古曰言無所含容也史記作蘊藉

彭宣傳

族寘溝壑 古寘填同聲故借用寘未必是寘之譌

王吉傳

中慰甚忠 慰當作尉

貢禹傳

三工官官費五十萬 三工官當謂考工室之一令二丞也百
官表少府有若盧考工室令丞屬焉表不言員數是爲一令
一丞矣然王肅傳云補若盧右丞有右必有左若盧既有二
丞考工室亦宜有二丞如淳以地理志懷成都廣漢之工官
爲三工殊不知志言工官者尙有河南陽翟宛東平陵太山
郡奉高雒七處豈得單舉三者以當之小顏以爲考工室也
右工室也東園匠也攷右工室不見於表東園匠則專作園
陵器物觀下文見賜杯案云云則非東園匠所作明矣小顏
說誤
至拜爲諫大夫秩八百石又拜爲光祿大夫秩二千石 百官
表作比八百石比二千石

定迭毀之禮語在韋元成傳 閩本之禮下有然通儒或非之

六字

兩龔傳

執金吾閭崇 崇字君蘭鉅鹿人

韋賢傳

𦣻𦣻黃髮 說文無𦣻字古用𦣻

五世墳僚至我節侯 墳與廕同元帝紀眾僚久廕未得其人

左右昭宣五品以訓 訓古馴字故與聞爲韻周禮地官土訓

鄭司農讀訓爲馴史記殷本紀帝舜命契曰百姓不親五品

不馴後漢書亦引作訓

厥賜祁祁百金洎館 謂賢乞骸骨賜黃金百斤也

四方遐爾 爾與邇同

祭義曰王者禘其祖所自出云云 此是喪服小記文非祭義

廷尉忠以爲孝武皇帝 尹忠字子賓魏郡人

謹案上世帝王承祖禘之大義 閩本義作禮

起敦煌酒泉張掖以鬲婁羌 鬲與隔同

魏相傳

臣聞明主在上賢輔在下則君安虞而臣和睦 案此虞字與

匡衡傳未有游虞弋射之晏揚雄傳長楊賦反五帝之虞同

孟子驩虞如也亦此意

丙吉傳

掖庭宮婢則 則宮婢名

夏侯勝傳

後事蒯卿 蒯卿勝同郡人兒寬門人也蒯姓廣韻不收淮南王有中尉蒯忌小顏以爲从艸不从竹

下詔曰蓋災異者 此詔已見本紀可不復載

京房傳

陰霧不精 古晴字作精說文作𠄎

皆以房言煩碎 煩碎猶瑣小也黃霸傳初若煩碎然霸精力

能推行之薛宣傳殆吏多苛政政教煩碎又云官屬譏其煩

碎無大體不稱賢也王莽傳太后詔曰今眾事煩碎朕春秋

高精氣不堪魏畧苛吏傳曰王思爲人雖煩碎而曉練文書

敬賢禮士

然幸其瘡於彼又以爲不在此人也 帝意謂我所用者幸非
豎刁趙高之輩且災異之來不在此人顏注疑誤

翼奉傳

時平昌侯王臨以宣布外屬 王臨宣帝舅王無故孫也布字
帝字之譌

二陽竝行是以王者吉午酉也 案穆天子傳云天子命吉日

戊午又云吉日辛酉天子升於昆侖之上與翼奉吉午酉之

說合

詩有五際 鄭康成作六藝論引春秋演孔圖云詩含五際六

情詩氾厥樞云午亥之際爲革命卯酉之際爲改正辰在天
門出入候聽卯天保也酉祈父也午采芑也亥大明也然則

亥爲革命一際也亥又爲天門出入候聽二際也卯爲陰陽
交際三際也午爲陽謝陰興四際也酉爲陰盛陽微五際也
見詩正義奉治齊詩五際是齊詩說

百姓洽足 洽聞本作給

左據成皋左阻鼃池 左阻疑當作右阻

趙廣漢傳

吏見者皆輸寫心腹無所隱匿 小雅蓼蕭云旣見君子我心

寫兮毛傳輸寫其心也鄭箋我心寫者輸其情意無畱恨也

尹翁歸傳

類常如翁歸言無有遺託 託南雍本閩本竝作脫

豪彊有論罪輸掌畜官使斫莖 百官表右扶風有掌畜令丞

小顏注誤

韓延壽傳

勞謝令丞以下引見尉薦 尉薦卽慰藉薦猶藉也匈奴傳尉
薦撫循交接賂遺趙廣漢傳以和顏接士其尉薦待遇吏殷
勤甚備小顏以爲安慰而薦達之非也

張敞傳

張敞爲山陽太守 地節三年五月視事

詣公書上車 當作詣公車上書

王尊傳

補遼西鹽官長 地理志遼西海陽縣有鹽官

不以時皆奏行罰 皆南雍本閩本作白

衡與二千石大鴻臚賞等 賞浩賞也

將迹射士千人逐捕 馮奉世傳云今發三輔河東恆農越騎
迹射飲飛穀者

司隸遣假佐放 哀帝時但爲司隸故無校尉二字

外爲大言倨嫚嫺嫌 嫌南雍本閩本作上

尊坐先吏民多稱惜之 先當作免

功岩職脩 岩當作著閩本不誤

蓋寬饒傳

常爲衛官繇使市買 衛官謂衛尉也

劾奏長信少府以列卿而沐猴舞 少府列于九卿故長信少

府亦稱列卿然其名不列于表

時執金吾 據公卿表名廣意

諸葛豐傳

德無以報厚 當作無以報厚德南雍本閩本不誤

劉輔傳

上廼徙繫輔共工獄 王莽改少府爲共工成帝時尙未有此
名也太初元年更名考工室爲考工疑卽此

蕭望之傳

蕭望之字長倩東海蘭陵人也 梁書武帝紀云漢相國何生
鄼定侯延延生侍中彪彪生公府掾章章生皓皓生仰仰生
大傳望之

事同縣后倉且十年 后倉東海郟人見儒林傳以望之同郡

非同縣也縣疑當作郡

注其餘三十人畱守 案畱守當作畱寺漢舊儀云御史員四十五人皆六百石其十五人衣絳給事殿中爲侍御史宿廬左右渠門外二人尙璽四人持書給事二人中丞一人領餘三十人畱寺理百官也

言其來荒忽無常 閩本來下有服字

其於爲民除害安元元而已 其讀若期

舉茂材好時令 茂材下當有爲字

復爲中散大夫 百官表無此大夫

馮奉世傳

創艾亾出塞 南雍本閩本亾下有逃字

使領護左馮翊都水 百官表左馮翊有左都水長丞是時馮翊當有河渠之事故令參領護之

宣元六王傳

懲艾霍氏欲害皇太子 懲閩本作徵古懲字詩曰荆舒是徵然後富貴不離於身 於閩本作其

絞殺胸臆有詔奏請逮捕 詔當作司閩本不誤

建昭二年王爲信都王 王爲當作立爲

匡衡傳

至衡好學家貧 西京雜記云匡衡勤學而無燭鄰舍有燭而不逮衡乃穿壁引其光以書映光而讀之邑人大姓文不識家富多書衡乃與其傭作而不求償主人怪問衡衡曰願得

主人書遍讀之主人感歎資給以書遂成大學王符潛夫論
云匡衡自鬻于保徒

無說詩匡鼎來 服說是也賈捐之傳云顯鼎貴如淳曰言方
且欲貴矣與此同義

人情以不自知 以南雍本閩本作忽

福之興莫不本乎室家之道衰莫不始于梱內 之道二字當
乙

張禹傳

徙家蓮白 白當作勺

謂禹父是兒多知 父下閩本有曰字

孔光傳

伋生子上帛 帛禮記檀弓史記孔子世家竝作白

是時諸侯王相在郡守上 漢制王國相統眾官尚有內史治國民故在郡守上至成帝時省內史而令相治民則與郡守等矣

敞以舉故爲東平太守 王國有相無太守此言太守者東平

王雲以建平三年有罪國除至開明嗣封在元始元年其閒爲郡者四五年敞爲郡守正當其時

敞姓成公東海人也 廣韻作東郡人

馬宮傳

臣知妾不得體君卑不得敵尊而希指雷同 臣疑當作誠

漢書辨疑卷十九終

萍鄉文廷俊番禺范公詒沈寶樞校字

漢書辨疑卷二十

嘉定錢大昭撰

王商傳

宜窮意考問

意當作竟南雍本聞本不誤

傅喜傳

子嗣莽敗乃絕

喜子名勁見史表傳脫勁字小顏謂史不得

其子名非也

薛宣傳

遷樂浪都尉丞

樂浪有兩都尉南部治昭明東部治不而

爲樓煩長

地理志樓煩屬雁門郡

宣卽以令奏賞與恭換縣二人視事數月而兩縣皆治

後漢

漢書卷之二十一
第五種拜高密侯相以能換爲衛相今縣令有人地兩不相
宜者上官奏請交易其任爲對調古人謂之換縣

朱博傳

時諸陵縣屬太常 元帝永光元年改屬三輔

翟方進傳

司隸校尉涓勳 廣韻涓姓列仙傳有齊人涓子

復徙故郡以憂發疾而死 閩本無發疾而三字

以儒雅緣飭法律 飭閩本作飾

方進獨與長交稱薦之 潛夫論云翟方進稱涓于長而不能

薦一士

使議者以爲不便 使南雍本閩本作後

以主守盜十金賊殺不辜部掾收縛立傳送鄧獄 薛宣傳云
十金法重是也

欲令都尉自送則如勿收邪 公羊隱元年傳如勿與而已矣
何休注云如卽不如齊人語左氏僖廿二年傳若愛重傷則
如勿傷愛其二毛則如服焉與此同義

大誥道諸侯王三公列侯 案周書大誥王若曰猷大誥爾多
邦釋文云馬本作大誥繇爾多邦疏云鄭王本猷在誥下道
字在大誥下莽誥與古本合

予未遭其明愆 書作弗造哲遭與造古字通甫刑云兩造具
備史記作遭文侯之命云嗣造天丕愆孔傳亦訓爲遭下文
予遭天役書作造

迪知上帝命況今天降定于漢國 案帝命下脫正文粵天輔
誠爾不得易定九字又脫注文師古曰粵詞也天道輔誠爾
不得改易天之定命十九字南雍本閩本皆有惟汲古閣本
脫

諸將東破陳畱蓄 破字誤南雍本閩本作至

共遣掾行事 事當作視南雍本閩本不誤

谷永傳

意豈陛下志在閨門 下文意豈將軍忘湛漸之義皆當讀爲

抑

閭妻驕扇日以不臧 毛詩作豔妻傳云衰嬖也谷永用魯詩

故爲閭也魯詩以閭妻爲厲王后鄭箋從之詩正義引中候

檇雒貳云昌受符厲倡嬖期十之世權在相又曰剡者配姬
以放賢山崩水潰納小人家伯罔主異載震既言昌受符爲
王命之始卽云期十之世自文數之至厲王除文王爲十世
也剡豔古今字耳以剡對姬爲其姓以此知非褒姒也本傳
下文永又言幽王惑于褒姒周德降亾又云抑褒閭之亂褒
閭對舉魯詩說爲長外戚傳班婕妤賦悲晨婦之作戒兮哀
褒閭之爲郵

滿調誣天 滿讀若謾

枋簋瘠于炮格 炮格炮烙也說文烙新附字古卽用格

身膏草野 草野南雍本閩本竝作野草

厲精致改 改南雍本閩本作政

杜鄴傳

有詔得舉吏如五府 五府者丞相薛宣一也大司馬車騎將軍王音二也御史大夫王駿三也右將軍王章四也左將軍辛慶忌五也時有此五府竟寧中五府舉段會宗爲西域都護五府者丞相匡衡爲一府大司馬車騎將軍許嘉爲一府御史大夫李延壽爲一府右將軍王商爲一府左將軍馮奉世爲一府

何武傳

市嗇夫求商 廣韻求姓三輔決錄漢有求伸

王嘉傳

黠吏知而犯愆 京兆卒捕掾絮舜也事詳本傳

及賜孔鄉侯汝昌侯陽新侯國 案新信古字通侯表亦作陽
新本紀及杜鄴傳竝作陽信

重百金之費 重閩本作惜

不知厭足甚傷尊卑之義 尊卑南雍本閩本竝作尊尊

衛尉雲等五十人 雲孫雲也河內人

縛嘉載致都船詔獄 百官表執金吾屬官有都船令丞如淳

曰漢儀注有都船獄令

師丹傳

迺者以挺力田議改幣章示君 挺寬也言優寵力田之人寬

其租賦繇役

楊雄傳

名曰畔牢愁

宋景文筆記引蕭該漢書音義云該案牢字旁

著水晉直作牢韋昭曰泮騷也鄭氏愁音曹

閨中容競淖約兮相態以麗佳

莊子淖約若處子廣雅作淖

約說文解字作淖約子虛賦云便嬖淖約

棍申椒與茵桂兮

棍疑當作棍方言棍同也宋衛之間語

費椒稽以要神兮

稽與精同古者卜筮先用精鑿之米以享

神謂之精東山經曰精用稌米淮南說山訓云巫用精藉郭

璞高誘竝云祀神之米楚詞云巫咸將夕降兮懷椒精而要

之王逸曰言巫咸將下願懷椒精要之使筮者占茲吉凶之

事史記日者列傳云卜而有不審不見奪精

徒恐鸛鵒之將鳴兮

廣雅鸛鵒鸛鵒子鳩也曹憲音釋云鸛

音弟又音啼鵠古惠反又古二反鵠音規爾雅鵠周郭璞曰
子鵠出蜀中史記律書云百艸奮興秭鵠先鳴徐廣以爲子
規也玉篇以鵠鵠爲子鵠宋景文公筆記引蕭該音義云該
案蘇林鵠鵠音殄絹子京據之以譏小顏之失予謂殄絹杜
鵠鵠鵠一聲之轉其實是一物也

孝成帝時客有薦雄文似相如者 雄荅劉歆書云雄作縣邸
銘王伾頌階闔銘及成都城四隅銘蜀人有楊莊者爲郎誦
之於成帝以爲似相如雄遂以此得見楊莊華陽國志作尙
書郎楊壯李周翰注文選亦作楊莊作壯者避漢明諱改

詔招搖與泰陰兮 泰陰蕭該音義本泰壹

捎夔魑而扶獠狂 史記孔子世家云木石之怪夔罔闔韋昭

曰木石謂山也或云夔一足越人謂之山繅大荒東經曰東
海中有流波山入海七千里其上有獸狀如牛蒼身而無角
一足出入水則必風雨其光如日月其聲如雷其名曰夔黃
帝得之以其皮爲鼓橛以雷獸之骨聲聞五百里以威天下
說文解字夔神魑也如龍一足从夂象有角手人面之形是
夔魑一物也宋景文公筆記引蕭該音義云該按猶狂無頭
鬼見字林

齊總總搏搏其相膠葛兮 廣雅云總總傳傳聚也搏傳古字
通

颺翠氣之冤延 冤延與蜿蜒同

若登高妙遠肅廓臨淵 妙文選作眇

香芬萐以窮隆兮

萐古馥字詩楚茨苾芬孝祀韓詩苾作馥

薛君曰香貌

靈遲遲兮

遲遲文選作迟迟李善曰迟迟卽棲遲

神騰鬼趯

廣雅云騰趯奔也

灑沈蒿於豁瀆

蒿當作菑注同蕭該音義本作灑沈菑而呀

壑瀆兮呀或作呵呵叱問四瀆也

既發軔於平盈兮

楚詞云朝發軔于蒼梧王逸注軔止輪木

也說文軔礙車也

邪界虞淵

邪古與左通禮記王制云執左道以亂政盧植曰

左道謂邪道子虛賦云邪與肅慎爲鄰師古曰邪讀爲左案

長楊賦回戈邪指亦謂左指

建九流 流南雍本閩本竝作旒

秋秋踰踰 文選作啾啾蕭該音義本作啾云該案啾舊亦作
愁韋昭音裁臬反今書或作口旁秋埤蒼曰啾眾聲也楚詞
鳴玉鸞之啾啾

娛澗門 文選作娛澗間

鑿齒之徒相與摩牙而爭之 所爭者秦也猶云秦失其鹿天
下共逐耳鑿齒之徒謂陳勝項籍等

遐萌爲之不安 萌文選作𦵏萌與𦵏同霍去病傳及厥眾萌
劉向傳民萌何以勸勉師古竝云萌與𦵏同孟子書皆悅而
願爲之氓孫奭音義云氓或作萌或作𦵏

皆稽顙樹頤 頤文選作頤宋景文公筆記引蕭該漢書音義

云該案稽顙樹領韋昭本作梨顙樹領梨顙擣地樹領觸地也今作稽顙傳寫誤耳

或橫江潭而漁 注中有兩師古曰以文選注考之前一說是服子慎說也當作服虔曰

領頤折頤 說文領低頭也春秋傳曰迎于門領之而已玉篇引杜預注亦作領又音欽曲頤也列子云巧夫領其頤而歌合律張湛曰領猶搖頭也

蕭規曹隨 蕭字上南雍本閩本皆有夫字

響若阨隤 阨古作氏說文氏巴蜀名山岸脅之旁箸欲落墜者曰氏氏崩聲聞數百里象形揚雄賦響若氏隤氏與是通鄭康成注尙書云織皮謂西戎之國也西傾雍州之山也雍

戎二野之間人有事于京師者道由此州而來桓是隴坂名
其道盤桓旋曲而上故名曰桓是今其下民謂是爲阪曲爲
盤也

故有首衝錯測攤瑩數文掇圖告十一篇 蕭該漢書音義云

該案衝當作衡云八十一家相對之弟如輻輳之衡又案別
錄告下有元問一篇合十二篇今脫一篇疑今人不見太元
及別錄故不知其謬

楚漢記麟止 記當作訖

儒林傳

魯諸儒持孔氏禮器而歸之於是孔甲爲涉博士卒與俱死

而歸南雍本閩本竝作往歸兒子東垣曰自陳涉之王也至

發憤於陳王大約皆本於鹽鐵論之褒賢篇其實桓譚之言亦非也史記孔子世家云慎年五十七生鮒爲陳王涉博士孔叢子荅問篇云子魚名鮒甲陳人或謂之子鮒或稱孔甲獨樂先王之道講習不倦陳勝起兵於陳陳餘以鮒賢說陳王往聘之陳王乃遣使者齎千金加束帛以車三乘聘焉張耳亦謂子魚宜速來以佐王業子魚遂往至陳王郊迎而執其手與議世務子魚以霸王之業勸之王悅其言遂尊以博士爲太傅凡仕六旬老於陳又載其將沒戒弟子語據此則持器往歸及卒與俱死之說俱不足信

莒衡胡 廣韻衡姓風俗通云阿衡伊尹之後又云衡魯公字後乃氏焉隸釋有衛尉衡方

丁寬字子襄梁人一王梁項生 一王二字誤閩本作也初

魯伯授太山毛莫如少路 蕭該漢書音義云該案風俗通姓

氏篇混沌大昊之良佐漢有屯莫如爲常山太守又有毛姓
云毛伯文王子也見左傳漢有毛櫟之爲壽張令案此莫如
姓非毛乃應作屯字音徒本反今人相承呼爲毛忽聞爲屯
驚怪者多但毛屯多相類容是傳寫誤耳應劭解漢書世人
皆用何爲風俗通而不信據此則顏注非矣小顏采集注漢
書家獨未見蕭該音義故有此失

京房受易梁人焦延壽 案隸釋譙敏碑云其先故國師譙贛

深明典奧識錄圖緯能精微天意傳道與京君明

皆祖田何楊叔丁將軍大誼略同 案前云楊何字叔元疑脫

元字

唯京氏爲異黨 荀悅漢紀以黨字絕句小顏以黨屬下句讀
爲儻非也

房授東海殷嘉 殷藝文志及經典釋文竝作段

河南乘宏師古曰乘姓也音食證反 案廣韻十六蒸言乘又
姓四十七證不言姓

伏生濟南人也 後漢伏湛傳云九世祖勝字子賤所謂濟南
伏生者也

其先夏侯都尉 都尉名也

建太子太傅自有傳 建當作遷案勝本傳云爲長信少府遷
太子太傅劉向傳同若夏侯建官至太子少傅非太子太傅

也且建事附于勝傳不得云自有傳

嚴然總五經之眇論 嚴與儼通曲禮儼若思釋文云儼本又作嚴無逸嚴恭寅畏馬融本作儼

疑者亡蓋不言 案荀子大略篇云言之信者在乎區蓋之間疑則不言未問則不立楊倞曰區藏物處蓋所以覆物者凡言之可信者如物在器皿之間言有分限不流溢也區與亡聲相近義亦同小顏說謬甚

非受命而何 而南雍本閩本竝作爲

履雖新必貫於足 貫史記作關案關貫古字通鄉射禮云不貫不釋鄭注古文貫作關

下固刺彘 固當作圉

伏理旃君 案後漢書伏湛傳注云伏理字君游

誼授同郡食子公 蕭詒漢書音義云該案風俗通義云食我

韓公子也見戰國策漢有食子公爲博士食音嗣

毛公趙人也治詩爲河閒獻王博士 案鄭氏詩譜云魯人大

毛公爲故訓傳于其家河閒獻王得而獻之以小毛公爲博

士

柏生單次 柏當作桓

嚴彭祖字公子 酷吏嚴延年之次弟

由是公羊春秋有顏嚴之學 案隸釋嚴訢碑云訢字少通治

嚴氏春秋馮君章句攷兩漢傳春秋嚴氏學無姓馮者蓋史

之闕文

廣授琅琊筦路師古曰筦亦管字

蕭該漢書音義云該案筦

艸下完風俗通義姓氏篇有管筦二姓云筦楚大夫見呂氏
春秋漢有筦路爲御史中丞卽此是也又有管姓云管夷吾
齊桓佐也見論語漢有管甡爲西京太守今路是艸下完非
竹下官由來讀者多惑檢風俗通乃知據此則顏注誤也

唯魯榮廣王孫皓星公二人受焉

皓星姓也亦作浩星趙充

國傳有浩星賜鄧展曰浩星姓賜名廣韻亦作浩星

授楚申章昌李奇曰姓申章

廣韻十七真有複姓申章昌蕭

該漢書音義云該案風俗通義姓氏篇云由余秦相也漢有
由章昌官至長沙太傅據此則應仲遠以由爲姓章昌爲名

循吏傳

京兆尹張敞舍鵲雀飛集丞相府師古曰此鵲音芬字或作鵲
案說文解字鵲鳥似鵲而青出羌中从鳥介聲丞相府所
集者卽是此鳥師古音芬芳之芬非也又云字或作鵲其說
亦誤鵲是鳥聚飛兒非似鵲之鳥也史繩祖學齋佔畢信小
顏之音芬失之矣後讀宋景文公筆記乃知顏籀本不誤宋
時官板方譌爲芬及鵲耳

見一婦人相者言此婦人當富貴 王充論衡骨相篇云丞相
黃次公故爲陽夏游徼與善相者同車俱行見一婦人年十
七八相者指之曰此婦人當大富貴爲封侯夫人次公止車
審視之相者曰令此婦人不富貴卜書不用也次公問之乃
其旁里人巫家子也卽娶以爲妻其後次公果大富貴位至

漢書卷二十一
丞相封爲列侯

酷吏傳

是時九卿死卽死少被刑 文帝深納賈誼之言養臣下有節
是後大臣有罪皆自殺至武帝時稍復入獄自甯成始

周陽由其父趙兼 由真定人見淮南王傳

姦益不勝直指始出矣 直指夏蘭之屬見食貨志

遷至御史及丞 下文言爲御史及中丞者幾二十歲此及下
當有中字

於是賜小史爵關內侯食遺鄉六百戶 隸釋載國三老袁良

碑云孝武征和三年袁幹斬賊公先勇拜黃門郎封關內侯

食遺鄉六百戶幹薨子經嗣經薨子山嗣此言小史卽袁幹

也公孫勇卽公先勇也功臣表例不載關內侯故世次不可攷

繡見延年新將心內懼 時嚴延年爲涿郡太守故稱爲將尹翁歸傳翁歸爲東海太守于定國謂邑子曰此賢將汝不任事也又不可干以私孫寶傳幸同土壤素無睚眦顧受將命分當相直時寶爲京兆尹故亦稱爲將

貨殖傳

賂遺曲陽定陵侯依其權力賒貸郡國人莫敢負 案此谷永所謂爲人起責分利受謝是也

游俠傳

搯拏而游談者 拏當作拏注同

數負進 荀悅漢紀進作遂下云可以償博進矣荀紀亦作遂
佞幸傳

顯與妻子徙歸故郡 前代宦者往往有妻後漢劉瑜傳云常

侍黃門亦廣妻娶怨毒之氣結成妖眚周舉傳云豎宦之人
亦復虛以形勢威侮良家取女閉之至有白首沒無配偶逆
于天心元魏時御史蕭忻疏云高軒和鸞者閹官之嫠婦胡
馬鳴珂者黃門之養息唐書載高力士娶李元晤女李輔國
娶元擢女吳文碑亦有妻有子朱子語類云梁師成妻死蘇
叔黨范溫衰經臨喪奄人倚勢作合良家後先一轍

初許皇坐執左道 坐字上脫后字

又詔賢女弟以爲昭儀 詔南雍本閩本竝作召

匈奴傳上

使蒙恬將數十萬之物 物南雍本閩本作眾

各居其邊爲甌脫 甌脫蘇武傳作區脫

其世信官號可得而記云 信當作姓

日上戊己 以戊己日爲吉也

匈奴復入五原酒泉殺兩部都尉 部當作郡

迺遣閼陵侯將兵別圍車師 閼陵侯成婉也本匈奴人表作

開陵

軍長史與決眭都尉煇渠侯謀 功臣表煇渠侯僕朋子雷電

征和三年以五原屬國都尉與貳師俱擊匈奴卽其人也

行攻塞外亭長 長當作障南雍本閩本不誤

海國圖志卷二十一
三
欲發兵要擊之 要依注當作邀

死干不可勝數 干當作亾

匈奴傳下

封烏厲屈爲新城侯 烏厲屈之封爲列侯本紀不載功臣表
信成侯王定以匈奴烏桓屠蘇單于子左大將軍率眾降五
鳳二年九月封新與信成與城古字皆通烏厲屈是其本名
降漢後乃改名王定耳

單于以徑路刀金留犁撓酒 撓亦謂之攝士冠禮云再醺攝
酒鄭注攝猶整也整酒謂撓之

長女云爲須卜居次 案云是伊墨居次因爲須卜當之妻故
亦稱須卜居次耳

漢三都尉居塞上 三都尉一在日勒澤索谷一在番和一在居延

本北地之狄 本閩本作夫

奉天子詔條之當予匈奴稅 之當作不

共入匈奴使 入當作殺

遣五威將王駿率甄阜王颯陳饒帛敞丁業六人 此率字讀

如將帥之帥莽置五威將每一將各置前後左右中帥故下

云右率陳饒

從旁謂單于曰 閩本曰下有止字

莽以其庶女陸遂任妻後安公奢 案陸當作睦睦遂任名捷

莽侍者開明所生女

遵與相穿距 攷工記云弓人維角堂之鄭注堂讀如穿距之
堂說文解字堂距也

西南夷傳

西夷君長以十數 西當作南南雍本閩本不誤

南粵食蒙蜀枸醬 南方艸木狀云蒟醬華茛也生於蕃國者

大而紫謂之華茛生於番國者小而青謂之蒟焉可以爲食
故謂之醬焉交趾九真人家多種蔓生

遣水衡都尉 是呂辟胡也此處當書其姓名

牂柯大尹周欽詐殺邯 改太守爲大尹莽制也牂柯亦當從

莽改作同亭

復殺益州大尹程隆 益州亦當從莽改作就新

兩粵傳

高后白臨事 白古自字自臨事者卽尉佗書所云高后自臨

用事也

立明王長男粵妻子術陽侯建德爲王 言粵妻者別於在長

安時所取之嫪氏也

粵郎都稽

都稽功臣表作孫都

故甌駱將左黃同 案功臣表下鄜侯左將黃同以故甌駱左

將斬西于王功侯此作將左疑誤

漢書辨疑卷二十終 萍鄉文廷俊番禺范公詒沈寶樞校字

漢書辨疑卷二十一

嘉定錢大昭撰

西域傳上

西則限以蔥嶺 水經注引西河舊事云蔥嶺在敦煌西八千

里河源潛發其嶺分二水一水西逕休循國南在蔥嶺西

從鄯善徬南山北波河西行 後漢書注云波徬也

至山國千三百六十五里 山國水經注作墨山國

丞相率百官送至橫門外 閩本作丞相將軍無率字南雍本

丞相下有將軍率三字

有蒲陶諸果西通精絕二千里 水經注云西通精絕二千里

東至鄯善七百二十里

于闐國王治西城 後漢班超傳作于寘

西夜國王號子合王 後漢書西域傳云漢書誤云西夜子合

是一國今各自王

蒲犁反依耐無雷國 反當作及閩本不誤

出封牛 爾雅犛牛郭注卽犂牛也領上肉犛眊起高二尺許

狀如橐駝肉羣一邊健行者日三百餘里今交州合浦徐聞

縣出此牛

大月氏國治監氏城 後漢書作藍氏

五曰高附翎侯治高附城 後漢書西域傳云高附國在大月

氏西南亦大國也其俗似天竺未嘗屬月氏漢書以爲五翎

侯數非其實也故五部翎侯內范蔚宗以都密代高附

大宛國去長安萬二千二百五十里 二百南雍本閩本作五

百

又發數十餘輩抵宛西諸國 數閩本南雍本作使

求其物因風諭以代宛之故 其當作奇代當作伐

休循國在蔥領西 水經注引郭義恭廣志云休循國居蔥領

其山多大蔥

因畜隨水草 因當作田

西域傳下

日泥靡大以國歸之 言俟泥靡長大以國歸之故後云烏孫

貴人共從本約立岑陁子泥靡代爲昆彌也

使長盧侯光祿大夫惠爲副 盧當作羅功臣表匈奴傳竝作

羅

張翁梓主頭罵詈 說文梓持頭髮也

積居廬倉以討之 倉閩本作舍

詔焉烏就屠詣長羅侯赤谷城 焉字衍

元貴靡子星靡代爲大昆彌弱 弱與健對下文後都護韓宣

復奏星靡怯弱可免又云時大昆彌雌栗靡健翎侯皆畏服

之是也小顏以弱爲尙幼少非是

願使烏孫鎮撫星彌 彌當作靡閩本不誤

漢遣之卒百人送烏孫焉 閩本無烏孫二字

漢恨不自責誅末振將 閩本無責字

南至於闐 於南雍本閩本作于

龜茲國治延城 後漢班超傳注云龜茲國居延城

故興師遣貳師將軍 閩本故興下無師字尋注文則無者是

易之卦得大過爻在九五匈奴困敗 程舜俞集筮法師春曰

大過木兆卦也外克內應克世之兆所以敗也惠棟曰大過

震游魂故云木兆卦五動又成震初六辛丑土乃震之財故

云外克內然大過九四丁亥水也而受制於辛丑之土九四

立世初六爲應故云應克世當時諸臣以漢爲內卦匈奴爲

外卦故皆云吉而實反謬也

重合侯母虜候者 母當作得南雍本閩本不誤

劫國王 漢紀作劫日國

山國王 漢紀作三山國水經注作墨山國

車師後王國 依前後例當作車師後國王

求車師王烏孫貴 孫字衍車師王烏貴之妻子鄭吉傳送至
長安賞賜甚厚而烏貴尙在烏孫故使殷廣德責烏孫求前
爲車師王名烏貴者與之詣闕賜之第宅令其妻子同居也
是時漢已立故車師王太子軍宿爲車師王故召其故王烏
貴至長安撫卹之小顏說非也

又去胡來王唐兜 姑羌國王號去胡來王

聞甄公爲西域太伯當出 莽分陝立二伯如周召故事甄豐
爲右伯稱爲太伯尊之之辭

得三百四人 南雍本閩本作三四百人

莽封欽爲剡胡子 剡莽傳作剡

贊迺表河曲列西郡

西當作四元狩二年開武威酒泉元鼎

六年分武威置張掖分酒泉置敦煌

外戚傳

良人八子

良人漢紀作良姊史記秦本紀云尊唐八子爲唐

太后徐廣曰八子者妾媵之號

八子視千石

案留川王志傳云以令置八子秩比六百石所

以廣嗣重祖也蓋天子之八子視千石諸侯王之八子比六
百石故與傳不同

充依視千石

漢紀作視九百石

良人視八百石

文選西都賦注引作視七百石漢紀作良姊

視七百石案小顏注百官表云漢制三公號稱萬石其俸月

各三百五十斛穀其稱中二千石者月各百八十斛二千石者百二十斛比二千石者百斛千石者九十斛比千石者八十斛六百石者七十斛比六百石者六十斛四百石者五十斛比四百石者四十五斛三百石者四十斛比三百石者三十七斛二百石者三十斛比二百石者二十七斛一百石者十六斛其說本續漢書志所云續漢書志卽光武紀中章懷太子所引今本司馬彪續志云千石月八十斛比六百石月五十斛比四百石月四十五斛與此不同又無比千石月八十斛之文非西京之制也如淳注汲黯傳云眞二千石月得百五十斛歲凡得千八百石百官表注與如淳說不同外戚傳注又與如說合攷百官表有比二千石無眞二千石蓋二千石卽眞二千石也外戚傳有眞二千石無比二千石者以眞二千石爲二千石

二千石爲比二千石也漢制俸穀之外又有奉錢貢禹傳拜爲諫大夫秩八百石奉錢月九千二百又拜爲光祿大夫秩二千石奉錢月萬二千是也

無涓共和娛靈保林良使夜者皆視百石 漢紀作涓和娛保林良使者皆視百石

葬觀津 劉昭曰決錄注云孝文竇后父隱身漁釣墜淵而卒景帝立后爲太后遣使者更填父所墜淵而葬起大墳於縣城南民號曰竇氏青山大昭案觀津地理志屬信都國郡國志屬安平國小顏以爲清河縣非也

上所以孿孿顧念我者 易小畜九五有孚孿如子夏傳作戀敘傳云旣繫戀於世教矣隸釋唐公房及景君碑皆以孿爲

戀

精浮游而出畺 畺古疆字書召誥無疆惟休古文尙書作畺

本書王子侯表以諸侯王畺土過制師古曰畺亦壇字

元始三年生昭帝 元始當作太始

孝昭上官皇后祖父桀 桀字少叔見李陵傳

長主內周陽氏女 疑卽周陽由之族本姓趙

載以附史恭 附南雍本閩本作付

嫁爲廣望節侯子劉仲卿宅 廣望節侯中山靖王子名忠

嘗之柳宿 柳宿武帝封中山靖王子劉蓋爲侯國太平寰宇

記柳宿故城在望都縣東北四十三里

且財帛之省 帛南雍本閩本竝作幣

豈妾人之殃咎兮 人閩本作父

司隸解光奏言 成帝元延四年省司隸校尉綏和二年哀帝復置但爲司隸故此不言校尉

不須復發葬固爭之 葬當作莽

元后傳

後東平王聘政君爲姬未入王薨 東平王王充論衡作趙王

偶會篇云王莽姑正君許嫁二夫二夫死當適趙而王薨氣未相加遙賊三家何其痛也又骨相篇云王莽姑正君許嫁至期當行時夫輒死如此者再乃獻之趙王趙王未娶又薨清河南宮大有與政君父穉君善相曰貴爲天下母是時元帝爲太子穉君乃因魏郡都尉納之太子太子幸之生子君

上宣帝崩太子立正君爲皇后君上爲太子元帝崩太子立是爲成帝

長御卽以爲 爲下脫是字閩本不脫

司隸校尉解光奏曲陽侯根 校尉二字衍說見前

案漢制皇女封縣公主儀服同列侯范蔚宗載於皇后本紀之末今將公主之有可考者附記于外戚元后傳之後使讀者有可攷云

魯元公主 高帝女適宣平侯張敖

館陶公主嫖 文帝女適堂邑侯陳午

公主 文帝女封地未詳適絳侯周勝之見周勃傳

平陽公主 景帝女 景十三王傳云武帝姊 適汝陰侯夏侯頗見夏侯

嬰傳

南宮公主

景帝女適南宮侯張生生有罪適張侯彤申

適張

生事見史記索隱

隆慮公主

景帝女東方朔傳作武帝女弟景十三王傳作

武帝姊

成陽公主

景帝中六年薨疑景帝女見天文志

陽信公主

景帝女適平陽侯曹壽壽有惡疾適長平侯衛

青因適平陽侯故史家稱為平陽公主曹壽即曹襄說詳

衛青傳

陽石公主

武帝女以巫蠱事誅見公孫賀及武五子傳

鄂邑公主

武帝女適蓋侯王信王信當依小顏注作王充

蓋侯信薨于元光二年時武帝年甫二十四歲主甚幼也

衛長公主 武帝女見史記曹相國世家

夷安公主 武帝女適隆慮公主子昭平君見東方朔傳

當利公主 武帝女衛太子姊適樂通侯欒大見郊祀志

諸邑公主 武帝女以巫蠱事誅見武五子傳及五行志

館陶公主施 宣帝長女適西平侯于永見于定國傳

敬武公主 宣帝女水經注以爲元帝女文穎以爲成帝姊薛嬫以爲元帝姊顏師古以爲元帝妹

適營平侯趙欽又適富平侯張臨又適高陽侯薛宣見趙

充國張安世薛宣傳

陽邑公主 疑宣帝女適博成侯張建見功臣表

平陽公主 元帝女見外戚傳

平都公主 元帝女見傳昭儀傳

潁邑公主 元帝女成帝妹適建平侯杜業

王莽傳上

莽既說眾庶 庶南雍本閩本作意

兆遇金水王相 服虔曰卜法橫者爲土立者爲木邪向經者爲金背經者爲火因兆而細曲者爲水

亮彼武王 韓詩薛君章句亮相也此用韓詩

今天法有設後世有祖 今當作令

朱戶納陛 陳景雲曰宋均禮含文嘉注云動作有禮納陛以

安其體文選魏公九錫文納陛以登李周翰注納陛者致于

殿兩階之間使其上殿此蓋漢人相承之說宋史呂端傳真

宗以端軀體洪大宮庭階阼稍峻特令梓人爲納陛是納陛爲安體而設信矣小顏獨采孟解宋均說亦不可廢

昔唐堯橫被四表 橫卽光也後漢書馮異傳亦云橫被四表

漢人稱橫門爲光門

名曰漢光邑 地理志武功莽曰新光

晨夜屑屑 方言迹迹屑屑不安也江沅之間謂之迹迹秦晉謂之屑屑又屑往勞也郭注屑屑往來皆劬勞也說文屑動作切切也廣雅屑屑不安也本書董仲舒傳凡所爲屑屑夙興夜寐後漢書王良傳何其往來屑屑不憚煩也崔駰傳吾亦病子屑屑而不已也

則時成創 則卽聲相近

以杜衍戶千封嘉爲師禮侯 師當作帥與率同下文作率禮侯

所征殄滅盡備厥辜 備讀若義真牘未之牘

槐里以武爲號翟義以虜爲號 武當作賊上云逆賊惑眾西土卽指槐里趙明霍鴻等也

以戊辰直定御王冠 魏文帝受禪以十月二十九日辛未直成日成定皆取吉祥

王莽傳中

國師劉歆子棧爲伊休侯 言國師者別于上文祁烈伯之劉歆

其元城王氏勿令相嫁娶 莽妻宜春王氏不在同姓之列

是用建爾作司命 司命上疑脫五威二字

命堂威侯王奇曰 命辭言函谷批難掌威于左據此則堂疑當作掌

其宗廟不當在常安城中 本長安從莽所改稱之

大司空邑弟左闕將軍 闕當作關

故尙書令唐林爲胥附 胥疏聲相近

據持萬物 據南雍本閩本作操

厭難將軍陳欽 匈奴傳作陳欽

今已受茅土者公十四人 案十四人者謂安新公王延就新

公平晏嘉新公劉歆美新公哀章承新公甄邯章新公王尋

隆新公王邑奉新公王興成新公孫建崇新公王盛章平公

姬黨宣威公蘭苞揚威公戴級安定公劉嬰也廣新公甄豐有罪國除不在數內莽之宗室公如新舉公安褒新公臨功隆公千功明公壽功成公吉功崇公宗功昭公世功著公利亦不在十四人之內

以勸南僞 僞字古亦省作爲史記平秩南譌司馬貞本作南爲淮南天文訓歲大旱禾不爲高誘曰爲成也禾成於夏故云南爲上下文東作西成皆言農事不當訓訛爲化

在西州者諸公皆輕賤而章尤甚 哀章廣漢梓潼人故曰西州

遣平蠻將軍馬茂將兵擊之 當從西南夷傳作馮茂就都大尹馮英不肯給 就都故廣漢

漢書辨疑卷二十一終
萍鄉文廷俊番禺范公詒沈寶樞校字

漢書辨疑卷二十二

嘉定錢大昭撰

王莽傳下

乘乾車駕𠬞馬 𠬞古坤字

武功中水鄉民三舍墊爲池 中水鄉地理志在右扶風美陽

孫公明公壽病死 公明當作功明壽所封國名

魏成大尹李焉 魏成故魏郡

三輔盜賊麻起 麻言多而難理也上云江湖海澤麻沸亦此

意

國師嘉信公 是劉歆也初封嘉新後改

至地皇三十年如故是王光上戊之六年也 案隸續新莽侯

鉦有新始建國地皇上戊二年之文莽自以土行故令太傅府置戊曹以戊子代甲子爲六旬之首冠用戊子爲元日昏以戊寅之旬爲忌日令太史推三萬六千厯紀六歲一改元遂改元爲地皇

又遣大將軍陽浚守敖倉 此疑卽誅貉將軍陽浚也浚俊不同未知孰是

衍功侯喜素善卦 當是王光之子

校尉東海公賓就 廣韻魯有公賓庚

就識斬莽首 莽年三十八爲大司馬五十一卽眞六十八誅死居攝三年號初始元年始建國五年天鳳六年地皇四年

敘傳上

吾久不見班生今日復聞讜言 讜古作當孔安國益稷傳云

故呼禹使亦陳當言釋文云當丁浪反本亦作讜李登聲類
云讜言直言也

卒富貴不祥 卒讀與猝同

悵世業之可懷 說文韋是也籀文作悵

妣聆呱而刻石兮 妣孟山氏女禹之后也刻石有啟母石也

呱啟呱而泣也應仲遠說非是

周賈盪而貢憤兮孟康曰貢惑也 貢無惑義當是感字之譌

貢感聲相近

轡龍虎之文舊矣 說文轡目轡轡也廣雅轡視也廣成頌云

右轡三塗左擬嵩嶽

風颺電激

颺文選作颺韋昭曰颺風之聚猥者也音庖大昭

案說文颺扶搖風也或从包作颺

夷險芟荒

晉灼曰發開也今諸本皆作芟字大昭謂左氏隱

六年傳芟夷蘊崇之說文引作發云以足蹋夷艸此芟字晉

灼本作發亦發字之譌

神之聽之名其舍諸

名文選作神

紱傳下

朱旗迺舉

迺文選作天

述景武昭宣元成哀功臣表第五

哀字衍功臣表至成帝止

食貨惟先

惟閩本作爲

變定東西

變當作變注同

耳諫甘公 諫當作謀

三枿之起本根既朽 說文櫨伐木餘也引商書若榱木之有
枿櫨重文作櫨枿古文櫨又弓部枿木生條也亦引商書作
枿古文言由枿是枿卽枿字隸變爲枿爾

澤王琅邪權激諸呂 謂用田生之計先王諸呂而激之并王
澤也

旂宅於楚 旂與游同楚元王交字也

其在於京奕世宗正 劉辟疆劉德父子竝爲宗正

劬勞王室用侯陽成 宣帝以劉德親親行謹厚封爲陽城侯
稅介免冑禮義是創 何焯曰義疑作儀大昭案說文誼人所
宜也義已之威儀也漢書仁義作誼威儀作義正與說文同

何氏說非也

窘世薦亾 小雅正月云又窘陰雨鄭箋窘仍也

思心旣霽 五行傳云思心之不容是謂不聖厥咎霽時則有

牛禍

檻轡正席顯陳成敗 檻轡謂諫帝西馳下駿坂正席謂引卻

慎夫人坐也

江都諛輕 說文諛諛擾也一曰諛猶淮南子修務訓云越人

有重遲者而人謂之諛高誘曰諛輕利急音杪

媚茲一人日旰忘食 湯每朝奏事語國家用日旰天子忘食

丞相取充位天下事皆決湯

致死爲福每生作甌 賈誼傳服鳥賦云品庶每生孟康曰每

貪也

烏呼史遷薰胥以刑 小雅雨無正云若此無罪淪胥以鋪後
漢書注引韓詩云薰胥以痛薰帥也胥相也痛病也言此無
罪之人而使有罪者相帥而病是其太甚惠棟曰薰闇也春
秋傳云以韓起爲闇薰與闇通易艮之九三曰厲薰心苟爽
本薰作勳虞翻本又作闇胡廣漢官解詁曰光祿勳勳猶闇
也易曰爲闇寺是薰與闇通之證胥胥靡也楚元王交傳云
申公白生諫不聽胥靡之應劭引此詩曰淪胥以鋪胥靡刑
名也呂氏春秋曰傳說殷之胥靡高誘曰胥靡刑罪之名詩
言王赦有罪之辜而反坐無罪以薰胥之刑也三家詩得之
毛詩誤也

錯綜羣言古今是經 自序云協六經異傳齊百家雜語是錯
綜羣言也

勒成一家 自序云爲太史公書序略以拾遺補藝成一家言
又報任安書云亦欲以究天人之際通古今之變成一家之
言

昏賀失據 昏謂改封海昏侯失據易繫詞云非所據而據焉
身必危

六世耽耽其欲漑漑 說文無漑字漑卽攸也頤六四虎視耽
耽其欲逐逐子夏傳作攸攸荀爽作悠悠虞喜志林云攸當
爲逐

說苑扞偃 諫帝起上林苑拒偃宴宣室

懷肉汙殿

懷肉割肉遺細君汙殿嘗醉入殿中小遺殿上

咸睡厥誨

陳萬年教戒其子咸咸睡頭觸屏風萬年大怒咸

叩頭謝曰具曉所言大要教咸調也

長倩懊懊

論語與與如也敘傳本此說文舉趣步舉舉也

斟酌六經放易象論

斟酌二字首見於國語周語云而後王

斟酌焉荀子富國篇云節其流開其源而時斟酌焉律厯志

云斟酌建指以齊七政揚雄傳云皆斟酌其本相與放依而

馳騁云白虎通云言周公輔成王能斟酌文武之道而成之

也後漢書章帝贊云左右執文斟酌律禮張奮傳云猶周公

斟酌文武之道班彪傳云因斟酌前史而譏正得失班固兩

都賦云騰酒車而斟酌魏志袁渙傳云常談曰世治則禮詳

世亂則禮簡全在斟酌之間耳

獾獾𤝵秦滅我聖文 說文獾犬獾獾不可附也

泯泯羣黎化成長吏 呂刑云泯泯棼棼

娒娒公主迺女烏孫 爾雅釋訓云怵怵惕惕愛也郭璞曰怵

怵未詳釋文引李巡云怵怵和適之愛怵本或作娒是娒娒
卽爾雅之怵怵也孟康注本此說文娒美女也或作𡇗从氏
通作怵說文怵愛也

曲陽敲敲亦朱其堂 說文𡇗𡇗氣出兒从欠不从攴

漢書辨疑卷二十二終 萍鄉文廷俊番里 范公詒沈寶樞校字

兩漢書辨疑跋

攷史之學始於清江三劉氏之兩漢刊誤自後漸多雖不必各有專書而自史記以降二十一史攷之者亦既遍矣然予謂攷兩漢特難何者史記所據惟世本楚漢春秋已亡如尙書左氏春秋內外傳戰國策固童子之所講習者也三國志裴氏之注已詳晉唐而下史才不逮於古不能爲簡輿之文而載記亦日繁其近者去今未遠其軼猶時時見於他說故攷之恆易兩漢之書不通訓詁則文字之段借不明不熟悉其典章則掌故之沿革不備不能徧得其遺碑斷刻之文詞則一人之歷官行事固有不得其詳者矣而星厯器數之術圖讖緯候之書又儒者所謂隱僻迂怪不足道者實皆兩漢之絕學後之人不能以意

通之者也然則何從而攷之乎劉氏刊誤雖佚不傳前明北雍雕板尙采其說入注中繼之者有崑山吳斗南之補遺全書具在今取而覆案之如前所云者果能得其十之一二乎大抵劉氏失之淺吳氏失之支蓋劉氏所刊者不過文詞同異羨闕之間吳氏則膚引眾說而不能自知其當否二家雖爲學者所稱道其爲功於班范之史猶未也夫顏師古之於漢書章懷太子之於後漢書皆集眾家之長注之亦旣備矣後之攷者誠難然使不能舍注所已言別有證據以釐正其是非又何足云攷哉故非學博而思精者不能爲也從父可廬先生研精史學尤致力於兩漢爲辨疑四十餘卷自周秦以迄唐宋遺書之存於今者無不綜覽其徵引旣博又深於六書經訓之學熟於金石刻

劃之文故攷核尤精密異時傳諸讀史之家其功過於三劉吳氏遠矣書旣成先生命塘序其後塘不敢辭也先生嘗病熊方補後漢表條例疏闊舛午甚多遂別爲一書未幾而是書復成蓋先生之勤於著述如此乾隆己亥仲春族子塘謹識

